

The monthly magazine "North Star"



# ВОЙВЫВ КОДЗУВ

ISSN 0134 — 4323

КОМИ  
ЙӖЗЛӖН  
ЖУРНАЛ

94•5

## Висьтьяс

Нина КуратовалӖн  
Владимир БлиновлӖн  
Юрий КочевлӖн

## Кывбуръяс

Александра МишариналӖн  
СкӖр КӖсьталӖн  
Вячеслав БабинлӖн

## Очерк

Михаил ХаметовлӖн

## Статьяс

Вениамин ПолещиковлӖн  
Владимир ЗахаровлӖн  
Валерий МартыновлӖн



Советской Союза Герой В. П. Кисляков семьяыскд да рдвужыскд.



Аддзысны фронтовик-ветераньс. Воськыдылас В. П. Кисляков.



# ВОЙВЫВ КОДЗУВ

КОМИ ИОЗЛОН БЫД ТОЛЫСЯ ЛИТЕРАТУРНО-  
ХУДОЖЕСТВЕННОЙ ЖУРНАЛ

5

МАЙ

1994

ПЕТО 1926 ВОСЯНЬ

■  
ЛЭДЗОНЫ:

КОМИ  
ГИЖЫСЬЯСЛОН  
КОТЫР

ЖУРНАЛЛОН  
РЕДАКЦИЯ

■

□ □ □

ТАЙО НОМЕРЫН:

Нина КУРАТОВА. Кык висът . . . . .	3
Александра МИШАРИНА. Виль кывбурьяс . . . . .	27
Владимир БЛИНОВ. Хорейнюр посёлокын. Висът . . . . .	30
Скёр КОСЬТА. Шонді бөрся. Кывбурьяс . . . . .	38
Юрий КОЧЕВ. Эз прёстит. Висът . . . . .	40
Вячеслав БАБИН. Кык туй. Вын. Көдзыд асыв. Воштөмтор. Кывбурьяс . . . . .	45

ЧЕЛЯДЬЛЫ

Михаил ЛАДАНОВ. Вөр-ва йылысь серпасьяс . . . . .	46
---	----

ВОЙНАЛОН ИОЛӨГА

Михаил ХАМЕТОВ. Повтом сёлөма морт. Очерк . . . . .	53
Владимир ЗАХАРОВ. Фронтовиклөн письмөяс висъталöны . . . . .	64
Сергей КУЛИКОВ. Победалөн медводдза лун . . . . .	68
Вениамин ПОЛЕЩИКОВ. Юрныс воши лагерьясын . . . . .	70
Валерий МАРТЫНОВ. Коми гижөдлөн вужьяс . . . . .	77

□ □ □

# СЕВЕРНАЯ ЗВЕЗДА



*Ежемесячный  
литературно-художественный  
журнал*



Учредители:  
СОЮЗ ПИСАТЕЛЕЙ РЕСПУБЛИКИ КОМИ  
РЕДАКЦИЯ ЖУРНАЛА



## *РЕДАКЦИОННАЯ КОЛЛЕГИЯ:*

Главный редактор

Владимир  
ТИМИН

Альберт  
ВАНЕЕВ

Федор  
ИСТОМИН (Кудымкар)

Елена  
КОЗЛОВА

Василий  
ЛОДЫГИН

Ответственный  
секретарь

Виктор  
НАПАЛКОВ

Георгий  
ТОРЛОПОВ

Зам. главного  
редактора

Александр  
УЛЬЯНОВ



Нина КУРАТОВА

## КЫК ВИСЪТ

### И сөдз ва гудыртчылö

Зинаида пö гуляйтö. Арся ру моз пондiс разавны сикт пасьта лëк сёрни. Йöз вомтö он туйы. Ляпнитнысö колö, а сесся сийö, лëк слава-ыд, лыбас нин. Пожъяланторйыс кö нöшта том лöсыдик нывбаба да дорвидзöгыс кö сылөн абу.

— Тшук збыль, бабаяс, тшук збыль! И кодкöд тi чайтанныд? Спиридоновичкöд!

— Чöлö, нинöм абусö суклявны. Кутас квайтымынö воысь мужик том бабакöд ноксыны.

— Мый озыс, примитöны кö. Ньöти мужичöй на абу öткажитчы-лöма томсьыд.

— Абу тай йöй Зинаидаыс, директорöс крукыштöма, абу кутшöм-кö вина гагйöс.

— Вина гагйыдлысь уна он босьт. Директорыд жö почёт пöv вылад ляскас да орден-медальтö сетас-а. Ха-ха-ха!

— Но эськö тi песанныд жö кывнытö. Директорыдкöд узьлытöг Зинаидаыд нажöвитiс орденсö да медальяссö. Град йöрысь да теплицасысь оз и петав. А быттьö, збыль кö грек налөн, мед, ме ог дивит. Том баба куим во нин мужиктöг олö, быдөн ловъя лов.

— Тэнсьыд тай абу и юалöмаöсь, оя да... Акушерка дорö нин пö ветлöма Зинаидаыс.

— И быдторсö тi кывланныд да аддзыланныд.

— И ачыд аддзан, нырöдзыс рушку лыбас да.

— Перьяс. Акушеркаяс дiнтi кö ветлö...

— А абу кö выгöднö перйынысö?

— Тьфу жö нин тайö олöм пуксис! Кысь, мися, Спиридоновичыс öтторъя карö да районö да сöвещанныö вылö лэччö! Зинаидаыс сөнi курсьяс вылад вöли да сийөн тюръялö пöрысь лешак! Тьфу!..

\* \* \*

Зинаидаөн сиктын ставөн шуисны совхозса агрономшаöс. Кыдзкö артмис сiдз, мый медводдза лунсяныс жö пондiсны шыасыны выль агрономша дiнö эз Зиночкаөн, кöть и акань кодь томиник да мичаник вöли, ни эз Зинаида Васильевнаөн, чин сертиыс кöть колiс овнас ыдж-дöдлыны, а буретш Зинаидаөн. Тайөн кöсийсны быттьö тöдчöдны агрономшалысь томлунсö да öтшöтш пыдди пуктöмсö.

Локтiс Зинаида тайö сиктас во дас сайын нин сельхозтехникум

помалом бõрын. Быттьõ школьница кутшõмкõ ногõн веськалõма совхоз кантораõ. Лõз лентаõн шыркнитõм юрсиыс сямунõма пельпом вылас еджыд кудель моз, платтыбыс — пидзõсьясыс тыдалõны. Котраланинысь и быттьõ пырис директор динõ да юõртис: ме пõ агроном, ыстисны татчõ уджавны.

Директорыс, Степан Спиридонович, круткодь мужик, уна оз большы. Синкым увсянныс видзõдлас да думыштас, восьтны абу вомсõ. Но тайõ нывка вылас эз зумышт чужõмсõ, а тешкодя серõктис:

— Абу детсад миян тани, аканьõн ворсысьяс оз ковны. Мун бõр мамук дорад.

Зинаидалы сэтшõм õбиднõ лои, кõtь бõрддзы, но сэтшõм нин сылõн вõли õбичаыс, зилис скõрмõдны асьсõ, медым не увтыртны асьсõ.

— Мамука менам абу, кõсьянный кõ тõдны, а диплом эм! И между прочим, абу лёк, верманныд видзõдлыны!— ярскõба и кайтыштит нывкаыд да клопкис-пуктит документъяссõ директорлы ныр улас.

«О, кутшõм повтõм пышкай!»— директор чõвтлит видзõдлассõ нывка вылõ, сесся босьтит дипломсõ да дыр видзõдит да бергõдлит, медбõрын чуньнас мõдис тотшкõдны пызан пõвьяс.

— Но, сё морõ, ставыс «пять»! Збыль õмõй нõ тõдан, мый быдмõгьясыс куйõд радейтõны?

— Тõда! И унатор на тõда! И эн лысьт тэ... Тэд пенсия вылõ колõ!— крапкис, эз и дыр думайт нывкаыд. Ныр бордыясыс чашкавлисны.

Камгыны эськõ ыджыд кулакнас пызан пõвьяс, да кага вылас мый скõралан. Шпыньмунис Степан Спиридонович, горõдис:

— Со кызт тэ менõ, едритвой! Давай, давай, критикуйт! Меным и збыль, гашкõ, пенсия вылõ кад! Вот сõмын тэ, сямман-õ менõ вежнысõ, нылу-кõ?

— Ковмас кõ, вежа, па-паша!

«Папашасõ» шуõмыс быттьõ кывберитõмкодь артмис да тшõкмунис нывка, а сесся пыльк-серõктис, ас тõдлытõг артмис ли, челядь сямыс на велдис ли.

Директор тшõtш тайкõ оз тшõкмун. Менõ пõ, сюра-тошка мужикõс, нималана совхозõн веськõдлысьсõс, лысьтõ тадзи! Но мõд мõвп сэк жõ югнитлõ вежõрас: «Колõкõ, и збыль таысь мыйкõ артмас? Абу тай небыд нямõд?»— синьяссõ чискыльтõмõн видзõдлит нывка вылõ, кайтыштит:

— Но вот... Менõ вежысь аддзысис. Кольчы, уджав. Но помнит: стрõга кута юасыны. Эн виччысь некутшõм личõдõм, томлун вылад ог видзõд...

Директорлõн секретаршаыс, олõма нин, лабутнõй нывбаба, шензыштит, кор нюмъялысь вома нывка тюркнитис директор кабинетысь да мõдис «отдел кадров» гижõда õдзõс дорõ.

— Аттõ! Видзõдтõ, примитõма!

Выль агрономша õдийõ пондис нимаवны зильлуннас да тõдõмлуннас. Терень пõль гозьялы, кытчõ овмõдчис выль агрономша, унаõн нин шулисны:

— Патеранткаыд тиян абу шыбитана нывка. Шуанныд тай: ай-мамтõм пõ, гижõдõй сы вылõ овмõстõ дай кувтõдзныд видзас.

— Ой-я дай, ой-я! Верõс сайõ õд босьтасыны! Ми эськõ дедõкõд та йылысь мõвпыштлим нин да.— Лапкучкысылис Тереника пõч да юксылис аслас тõждлунõн.— Юрко Геня суседõй дугдывтõг кильчõ пос шылõдõ. Ме нин пиняся, мися, крõватьтõ вай õшинь улõ. А висьтала ме тэныд, абу кыв нуысь-вайысь тэ да: оз радейт Зинукыс Генясõ. Нускун кодь абу варов, а гусьõн пурыштõ. Мамыс õд сылõн сэтшõм жõ, тõда: суседьяс. Кõtь сизим кусыньõн кусыньтõмõн угõдит... А мальõдасын томиниктõ, зев мудербсь на.

Абу и весьшõрõ туналõма пõчид, корасысьясыс быттьõ сәни и вõлõмабсь. Юрко гõтырыс Катьõ чойыскõд да ачыс Геняыс.

— Чõстуй миянõс татчõ вайõдис. Тани пõ тай пõtка олõ-вылõ,— копрасыны да лывкйõдлыны пондисны кык чой. Катьõыс нин сийõ дзольган гõлбснас чегõм лытõ йитас, каттьõ и каттьõ õти мелй кыв дорõ мõ-

дос. Жөник мян, Генюш, со ачыс тан, ладной и складной, велөдчөм морт, специалист, ветеранной врач...

«Ветеранной» кыв вылас Зинаидалөн серамыс дзулькйөн петис, китшйыны кутис серавны. Юрко гөтырөс сутшик босьтис, варов Катьёос мыкталом:

— Ад-адзан-ныд, онъя ныв-вьясыд... Важөн, корасысьсысыд воасны да, невеста оллявны заводитө, а өни...

Жөник Генялөн Катьё вежаньыс нэмсө сиктса больничаян сиделкаалис да чышкис-мыськис, кутшөм көть и служащой, асьсө зэв образованнойөн лыддис, и друг со тадзи сйёс серамыв лэптис этайө чикулайкаыс. «Сылөн приданнойөн эськө колө юрбитны татшөм жөник вылас. Быттьө вожа пуыс сэсса оз сюр вөрсьыс... Мөдөс аддзам!»

Дөзмыны нин дась вөли вежаньыс, да Геня нырсө и вомсө чукрөдлыны мөдис, меліджыка пө, вежаньө, муса мем тайө нылыс. А мамыд мам и эм. Гөгөрвоис Юрко гөтыр пиыслысь чукрасьөмсө, ачыс кыв босьтис, гөлөсыс выя бордийөн мавтө. Ошкис и Терень гозьяөс и налысь патеранткасө да эскөдис, мый лөсьөдчасны да бур суседьясөн лоасны и бур рөдьясөн. Сөмын Зинаида эз жө тэрмась «муна» кывтө шуны. Думнас мөд зонсян виччысис татшөм коралөмсө.

Неважөн кык выль зон, механизаторьяс, гаражө локтисны. Öтиыс, Карманов Анатолий, сьөлөм вылас воис Зинаидалы, аддзас да синсө сы вылысь вештыны оз вермы. Лабутной сёрниа да лөсьыд статя. Анатолийыс кө эськө коралас...

Мунисны корасысьсыс ыджыд өбидаөн, каитчыны на пө кутас йөй нылыс мянөс брезгуйтөмысь да сёр лөб.

Сиктыд сикт и эм, көсьян на вашкөмөн шуны, а ставыс нин кылөмабсь, төдө быдөн. Нывьяс Геняөс дэльөдан частушка нин лөсьөдөмабсь, войпукигөн сьывлисны:

— Тірибатка, тірибатка, вайлөй Юрко Генясө,

— Кодөс сйө кыйөдө дай Тереньыслысь Зинасө.

А медым стөчмөдны коньөр Генялысь рыныш сотчөмсө, сьывлисны и частушкалысь мөд юкөнсө:

— Тірибатка, тірибатка, вайлөй Терень Зинасө,

— Кодөс сйө радейтө дай гаражса молодечсө,

— Гаражса молодечсө дай Анатолий Сергеичсө.

Мый нө том дырйид, радейтөны кө, сэни и свадьбаыд. Во гөгөр радейтчисны-милуйтчисны дай сэсса свадьба ворсисны Зинаида да Анатолий. Луна-воя пируйтисны сиктса столөвөйын, «горько!» горзисны да любовь-совет томьяслы сиисны. Ачыс совхозса директор йөктис томьяс свадьба вылын.

Терень ордө и овмөдчисны том гозья. Кор Зинаида рушкуасис да нывка вайис, Терень пөль индис налы гожьян керкасө ставнас. Асьным пө ми төвьянас олам. Но кык семьялөн өна торьялөмыс эз и ло, өтгудырджык артмис. Том гозья луннас удж вылынөсь, кагаыс Терень гозья ордын, рытнас чай пуктасны — бара жө өтлаын юоны-сөйөны. Мед пө ті мянлы мам-бать пыдди и лоанныд — унаысь нин шулис Анатолийыс пөрысь гозьялы.

— А зэв прамөй верөс Зинуклы сюрис, — ошйысьлис Тереника баб аслас кодь жө пөчьяслы. — Вежавидзысь и киподтуя зонмыс. Пыр мөлөтөн тотшөдчө, кор гортын. Зиль вөвлы, шуласны, и плеть оз ков.

Регыд и суседьслөн пиыс, Геня, гөтрасис. Зэв ушлөй бабаөс вайис, сельпоысь вузасысь Гаялөс. Мам-батыс Галиналөн хохолъяс, кутшөмкө ыстылөм войтыр али вербуйтөмаяс, неылын лесопунктын олісны. Зэв озырөс. Пырысь-пыр и том гозьялы «Жигули» козьналісны. Геняөс өна сьөбөн он шу, зато Галинаыс би кыв кодь, ставнас бергөдліс. Торйөдис верөссө мам-бать дорсьыс, аслыныс керка зымгисны Юрко да Терень керкаяс костө, вагонкаөн эжисны, мичмөдисны да баситисны. Орччөн гараж да пывсян төпкисны. Гожөм-мөд жынгис-кыліс гөлөсыс хохлячкалөн, Геня тыөшалөн:

— Да якие же мы батько да мамко, колы Галыне, единственной дитяти откажем чем, взробливать побоимся?

Том көзьяйкалөн, Галиналөн, долыдысла синъясыс кодзлалёны, во-  
мыс этшвидзё, верёссё өтторъя чуткыштё, ворсёдчыны окота, госыс ги-  
лялё. Зинаида гозья дорё тшёкыда шыасьліс:

— Пидеме до нас, щай попьём! Ми өд суседъяс, мый колё мага-  
зинсыд судзёда и.

Зинаидалён эз ёна съёлёмыс лэпты ёртасыны Геня гозьякөд, да өд  
выльысыд овмөдчигөн быдторйыд колё, кага крөватыйд и джодж дө-  
райд. Корсюрё шыасьліс вузасысь дорад. Кольлы пё рытөдзыс, ме-  
ным дзик некор луннас лавкатыс ветлыны. Сэсся сідзи и кызкё ма-  
тысмисны. А кызди нё сиктад суседыккөд лөсвятөг? Пурсьыныс быт-  
тёкө нинёмысь жё вёлі дай. Толикыс совхозас кор трактор вылын,  
кор машина вылын. Корасны кө, налы пестё вайё, стрөйтчан мате-  
риалъястё. Галина ковёр ли таз кольөдө Зинаидалы рытөдзыс. Раз-  
мөдтрь нин Зинаидаёс каганас жургылісны-нулісны «Жигулиён» рай-  
центрё больничаё. Мый нё нөшта колё? Дөвбленёсь суседъяс өта-мөд-  
нас. Дөвблен Зинаида олёмнас. Верёсыс авъя, најөтка вайё, нывкаыс  
визув, былмё, пөль-пөчыс рөдимөй кодьбөсь, уджыс градывв пуктасьяс  
дорын съёлөмсө бурмөдө. Теплицаыс корис лөсьөдны, өгурцы да поми-  
дор пё пондам вөдитны. Сиктад выльтор на вёлі теплицаыд, полисны,  
но өтиёс лөсьөдісны. Бөрүнджык нин радпырысь тепличөй көзьяйство-  
тө пондісны паськөдны, кор Зинаида делё вылын петкөдліс выгөдасё.  
Ладнө быд боксянь вёлі да ускөттёбөд юасьтөг да виччысьтөг и сүөдө.  
Өтчөд сёр арнас, лымьякодь нин тай вёлі, Толикыс лөччыліс карё  
запчастьясла, өти сайсянь и куканьясөс лөччөдіс яй вылө сдایتны. Лок-  
тіс сёр войнас, машинасө өшинь улас и сүвтөдіс. Аскинас участкөвөй  
Семён Карлович да кос соя Митиперлөн ыджыд пныс вольпасысь  
Анатолийёс лэптисны. Мортёс пө тальялөмыд, эталысь батсьө, Мити-  
перёс.

Толик серөктіс:— Мунө сэтысь! Изнытө... Эг код вөв ни эг узь...

— Узин эн, ог төд, а тэысь кындзи ветлысь-мунысь машинаыс сэс-  
ся эз вөвны.

— Да ті серьёзнө?

— А тэ кызд чайтан? Доказательство миян эм. Так что, мунны ог  
вермөй, пока акт ог составитөй. Наручник, дерт, ме тэныд ог пукты,  
но, молодечө, ковмас тэд кыв кутны.

— Мыйысь? Шуа жё, эг код вөв ни эг узь!

— Пет, көлесатө видзөдлы. Гырдыс оз пөръяв. Ме, брат, нинөм  
абусыс шум ог лэпты. Локтасны, анализ босьтасны. Петкөдлас, мыжа  
ли абу...

Суд вылас Анатолий пукаліс пемыд вой кодь зумыш, видзөдіс му-  
ас, полис гөтыр синъяскөд паныдасыны. Сизим во сетісны. Судьясыд-  
көд он на, майбыр, чужьясь. Закон пө сэтшөм. Бур йөзыс эськө ёна  
дорйисны да. Митиперыс пө эз и косьмыв, ачыс, колөкө, юрсө суйис да.  
Школаын котельнөй ломтіс да школасө вежон нин абу ломтылөма-а...

Мый лоны — лөбма. Бөрдіс-шогсис Зинаида, да өд синванад нинөм  
он вөч. Өти спасенньө — уджыс. Тулыс, гожөм, ар, теплицаыс, капуста  
да морков муяс. И съөд войыс. Өти радлун — гортас нывкаыс да вонас  
өтчөд Толикыскөд свидание. Тадзи куйм во. Нельөд во вылө мөдөдчис,  
карё төлысса курсьяс вылө ытісны. Локтіс карсыс, а сиктын зык-  
шум. Сельмагысь завыс, юысь Лара, растрата вөчөма. Вузасысь Га-  
лина да Лара кості съөд кань котөртас. Мый вермөны пиньялөны өта-  
мөдсө, няйтөн резёны.

— Да, Лара улас кудзавтөдз юис, а ме растрата мынты? Пигуш-  
ки!— горзіс Галина, чашйис ассьыс юрсисө. Лариса бара юыштөма  
нин, рака кодь кравскан гөлөсөн жынгис:

— Тэ, пөж тэ, кужан гусясьныд! Ставсө гусявлін да менө көсьян  
тюрмаө пуксьөдны! Жулик гозья! Гашкө, ог төд, мыйысь пукалө коньөр  
Кармановыс? Ті кужанныд пуксьөдавнытө...

Коді на костын мыжа, коді абу, мед ачыс сөтанаяс разяс гөрөд-  
сө, өзйөм пөжартө ватөг он кусөд. Но Ларалысь кывьяссө унджыкыс  
эз пьдди пуктыны. А Зинаидалы татшөм шуасьбөмьясыд морөспань

улас сатшөмөн сатшисны. Быть окота лои сёрнитыштны Ларисакөд. Раз-мөдысь нин ветліс гортас Лараясө, да этша на сёрнитан, пыр кө лезьялө код. А сэсся ачыс, виччысытөм гөстя, воис Зинаида дорө. Удж-төмала пө, вөтлісны магазиньсы, растрата вождісны, босьт, криста ради, удж вылө ас бригадаад, ог кут юны.

— Ог төд, босьтны абу тэнө, төлк вывсыс вошөмыд да,— көдзы-дакодь и примитіс кортөм гөстятө Зинаида, но думсыс вөлі рад, өні пө тшук нин сёрнитла Анатолий йывсыс.

— Он инө босьт?— жугыльмис Лара да здук бөрти зэв и скөрысь горөдіс:— Мый нө, инө, ме шыбитөм шыблас нин? Дзик эштөм морт?!

— Ог шу. Абу на дзик эштөм, удж на со корсян да. Вот кывйыд... Нинөм абусө лөсьөдлан и.

— Ме? Нинөм абусө? Мый нө ме лөсьөдлі?

— Менам Анатолий йылысь тай. Ачым өд кывлі, горзін: коньөр Карманов пө весьшөрө пукалө.

— Горзі, но и мый? Тода и эм да! Машина көлесасө мыськавны войнас петалисны и эм да!

— Войнас кыйөдчин ли мый?

— Да, господи! Узи ме на ордын, узи! Он өмөй гөгөрво? Рытнас Галяыс менө корис, лок пө пукалыштам. Геня пө батьөяслы пывсян вөчны лесопунктө кайис, оз ло. Ачыд төдан, сэтшөминад ме конкиа лыба. Муні. Пукалыштім, кык доз Галялөн вөлі, кыкнансө сысьялім. Пызан саяс и менам унмовссьөма. Садьми, өдзөсас кодкө игөдчө. Галя менө шулки-пелки кыскис вежөс саяс, вод пө джоджас да эн рыпайтчы. Менө вөрзөдісны да шогөдны кутіс, увкъя сөмын, а помөй ведра дорас петны ог лысьт. Геняыс код пырис, сука пө, мый сы дыра он восьты, менам пө че-пе! И матькыны заводитіс. А Галя тупйө сылысь вомсө да вашкөдө мый-я. Но Геннадийыд нөшта гора, эсийө пышмувыв пөлөкалөыс ли мый пө мянын? Мед весасяс! Эз жө тай сэсся вөтлыны. А менам кынөмөй пежысыс прөстмис да бара унмовссьөма.

Вылө пөв садьми кутшөмкө нохсьөмысь. Орчча жыръяс кыліс то вашкөдчөм, то ведрөн гользөм, дай кажитчис: Галя быттө ымзө. Сэсся дзуртыштис өдзөсыс дай петісны, кылө, өдзөс мөдарас.

«Порсьпыныс ли мый нө висьмөма, войнас дзурсьялөны?»— думышті ме да чеччи, бовзөді ылжыд жыръяс, мися, көгь ветьөк корсьла да чышкышта восөс. Ошинь саяс дзуртыштис лымйыс, и ме видзөдлі занавес костаыс. Вуджөръяс моз гозъя пырисны гаражас, кианыс ведра да ветьөкъяс. Сө ей бог, лөж ог байт. Джодж мыскан ветьөксө ме корси, корси да сідзи и эг аддзы, найө, буракө, ставсө сьорсыс петкөдөмаөсь. Увдор юбка пөрччи, сійөн и сэсся чышки эсийөс. Мый жалитны юбка-сьыд, сідз нин тыпонет кодь ва вөлі да... Ме, юышта кө, мыйла-я бөждорөс пыр көтөда. Но өні, ен могысь тэд шуа, ог кут сэсся юны, босьт сөмын дінад. Ме өд сөмын сэні, эсийө пежыскөд уджаліг юыштавлі...

Зинаида торкис Ларалысь висьтсө, сійөс оз интересуйт став татшөмторйыд. Инмөдчыліс Лариса дорө, веськөдіс висьтасьөмсө бөр колана вожас:

— Но и мый, Лариса? Петісны гаражас. Мало ли мыйла эз петны.

Лара вачкучкысис:— Кутшөм тэ төлктөм, грамотнөй ещө шусян! Думышты ачид: Кармановыд шуө, эг пө тальяв, а көлесаас лымйыс вирөсь! Галина гозьяыд вед ой-ой... Вермасны быдтор!

Татчө Лара ланьтис да пондіс малавны да видзөдны ассьыс киясө. Недыр мысьт лэптис юрсө, шуыштіс:— Ме сэсся нинөм ог төд. И сідз нин зэв уна висьталі. Босьтан кө, воа аски удж вылад, а он кө, и петляыс эм.

Лариса пырысь-пыр мөдіс өдзөсланысь, порог саяс воськовттөдз сөмын сувтовкерис, медым кывны Зинаидасянь воча кывсө: «босьтасө» ли «огсө» ли.

Зинаида удитис пөперегавны сійөс. Эн на пө тэрмась, Лариса. Кутшөм пө петла гаралан? Босьта, дерт, матайтчөм мортөс, абу ме нинөм гөгөрвотөм. Но тэ мунтөдзыд вай гиж меным ставсө, мый висьталін.

— Ме бара-й ог! Мыйла?

— Мыйла, юалан? А збыль кō Толикыс зра пукалō? Ен грекыс он пов? Сэки суд вылас мыйла чōв олин?

— Сэки? Ок тэ кутшōм! Галинаыдлы сюрлы! Шōри орōдас!

— А ѓни, ѓни он нин сыкōд лавкаад уджав.

— ѓни... Босътан кō удж вылад... Да тэ ѓд менō он жō вузав?

— Ог вузав, ог, Лариса. Мед тэа-меа костō и кольō пока. Тэ некodлы эн висътав, ни ме кыв ни джын. Толиккōд меным колō сōветуйтчыны. Сы динō ветла свиданнō вылō да вōлись йѓзōдам ли ог ли. Тэ сōглас мекōд?

Лариса ѓвтыштис кинас: — А, мый лоны ло! Нэм кōсийи чōв овны да кутшōм лōсьыда пычкин! Но, ме муна. Кызди договоритчим, либōсь... Аски удж вылад воигōн и ме тэд вая гижѓдōс. Кōсийиси кō, эн пов, ог пōръяв.

Лариса петис, а Зинаида выль пōв, кымынōдыс нин и босътис да пондис лыддыны Толиксынынъс воѓм письмōсō.

«Свиданка вылō корō. Вѓзйысьла вежон кымын кежлō. Ларалыс гижѓлсō буретш нуа и...»

\* \* \*

Зинаидалы сийō вежоныс, гашкō, медся шуда кад и лон бōръя жугыль воясас. Мед решѓтка сайын, мустōм тюрмаын аддзысисны гозъя, а кылōмōн кылō Зинаида ас лов пытшсыс кутшōмкō гажа сьылōм дай став. А помкаыс, дерт жō, Толикыс, кодī ловзѓма ловнас да кутō надея срок джын прѓйдитōм бōрын петны гортас. Бура уджалōмыс пō кōсийōны лэдзын. Сийō ѓтик. А мѓд-кō, ѓнакодъ лон сѓрнитōма и Лара гижѓд кузя. Анатолийыс веськыда и шуис: Лараыс пō, буракō, и прав, но сийō гижѓдōн пō ме ог понды начальство дѓрти ветлыны да туйзысьны. Регыд пō менō и сідз лэдзасны.

— Толик! Прѓститан инō?

— Прѓстита ли ог ли, но мед енмыс судитас найѓс. Ме ог кōсийи. Лѓкыс век нин лѓк чужтō. Ме норася на вылō, найѓ бара мыйкō вьлтор думыштасны, медым водзѓс босътны. Ог кōсийи, Зинук, люкасыс мѓскōн лоны. Кōсья прѓстō уджалыс мортōн лоны, тѓнō да нывтор дитюкѓ радейтны. Да нѓшта кōсья, пи мед тэ меным вайин...

Пи. Куим луна-воя и гозъя ѓтлаын вѓлисны, муртса ляскысьлисны, а тшук гѓрддзасѓма Зинаида кынōмын выль олѓм. Кык вежон бѓрти и ас йывсыс юѓртис мамыслы. Пыр и гудыртчас Зинаидалōн сѓлōмыс, сѓян дук кō кылас. Нывкасѓ новлѓдлїг некѓр эз вѓвлы тадзсѓ, тайѓ, гашкō, пи артмис? Толиклы юксыны полō на Зинаида, весиг Тереника бабыслы, мед нин пō оз вомдзасъ да лѓѓ сідз, кызди Зинаида кōсийѓ. Тѓрмасѓмнад кѓч моз чепѓсьян да ачюд жō и пуѓ люкасян.

А, вѓлѓмкō, и чепѓсийины оз ков. Дасътѓмаѓсь нин сылы туй вылас ѓсь йыла да чорыд увъяса пу.

Зинаида ѓд важѓнкōд нин гѓгѓрволис бабаяслыс шушѓдчѓмсѓ да чайтис: дивитѓны сийѓс тюрмасыс рушку вайѓмыс. А вѓлѓмкō... Гуляйтѓм слава лѓптѓмаѓсь! Кодлы и юрас кучкѓма татшѓмторсѓ лѓсьѓдны? Ачыс тай Зинаида кывлис да пельясыслы эз эскы-а. Сѓтшѓм лѓсѓвтѓмторсѓ нѓ кывлан да кызди эскан? Теплицаас кодкѓлунѓ буретш ѓгуреч рѓсада разѓдисны. Копырвидзѓмысла ѓна шогѓдны пондис Зинаидаѓс да петис йвлаас. Здук-мѓд бѓрти и пырис бѓр, а Лара кортса-сѓм гѓлѓснас, кылѓ, карскѓ:

— Спиридоновичлѓн Лушаыс эськѓ рѓдпом меным лѓѓ, да таковскѓй! Мед вежѓгтыштас да сѓлѓмсѓ дойдалыштас. Йѓзидлыс шогпечальтѓ оз тѓд. Ме шысѓсли сы дорѓ растрата дырйи да менѓ тайкѓ оз чужъяв... Ме эськѓ Зинаида йывсыд ог сідз чайт да...

Аддзис Зинаидаѓс, дзик пыр ланьтис.

— Тѓ нѓ мый, Лара, абу-ѓ код галун бара?— шысѓсис Зинаида.

— Ме код? Пернапас чѓвта — дзик веськыд! Тані тїян дорын и винатѓгыс гажа. Шуи тай сѓмын...

— Но, абу кѓ код... Зѓв гора гѓлѓсыд да чайтї...— кайтыштис Зи-

найда, а ачыс думыштіс.— Қод йылысь нӧ сёрнитіс Лараыс? Менсым тай нӧ нимсӧ гарыштіс?

Сӧмын рыгнас, кор локтіс гортас да Тереника баб сёрни паніс, вӧлись гӧгӧрвоис: сы йылысь и эм. Со и бабыс та йылысь жӧ гарыштіс. Зинукӧй пӧ, гулюӧй, висьтала мыйкӧ да он дӧзмы? Тай нӧ сёрнитӧны... быттӧ пӧ тэнад кынӧмпӧтыд директорсянь. Збыль ли лӧж, висьтав вай, дитяӧ.

— Бабук, да мый тэ? Эп бара-й некодлы эскы. Нӧбася да вед аслам законнӧй мужиксянь. Тӧвнас тай нӧ Толик дорӧ ветлі, сӧки шедӧма. Господи, бабӧ, кодӧ лӧсьӧдӧма да Спиридоновичсӧ сэтчӧ мыйла каттӧма? Спиридоновичсӧ вед меным баты пидди туйӧ дай батыс моз и пидди пукта. Кодлы да мыйла татшӧмторсӧ коліс лӧсьӧдлыны? Толиккӧд кӧ торйӧдны кӧсйӧны, ми сідзи нин мый дыра торъяӧсь. Совхоз начальствокӧд, гашкӧ, лӧгӧдны? Но мыйла?

Зинаида эз вермы кутчысьнысӧ да сывйыштіс бабсӧ, бӧрддзис.

— Но, но, дитя, лӧнь вай, эн бӧрд. Сёрнитасны и дугдасны,— такӧдыштіс сійӧс бабыс, луп-лапкерис мышкуас.

Зинаида лимӧстіс:

— Ӑбиднӧ ӧд. Спиридоновичсыс яндзим и.

— Сыысь тэ эн яндысь, мед яндысясны найӧ, тыртӧм мельничаа бабаяс. Спиридоновичсӧ шань морт, гӧгӧрвоас, а вот Толядыды мед оз суклявны, сійӧ ӧзйысь зэв, кокниа пузьӧ. Мед оз жӧ сэтшӧмторсӧ нинӧм вӧч.

— Толиксыд ог пов, тӧдӧ сійӧ менӧ, оз эскы нинӧм абуыслы.

Бабӧ дзик пыр и вештыштіс Зинаидаӧс дінсыс тайӧ кывъяс бӧрас, мый нӧ пӧ инӧ бӧрдан и шогсян, мед эсыеяс бӧрдасны да шогсясны. А тэ... Тэн колӧ Анатолей воигкежлӧ питор вайны. Сійӧс и видз, кагаыд ӧд сійӧ, мед кӧть и кынӧмад на, шогсьӧ жӧ, мамыслы кӧ шог.

— Ог кут, инӧ,— ичӧтик нывка моз и вирснитыштіс нырнас Зинаида да лӧнис.

Но, шуис кӧть «ог куттӧ», бӧрдысь сӧлӧмыс дыр на эз вермы инас ӧшйыны. Водіс нин да вольпасяс сӧкыда висысь моз вой джынсӧ на пластайтчис-вийсис. Қыа петігас тай унмовссьӧма жӧ.

\* \* \*

Эз лючки узь сійӧ войсӧ сиктын и мӧд нывбаба, Лукерья Ивановна, Степан Спиридоновичлӧн гӧтырыс. Луннас ветліс больничай, юрӧй пӧ мыйкӧ висьӧ, колӧкӧ, давление, муна прӧверита. Роза Андреевнаӧс, важ пӧдругасӧ, сзсь жӧ аддзис.

— Луша! Мый дыра нин эг аддзысьлӧй!— радлыштіс пӧдругаыс да корис дінас пуксыны.

— Ог тай аддзысьлӧй, пенсия вылӧ петім дай торъялім.

— Кага ме карын нывлысь видза. Локті со татчӧ гӧститны дай дзик пыр нӧмді. Тэ нӧ висьӧдчан жӧ? Омӧльтчӧмыд тай. А кызди, шу, он омӧльтчы, Спиридонович йывсыд омӧльтор жӧ сёрнитӧны да. Гуляйтӧ пӧ тай нӧ. Йӧймӧма ли мый сійӧ?

— Ог тӧд...— Лукерья Ивановна падмискодъ.— Сэтшӧмторсӧ эг на тай быттӧ гӧгӧрвоыла.

— Нӧбасьӧ пӧ Зинаидаыс да.

— Кутшӧм Зинаида?

— Быттӧ он тӧд агрономшатӧ.

— Сійӧс тӧда, но эг на кывлы.

— Став сиктыд сёрнитӧ да.

— Мед нинӧм абусӧ сёрнитасны. Ме бара-й ог верит!

— Ме сідз жӧ шуа, мися, сӧрӧны...

Сяммис кӧть Луша дзевны пӧдругасыс падмӧмсӧ да вежӧгтӧмсӧ, петіс больничасыс да первой делӧ теплицаяс дінӧ окота лои усыкӧдчыны да пазӧдны сзтысь ставсӧ. Но гӧгӧрвоис, мый джуджыд бӧра кӧмнад сэтчӧ он во, лымйыс со пӧшти сылӧма нин да зыбуч няйт лӧма туйыс, зновтчис тайӧ мӧвпсыс. Кантораас, верӧс дорас бара жӧ

ниньомла, районь водз асывнас мунисны Юрко Геня зоотехниккӧд. Чашсьӧдӧс гортас, локтӧс да первойӧн пазьсетӧс стenas ӧшалысь портретнас, кӧнӧ найӧ гозья снимайтчылӧсны коркӧ том дырйиыс. Сэсся бӧрдыштӧс скӧр синваӧн дай лӧнис, медым бӧрти верӧс воӧм бӧрас бара пузыны. Лунколяссӧ сэсся тракйысис-пелькӧдчис сӧдз нин сӧстӧм керка пытшӧ да ропкис:

— Том баба ковмӧма пӧрысь межлы! Ме тэныд петкӧдла, му вурдысьлы! Дзугьяс авторитетыд!.. А эсӧйӧ, Роза Андреевнаыс... Пӧдруга шусьӧ... Сы мында радлун яндысьтӧм синьясас вӧлӧ, прамӧ ызбыльтӧ радлуныс, менӧ дойдны кӧсйис, увтыртны. Ачыс нэмсӧ верӧстӧг олӧс, кысьясис кодкӧд сюрӧ да... Сӧрнитӧны пӧ сикт пасьята... Кодӧ нин сылы сӧрнитӧма? Ачыс, колӧкӧ, Зинаидаыс, уселон гӧтырыс... Каитчыны на кутан, Зиночка, менам верӧс вылӧ заритчӧмысь! Оз на кокниа энотт менӧ Спиридоновичыд! Тэд на ковмас сӧйӧс эноттны...

Сӧр рытнас воис Спиридонович районсьыс. Гӧтырыс пыр и ӧгырӧн резны мӧдӧс.

— Луша, мый тӧкӧд? Кутшӧм лӧдз курччис? Видзӧдлы портфельсь, кутшӧм козин тэд вайи.

— Вайин кӧ и ну пӧдругаыдлы! Виччысьӧ, пӧдикӧ, тюромщик гӧтырыд.

— Но, баба, мый тэ сӧрнитан?

— Ог ме, а йӧзыс. Став сикт нин ызгӧ.

— Сикт ызгӧ? Мый йылысь нӧ?

— Ачыд тӧдан.

— Мый йылысь, мися, сӧрнитӧны?!— гӧлӧсыс верӧсыслӧн горамис.

— Пӧдруга пӧ видзан да кага сӧйӧ кӧсӧйӧ тэд козьнавны. Зиночкаыд...

— Лукерья!— ырӧстӧс верӧсыс, зымгис кокнас.

— Эн зымӧд, эн...— Луша кӧсйис на кратайтчыштны, да ас кадӧ гӧгӧрвоис: «Лукерьяӧн» кӧ шуӧ гӧтырсӧ верӧсыс, сӧдзкӧ, скӧрмӧма ӧна, сӧк вермас и кулакнас вартыштны, и пызантӧ путкыльтны. Ӑдйӧджык нин ланьтӧс Луша да пырис кылтас, шкап сайӧ саймовтчыштны.

Спиридонович эз понды кулакнас шенасьны ни пызан путкылявны, но гӧлӧсас скӧрыс пуис на:

— И тэ меным тайӧс висьталан? Менам гӧтыр, кодкӧд комын саяс во ӧтлаын олӧма. Тэнад эм юр вемыд кутшӧмкӧ? Мед эз вӧв татшӧм сӧрнисӧ некор сэсся панӧма!

— Йӧзыс сӧрнитӧны,— шыясис шкап сайсянныс гӧтырыс.

— Йӧзыс? А тэ кывзан! Учительница, педагог шусян. И эн лысьт Зинаидасӧ тюремщик гӧтырнас шуны. Почётной гражданка сӧйӧ мян. Сы пельпом вылын совхоз джынйыс кутчысьӧ.

— Со, со. И дорйыны мӧдӧн пӧдругатӧ,— тюркнитлӧс-мыччысьлӧс Луша шкап сайсянныс да бӧр ыр-дзевсис, лӧз пӧнартӧ синмас пӧлучитны эз жӧ вӧв окотаыс. Верӧсыс уськӧдчылӧс сылань, да эз жӧ тай вачкы, шеныштчис сӧмын да сэсся зэв мудз морт моз рудзмунӧс места вылас, ышловзис:

— Мед пӧ сэсся мян челядь оз лоны невежаясӧн... Этатшӧм велӧдысьяс дӧнад... Ме мудзи, вай нурийӧдышт да узьны вода.

Ужнайтӧгӧн ӧтиыс ни мӧдыс кыв пас эз сетлыны, ва быттӧ вомас босьтӧмаӧсь. Сӧдз жӧ нем шыавтӧг и вольпасяс разӧдчисны, Спиридонович дзик пыр и саргыны кутӧс, а Лушалӧн эз узьсьы. Везьялӧсны мӧвпьяс ӧти мьсьтӧмджык мӧдысь.

«Збыль ли мый нӧ Стӧпаыс сылӧн дурмис? Том дырйиыс тай эз некор том бабая вылад видзӧд-а. Пӧрысьӧ-нэмӧ мӧй ышмис? Шуласны тай: мужичӧйлӧн пӧ юрис дзормӧ, а гыркас мути чужӧ... Сӧтана жӧ эськӧ да, думайт вот быдторсӧ ӧнӧ. Колӧкӧ и нинӧм абусӧ сӧрис Розаыс. И Зинаида немьсь абу мыжа. Код тӧдас... Тереника пӧч, гашкӧ... А, сӧ лешакӧ, мыйла нӧ та дыра тӧд вылӧ эз усьлыны Тереника гозьяыс? Найӧ тшук тӧдӧны ставсӧ Зинаида йывсьыд! На ордӧ и колӧ ветлыны. Аски жӧ...»

Тайб мѡвпнас сѣсся и унмовсис да аскинас лун шѡр кадѡ кымын мѡдис Тереньясѡ. Онѡ пѡ тшук ѡтнас бабыс, позяс ськѡд и секретничай-тыштны.

Мый секретничайтисны, Тереникаыс кындзи некод оз тѡд, а вот мый юрас гѡрддзалис Лукерья, эз тѡд весиг Тереника баб. Лушаыд сѡйѡ — лукав баба, оз на быдѡнлы пелькнит-восьты ассьыс лов пытшсѡ. Но мый Тереньясѡ ветлѡма Луша, сиктын ѡдѡйѡ кывсис. Синма и пеля сиктыд, йѡзасѡ и войшѡр кадын вѡчѡмтор, а лун шѡрсяыд, дерт нин, йѡзася. Бабаяслы выль сѣрнитантор лон.

— А кывлѡнныд, Лукерья пѡ Тереньясѡ ветлѡма да Зинаидасѡ муртса абу юрсѡдыс кыскалѡма.

— А мый, вермас сѡйѡ, атаманша.

— Абу, абу сѡдзи! Грѡзитчѡма пѡ, мед пѡ Зинаидаыс ушумгайтчас кытчѡ гажыс.

— Ок, ок, оз на вермы выжывитны Зинаидатѡ. Сы йылысь бур славаыс паськыда жѡ кывсѡ.

— А ме бара кывлѡ: грѡзитчѡ пѡ Анатолейыслы гижны.

— Ёна инѡ повзѡма верѡссѡ мырддѡмысь, учительница морт кѡ суклясян письмѡясѡн кѡсѡй занимайтчыны...

Быдѡн кывлѡма мыйкѡ да быдѡн и ассяныс содтыштѡмѡн юѡртѡ мѡдлы. Татшѡм нин бабаясыдлѡн модаыс. Мукѡдсѡ няньѡн эн верд, сет сѡмын котралыштны сикт кузя, пыркѡдны бѡжторсѡ.

Волѡсны эз директор пельѡдз татшѡм шушѡдчѡмьясыс, а Зинаида дорѡдз писькѡдчылісны. Ачыс жѡ и Тереника баб локтѡс лавкаыс да висѡталѡс, сѣысь лапкучкысис: яй кывѡыд пѡ тай бабаяслѡн нюглясьѡ. Сѣтшѡмтор пѡ сѣрнитѡны, а ме, ей богу, эг кывлы Лукерья Ивановна-сянь ни ѡти грѡзитчан кыв. Юалѡс сѡмын, збыль-ѡ нѡбасѡ. Ме бурѡн и ставѡс висѡталѡ. Бур сѣрнисыс нѡ кутшѡм грек? Торѡдчим бурѡн и. Петѡгас на сѣысь шуис, извенит пѡ, Матвеевна да Зинаидалы эн и висѡтав волѡмѡс. Он тай, висѡтав... Ме чѡв ола, кодкѡ мѡд сѣ пѡв содталѡмѡн висѡталас. Дивѡ! Луннас волѡс, рытнас быдѡн нин тѡдѡ. Грек ли абу, а ме думайта да, этайѡ мяян бур суседкаыд лѣдзѡ сѣрнисѡ. Сѡйѡ аддзыліс Лушаыслысь мяянѡ волѡмсѡ, сѣсся некод эз.

— Меным, бабѡ, веськодъ нин, кодѡ кѡть мый сѣрнитѡ,— ѡвтышѡтис кинас Зинаида да содѡтис:— ѡти пельѡд пырѡ, мѡдѡд петѡ.

Зинаидалы збыль веськодъ лѡины йѡз шушѡдчѡмьясыс. Первойсѡ ёна дойдѡс, а сѣсся и кывзыныс некор лон. Тулысыс со таялѡ, юр выв тыр удж лон, некор песны ѡбидасѡ. Онѡ весиг Степан Спиридоновичкѡд паньдасьны абу яндзим.

Кодкѡ лунѡ тай теплицаяс видлыны волѡс да панлѡс Зинаидакѡд сѣрни. Но пѡ, агрономѡ, кутшѡм делѡясыд?

— Кутшѡм?— чорыдакодъ и артмис Зинаидалѡн.— Пыр да ачыд видзѡдлы дай. Мый юасян?

— Ме ог сѡйѡс юав. Гортад кыдзи, ме юавны кѡсѡи.

— Гортын кыдз кѡть, тѣд делѡыс ичѡт,— крапкис Зинаида да лѡд-сыштѡс на нѡшта,— бабаяслысь юав, висѡталасны.

— М-да, найѡ висѡталасны...— Степан Спиридонович вештышѡтис юрсѡыс кепкасѡ, гыжйыштѡс юрсѡ да мыжа морт моз и шуыштѡс.— Но ладнѡ, ог понды манитны тѣнѡ. Уджалѡй, ог мешайтчы, муна.

Спиридонович мунѡм бѡрын эськѡ пиняліс жѡ асьѡ Зинаида да, сѡтанникыс нѡ пѡ ме мыйла ськѡд гадзи кратайтчи? Морт ногѡнджыкыс нѡ эз позь. Но сѣсся крапкис: кыдзи пѡ артмис — и мед! Главнѡйыс — паньдасьлісны. А водзѡ мый лоны — лѡ!

А лѡис сѣтшѡмтор, мый и вѡтнас ни вемѡснас Зинаида эз думышѡтлы. Тулыс помнас босьтѡс да швач локтѡс Толикыс, телеграмма кучкытѡг ни юѡр сѣттѡг. Висѡталѡны тай, абу пѡ автобусѡн воѡма — ѡтруб кыскалан машинаѡн. И чеччѡма абу сикт шѡрѡ, а скѡтнѡй двор туй вылѡ. Сѣсянь и гортас сѣсся клевер му вомѡн веськыда шалксьѡдѡма. Сѡдзсѡ, дерт, матынджык гортѡдзыс, да ѡд бур йѡзыс, ѡти-кѡ, автобусѡн ветлѡны: а мѡд-кѡ, некод оз муяс вомѡн гортас ветлы, ставныс улич кузя сикт шѡрѡд. Вузасьысь Галина пѡ тай аддзѡма звѡз вывсяныс

му вомён шалксьодысь Кармановтё да сы ни садь уськөдчёма участковой дорё-а. Ой пё. Карпович, өдйё котөрт, спасит Зинаидасё. Тшук виас! Бурён эз лок сроксьыс водзтё, тшук пышйис!..

Участковой Симен Карпович, сиктса ног кө, прөстё Карп Симё, өшинь улас буретш градсё гуддьёма. Сэтшөм юөрнад кө воасны, кутшөм нин град! Форменной пуражкасё да пистолетсё тай кватитёма жё да котөрөн Тереньясё. Арлыдыс эськё абу нин котралысьлөн, да быть котөрт, колөкё, Кармановыс и решитны нин удитис гөтырсё?

Терень потшөс дорё матысмиг и кыліс Карпович лёк горшён чилзём шы.

«Ставыс яснё, мөмляйтны өні оз позы!» Весиг потшөс поскөдзыс эз лок, звиркнитис потшөс вомёныс да потшөс прасла вылас и сөліс паськалём вомён. Чилзё, вөлөмкё, порсьпи. Тереника пөч порсьписё гидсьыс ки вылас петкөдіс, йөрас лэдзис. Да со и ачыс Зинаида кильчө вылас явитчис. Аддзис потшөс вывсьыд милиционертё, сувтовкерис, кыз кынём вывсьыс платтьөсё лөсьөдыштис:

— Но, зэв геждө гөсть тай мянө локтө! Пыр вай, Симен Карпович, керкаас. Мян зэв ыджыд гөсть. Толик локтис. Ме лавкаө котөртла. Виччысьтөгьыс воис да мян нинөм гөститанторйыд абу. Пыр, эн повззы.

Нюмъялігтыр и петис Зинаида потшөс саяс. А участковой ышловзис, зэлавлөм лолыс личмунис, но эз ставыс. Кутшөмкө пружина личавтөм на коли. Лэччис потшөс вывсьыс, веськөдчис кильчөланыыс. «Видзөдлам, кутшөм гөсть локтёма». Смела кайис кильчө поссё, пырис керкаас.

Көзяиныс, Анатолий, майка кежысь, дженьыдик юрсыс ёжлөн моз чувшвидзё. Пукалө пызан дорас лабчас, пидзөс вылас восьса чемодантор. Орччөн кутшвидзё Терень пөль дзор тошнас, шыннелө-любуйтчө тшөтш джодж шөрын радлысь-чилкъялысь нывканас. Нывка вылын бобув кодь мича выль платтьө, бөждорас этикеткаыс на тоньялө.

— Пап, а пап! Нөшта мый меным вайин?— дзользё ышмыштөм нывка.

— Добра здоровйө!— шыасис участковой пыригмозыс, лэптыштліс юрсьыс форменной фуражкасё.

— А, Карпович! Лок, лок! Аддзан, мян кутшөм ыджыд гаж!— первойөн шыасис гөстылды Терень дед, джодж шөрын йөктысь нывкалань индигтыр.

Участковой нюмдіс, шуис:

— А, тшапунька кодь!— да воча киасис Терень пөлькөд.

Анатолий эз тэрмась воча ки чургөдны гөстыслы, но чолөм кывйөн шыасис жө:

— А, пөрадок видзысь! Чолөм! Зинаида дорё кө, сійө петис лавкаө: регыд воас. А ме дорё кө, пөжалуйста... Вои со, лэдзисны. Муртса на и пыри. Документьяссө колө петкөдлыны?

Анатолий вештис чемодансё пидзөс вывсьыс, көсийс чеччыны, но Карпович өлөдыштис кинас:

— Өні оз ков. Мөдысь коркө волан сельсөветө.

Та бөрын вөлись артмис на костын воча киасьөмыс.

Симен Карпович олөма морт нин, тані чужліс-быдмыліс и нэмсө оліс. Өні сійө дзик пыр вежөртис, мый не ас кадө веськаліс татчө да мешайтө найө радлунлы. Сылы лои яндзим, думсьыс пиняліс вузасьыс Галинаөс, бөбйөдліс пө менө. Но, мөдарсянь кө, сэтшөм сылөн уджыс, быд чукөстөминө должен воны дзик пыр. Өні сылы пырысьпыр мунны абу лөсьыд и кольчыны нинөмла жө. Колө чожа думыштын помка, мыйла татчө веськаліс да мед и көзяевасө не өбидитны. Первой, мый веськаліс сійө должность серти скөднөйыс, сійөс и шуис:

— Ме пөжарникьяс наказ серти эськө ветла да. Гөжөм локтө... Пачьясыд мед справнөйөсь вөліны. Терень пөль и тэ, Анатолий, этайөтө... видзөдлөй. Менам Юркаясө нөшта колө петавны, извенитөй, муна, ог кут мешайтны.

Өдзбсөд петигөн сылы паныдасис Зинаида, локтө лавкаысь. Моздор тырыс тэчөма кулэкъяс.

— Мунан нин, Симен Карпович?

— Тэрмасыя.

1989 во.

## Парма козин

Медтехникум помалом бөрын Аркаша Политовбс индисины уджавнысб сиктө да нөшта на медся ылі районас. Аркашалы быттьоккө тайб и веськодь вөлі, но мамыс, Полина Сергеевна, вылөкодь пуксьысь дама, некыдз эз косьйи миритчыны татшөмторнад. Гөлөс сибдытөдзыс сийб горзыліс телефон трубкаб: менсьым пө өтка пиөс да сиктө! Некор тайб оз ло, ог позволит! Ме пө нэмбс профсоюзьяслөн областной советын и, чайта, менам пилы өти местаыд и карсьыс на аддзысяс.

Шумитис, грөзитчис да медбөрын лөнис жб, сы вөсна мый пиыс некыдз эз косьйи кольчыны карб да весиг кывзыны эз косьйи мамсб. Шунисны пб сиктб — и муна! И нинөм дөзмөдчыны бур йбзыслы!

— Но и дурак, сідзкб! Бать кок пөв, сідзкб!— дөжныштис мамыс да эз кут весиг сөрнитны пиыскөд, вомаc ва босьтөмөн оліс.

Тадз мама-пиа костөд сьбд кань быттьб вуджис да мам благөслөвеннөтөгыс и петис Аркадий туяс.

Райздравын, кытчб локтис том специалист веськыда туй вывсянныс рюкзак нопнас и быдөн, сьблөмсянныс радлыштисны. Кыдзи нб он радлы? Во регыд уджалысь тырмытөмла тупкбса медпунктыс ылі Парча сиктын, и со татшөм кокниа сөглас сетис тайб том мортыс!

— Но, дона пи!— олөмакодь нин нывбаба, райздравса юралысь, чай заваритигмоз варовитис том специалисткбд ас морткбд моз нин.— Мун, мун Парчаас, он кут каитчыны. Дерт эськб, карса тай шусян да. Сэн зэв лөсьыд лөб, гажабсь местаясыс. А он кб кут быттьб дышөдчыны да радейтан кб вөр-васб, пөтка яй пондан мутшкыны да чими чериөн на номсасыны. А гожөмнас вотбсыд! Вай чай юыштам да пондам думайтны, кыдзи сэтчб тэныд воөдчыны. Самолөтөн кб, кык лун на ковмас виччысьны, вежоннас өтчыд ветлб. А ю кузя кб, моторкабн... Чөвлы, зонмб, звөнитла ме кытчбсюрб.

Кывзис Аркаша тайб бур сьблөма нывбаба завыслысь варовитөмсб да думайтис. Тбдлас кб пб мамыс, мый нөшта на кытчбкб ылб колб мунны, кутшөмкб Парчаб, кытчб и самолөтыс оз быд лун ветлы, непөштб автобус — садьсб воштас. Лөгасисны кбть, а жаль жб Аркашалы мамыс. Мамыд тай век нин мам. А Аркаша сийбс өна өбидитис. Но өд и Аркадий абу нин ичөт. Коркб колб быть ас нянь вылб петны да мам дорсьыс торйбдчыны, а сідз кб нин шуны, мый лоны лөбма. Ветлас Парчаас. Оз кб кажитчы, и пышйыны на позьб, дай армияб арнас вермасны босьтны. А восьтыны кб нин ловсб ставнас, то ылі сиктыс кыдзкб-мыйкб пыр кыкис сийбс. Вежбрсьыс эз на бырлы сиктын коркбся важ олбмыс, кор папыс на вөлі накөд, сиктса агроном, и кор сийбс мам-батыс Арикбн на вөлі шүбны, и кор найб өта-мөд вежмбныс дрөчитлісны ичөт питорсб. Сэки быд лун вөлі праздник коль гажа. Вунбдан мбй, кыдзи зонпосни вуграсьлісны да сэсся кыйбм йбршсьыс пулісны юква берег дорас, а ббрыннас, азыма панясьбм ббрас, ызгысьлісны ваб да уявлісны лбздбтблзныс. Петасны шоныд лыа вылб, пиньныс зяткакылб, но сьблөмыс морбс пытшкас ичөт Ариклөн йбктбмөн йбктб. и сьылб: «Ме мукбд зонпосни моз кужа нин варччыны. и оз нин менб дивитны да ичөт тетькбөн нимтыны». Некор оз вун и төвса исласьбмьясыс. Исласясны шор чойын сэтчбдз, кытчбдз гынкбмьясыс оз йизыны да оз пондыны котшбдны-клопакывны кучик кбм моз жб.

Но сикт йылысь медся муса казьтылөмыс век жб батыс, коді тшб-

кыда босьтліс сійёс сьёрсыс видз-му вылө. Помнитө, кызди шөйтисны найё ытшкытөм видз вывтi, сямөд набурушкаө өктылісны воөм турун-лысь көйдьсө. Сэсея мудзасны да пасьт усьöны турун пытшкас. Лөсьдыс тани! Шондiыс енэжсянь лыньгө жарсө, котөртясь төвруыс малалө чужөмтө да вайө ныр розьясад юмов ма дук, а көнкө дзик бокин, сук турун пөвстас, чиргöны чиркьяс сэтшөм гораа да кыпыда. И окота лөө сылыштны.

— Кылан, пиук, чиркьясыс кызди олөмыслы да шондiыслы гимн-сө гольгöны? Сылыштам жö ми буди-а?

И со нин төвруыс ма дукускөд тшөтш раздө паськыд видз пасьта батысылысь кызкодь гөлөссө:

— Шир-рока стра-на моя родная...

— Ного ней лесополей и рек,— тшөтш отсалө батыслы шушкыла кывья пиыс. И сэтшөм долыд ичөт Ариклы, чайтө, мый лэбө борда лэбач моз енэжас, качө пыр вылөджык и вылөджык.

Кутшөм важөн сійө вөлөма! Важөн нин абу сійө Арикыс. Эм Аркаша зонка, кодi олө мамыскөд важөнкодь нин карын, мукөд карса зонкаяс моз ветліс школаө, мамыс мырдөн нуліс пионер керкаө кружокьяс вылө, кодьяс эз кажитчывны асныра Аркашалы да накөрөнөн наысь өткажитчывліс. Медбöрын медучилище. Шуны кө: вывтi өна кажитчис медучилищечын — пөрьясьөм лөө, но и вывтi мустөмнас он жö шу, кыскө йөз дорө и висысь дорө жальлун. Өна окота төдны и морт-лысь пытшкөссө, кызди да кутшөма визьялө морт сөнъясын вирыс да мый вылө пыксьө олөмыслөн лолыс. Вот врачө кө, хирургө кө велөдчыны! Колөкө и збыльмас на сійө көсйөмыс, менам өд ставыс на водзын. А өни пока «к черту на кулички», рочьяс ног кө, кутшөмкө Парчаө! Парча! Сёморөйд, зев мича и нимыс! Сійө мыйкө зарни сунисөн вышывайтөм шөлк кодь ли мый ли...

Пока визьялісны Аркаша юрын казтылөмьясыс да быдсяма думьясыс, ныр улас руаліс-көдзаліс свежөй заваритөм чайыс мича чашкаын. Ас пөжас нянь да чөскыд варенньö сідз жö виччысисны, кор гөсьтыс инмөдчыштлас на дорө. А заведующөй пызан мөд помас гораліс-звөниталіс телефон пыр өтилаө да мөдлаө. Медбöрын пуктiс трубкасө. долыда юөртiс:

— Пошта мунөма нин, но бурджык пөпутчик и корсьны оз ков тэныд, Аркадий Ивановичөй, менам дона специалистөй! Рыбинспектор буретш Парчаө мөдө, ськөд и мыськовтан збөй моторканас! Час-мөд-коймөд бöрын лоан нин места вылад. А өни зiля чурейшт чайсө да котортам ва дорө, вичысьны кутас...

Но вот и бур! Везитiс на Аркашалы! Некор на эз гөнiяйтлы татшөм тэрыб звер вылас ю кузяыд, а со пыжын! Ургө моторыс дзик звер моз. уйө пыжыс сир моз, воча швичкысь төвнырыс летө юрсисө, пырө дөрөм пытшкас, гильдөө яйсө. Шуöны тай: зев пө чериа тайө юыс. Колөкө и аддзылас, кызди чери кыйысьяс пудйөвөй сьомга лэптöны пыжас либө берег дорсыс купайтчысь пияна ошкөс. Вöрыс со дзик берег дорас мукөдлаас петөма. А лыаыс, лыаыс мыйта! Паськыд лыа көсаяс, и морт лов гождiөдчысьөс он аддзыв лыа вывсьыс. Тани, зон, абу карыд! Сэни өни пляж вылын чуньтө сюйны некытчө, сы мында жаритчысьыс! И чөв-лөнө кутшөм! Сöмын моторкалөн жургöмыс, төвлөн увгöмыс да ва веркөслөн телгöмыс. Кутшөм мича ваыс! Чери сьөм кодь, эзысьөн ворсөдчө! А берег пөлöныс то алькөсiнъяс, сэни пуктөм зорөдьяс нин шарвидзöны. Корсюрө паныдасьлісны крут кырөма из гөраяс, йылас быдмысь великан ниа пуясөн.

Паськыд ю вылад да моторкаад пукалігөн и йирмөгыд на босьтө, көть и шондiыс лөсьыдакодь пөжө. Аркашалы ковмис курткасө пасьтавыны дай рыбинспекторлысь на брезент вевттьөдсө павгыны пельпом вылас. Рыбинспектор сералан синьясөн дзоркнитльвліс сы вылө, но мыйлакө чөв олiс, абу, буракө, кыввора морт. А, колөкө, эз лыдды коланаөн воисө восьтавыны. Мый нө сылы, этатшөм дядыслы, вөр-ванас да ыргысь төвьяснас өжыгайтөм багатырыслы, карса том зонкаыд? Мый йылысь сёрнисө панны? Корсюрө налы воча төвзылысны мото-

ра пыжъяс, шенасьлісны кинас да мыйкō горзылісны, буракō, ставлы тōдса рыбинспекторлы, сюся видзōдісны-дзоргисны и пыжын пукалысь пассажир вылас, кодōс пō тайō тōдтōмсō вайō мянō рыбинспекторысь? Оз-ō выль отсасьсыбōс?

Тадз жургисны-лѣбисны час-мōд нин, кор топыд вома рыбинспекторысь индї кинас кытчōкō водзō да шыасис пассажир дорас. Гōлōсас сылōн кыліс мелї гор:

— А со и мян матушка Парчаным тыдовтчис!

Первойсō Аркаша нинōм сэтшōмсō эз аддзы, кōть видзōдіс индō-минланьыс сюсь видзōдласōн. Шуйга берегас пасьвидзисны зорōдъяса шылъыд ытшкōм видзъяс, а веськыдвылас джуджыдкодъ мыльк, тырō-ма нин пуясōн. И сōмын ыджыдкодъ ю чукыль-мукыль прōйдитōм бō-рын пондїсны тыдыштавны стрōйба вевтъяс. И со медводдза керка бō-рын тыдовтчис мōд, коймōд, и ставнас нин сиктыс ки пыдōс вылын моз тыдовтчис. Нѣрысь шондїыс ворсїс найō ѓшинь стеклōясын. И кымын матынджык лой сиктыс, сымын унджык пыжа пондїс паныдасыны. Руль саяс пукалісны и пōрнōй мужикъяс, и челядь, и весиг олōма тьōтōяс. Сикт горулас берег пōлōныс тыр вōлі домалōм пыжъясōн.

Аркаша видзōдіс, шензис и кыліс ас пытшсьыс кутшōмкō тешкодъ шызьбōм. Ёнакодъ на и кынмысьбōма да мышкусъыс дрōжыс быдōн бырис. Медбōрын пыжыс налōн сатшис берегас, мукōд пыжъяс дорсянь бокōджык. Ёна нин тальōм трōпа кузя кайисны найō крут берег йылас. Аркаша восьлалїс рыбинспектор бōрся, чабралїс кинас ноп волыс-сō да дзоръяліс гōгōр. Раз-мōдысь нин конйыштчыліс да тайкō эз усъ.

— Мый нō, тешкодъ? Абу, дерт, тайō карыд,— шыасис жō коркō Аркадийлōн ѣртыс.

Стрōйбаясыс танї гырысьбōсь, ѓти вевт улын и кōзяиныслōн оланї-ныс, и скōт карта, и турун сарай. Керкаяс ставныс видзōдōны юланьыс, а кер помъясыс налōн сэтшōма нин сьōдасыбōмабōсь да потласьбōмабōсь, быттѓ кыōм черань везъяс. Но тōдчō: топыда тѣчлōмабōсь стрōйбаяссō, вевт улас тōлыс, бұракō, оз пōлышт, непōштō зэр да лым ва аддзас писькōс. Медся ёна Аркашалы кажитчис керкаяслōн сигōр йывьясыс. Быдōнлōн то вōв юр, то ош либō кōр сюр. Мойдын кодъ быттѓ. Сад пыдди быдлаын тыдалїсны дженъыд кока да пашкыр юра пожōмъяс, кыз ли, льōм пу ли, пелысь некōн эз тыдав. Но и Парча! И уличаясыс абубōсь, керкаяс пуксьбōмабōсь кодї кытчō. И сōмын мыльк йылō кайōм бōрын тыдовтчис ѓти визьōн сярвидзысь куд кодъ выль керкаяс пōлōн нюжвидзысь улича. Рыбинспектор нуōдіс гōстьсō сельсōветō да выль керкаяслысь визьсō аддзōм бōрын сувтовкерис, юбртїс:

— Со, аддзан, кымын выль керка лыбис бōръя воясас, да унджыкыс пōшти кōзяйкатōмсōсь. Зонъяс локтōны армияысь да стрōйтчōны, а гōтырпу абу. Став нылыс каръясō да лесопунктъясō пышйōны. Так что, паря, сьōрсъыд гōтырпутō колї вайны.

Рыбинспектор косындзиа серōктїс, но синъяссьыс Аркаша бара аддзис мелї нюм.

«Абу, тыдалō, лѣк морт,— пасйис ачыс аслыс том морт да гōрдō-дыштїс, шуис:

— Ме гōтрасьōм йылысь ог на думайт.

— Сїйѓтō сїдз, пока оз причепит,— нюмсорѓн кайтыштїс пōпутчыкыс. Со эсїйѓ плагъя керкаыс и сельсōветыд. Пыр, а мем водзō на.— Чургōдіс Аркашалы из кодъ чорыд кисō, и найō янсōдчисны.

Сельсōветын жарысла да гажтōмысла рушмыштōм да очсōдлысь нывбаба-секретарша дзик пыр ловзыштїс Аркаша пырōм бōрын да юбртїс, мый тōдōны нин докторлысь вобмсō, звбнитлісны районсянь. Дыр юасътōт-висътасътōг и корис докторōс мунны сьōрсъыс нывбаба.

— Со эстōн, Демид дед керкаын и медпунктыс, и патеруйтны кутан тшōшт сѣнї жō,— ыджыд короминалань восьлалїг висътарыс нывбаба да гажа серамōн солтїс,— Демид дедлōн, пōди, самбōварис пузис нин. И пызан вылас мырпом тасътыд тшук-виччысьбō ниц этатшōм гōсьттō. Томиник на тай тѣ зѣв. Но нинōм, лѣсявны кутанныд. Да со и ачыс кильчō вылас петїс!

Паськыд тошка, сук дзор юрсиа, краж кодь ыджыд да ён, кѳмтѳм пѳльѳ сулаліс кильчѳ вылас да нюмдѳм вомѳн шыасис воысьяслы:

— А ме эсіѳѳтѳ... грешнѳ делѳ, чайтѳ нин ылѳдлісны менѳ, пѳрысь-ѳс,— инмѳдчыштліс тошкас, солтѳс:— Шай пуктылі — кѳдзаліс, буракѳ. Но нинѳм, выльпѳв на шонтам! Добро пожаловать, кыз шуласны! Ыджѳдлыны-величайтнысѳ кызди? Аркадийѳн! По батюшкоыс! Иванович! Бур, бур, Иванович кѳ! А меным, Демид дедыслы, ло Аркашаѳн, нук пыдди. Эм кѳ быттьѳ сэтшѳм кѳсйѳмыс-а...

Сѳрѳнджык, пызан саяс пѳсь самѳвар дорын, том патерантыс матѳджык тѳдмасис тайѳ дедыскѳд. Восьса сѳрниа и варов вѳлѳма дедыс, торъя ёна оз бызйысь, но главнѳйсѳ оз таит — висьталѳ. И йѳзсыс абу ѳтдорасысь.

— Больничайд ме ордын да докторшаяс, томиник нывъяс, ме ордын жѳ пыр патеруйтлісны. Съѳла куштыны сета вѳлі, медбѳръяяс Надюк оліс, ымѳстас, ой пѳ, дедук, сьылыс тай нѳ талѳн вирѳсь! Нывка — нывка и эм. А мелі вѳлі, нучка пыдди и видзи. Архангельскѳйѳ муніс врачѳ велѳдчыны...

Дедыс татчѳ кузя ышловзис, кайтыштѳс:

— Со, лоѳ бѳкѳвѳйясѳ нук-нучкаѳн шуны! Ачыл аддзан, ѳтнам ме, старука важѳн кувсьыліс, сарство сылы небеснѳ, югыдін да шоныдін, шань да авъя баба вѳвлі. Аслам пиыс эм жѳ, нинѳм ог шу. Нук и Сѳмын ылынѳсь найѳ. Военнѳй моряк Василей пиѳ, Владивостокеын служитѳ. Мамыс кулѳм бѳрын ёна корис сэтчѳ овны. Военнѳй караб вылас ли мый? А патераас, монь дорас — ог. Ѳбуза лоа сѳмын. Волісны коркѳ ѳтчыл зѳв важѳн, старука на ловъя вѳлі. Дак мый, сѳмын и дѳбсясис номъясысь. Ачыс бадь пу шатин кодь вѳсни да пыста кодь ичѳт. Мый и номйыслы курччыны? А нѳрѳвыс, буракѳ, выйим. Кызди пѳ ті, коньѳръяс, ном поэяс оланныд-а? Сы ног кѳ, ми — коньѳръяс. Ми? Да ме, дедыс, ошкѳд паныдасыны эг повлы, кымынѳ чергѳдлі. Вот, сѳ мокасьтѳ, пѳрысьмыны куті. Но ми тѳкѳд, кыз настѳящѳй мужикъяс на, пондам ветлыны вѳр-ваѳд. Лыйсьынысѳ кужан?

Аркадий кывзис и сылы кажитчис, мый нѳмыс нин водзтѳ оліс тани, тайѳ ыджыд короминаас да тайѳ дедыскѳд, и ѳні здук кежлѳ сѳмын торъявлісны. Торъявлѳм вѳснаыс и эз велав бура лыйсьынысѳ. Тайѳ юалѳмсыс падыштѳскодь Аркаша, «кужа» шуны абу лѳсьыл, и «огсѳб» шуны яндзим.

— Кужышта, омѳлика,— нурбыльтѳс медбѳрын.

— Велалан,— сьѳлѳм сетіс дедыс.— Сійѳ, нучѳкѳ, ачыс уджыс морттѳ велѳдѳ. Кѳсйѳмыс кѳ эм велѳдчынысѳ. А абу кѳ — кинас шеновтѳс дедѳ да недыр мысьт мѳд гѳлѳсѳн нин водзѳ нудіс сѳрнисѳ.— Старука ловъя дырйи ме нем жѳ эг кужлы, а ѳні ачым и пуся и пѳжася, и пѳслася, кыз шуласны, кѳзяин и кѳзяйка! Шыл пуѳма, джѳдж чышкѳма!.. Тѳ, вай, панясь, панясь, мый эм пызан вылас. Свежѳй ком сусед Петра вайліс, нарѳшнѳ тѳныд пражиті, дзоля пачѳс ломтылі да. Видлы мырпомсѳ и, асывнас шондѳ петігас петалі нюрѳ. Сѳй, да туй мортлы шойччыштны колѳ, ыджыл вѳлѳк вуджин. Асывки водз катас мянѳс Евстоль, эз кѳ быттьѳ пуктысьны ылі видз вылѳ мунны да узьмѳдчыны. Евстолья Степановнаыд, ой, кывлас кѳ, котѳрѳн югнитас! Сэтшѳм сійѳ!..

Евстолья Степановна, кодѳс сиктын Евстоль-сиделкаѳн и шуисны, зѳв сибыд да варов ань, дзик медпункт воссьѳмсянныс нин, буракѳ, ноксьѳ сиктса больницаас. Сійѳ и санитарка, и пач ломтысь, и джѳдж мыськысь-керысь. Ѳти кывйѳн кѳ, бокысь воѳм диплома докторлы отсасысь. Бѳръя кадас, Парчаын семьянас олысь пельшер Володькин кулѳм бѳрын, тшѳкыда пондїсны вежласны докторъясыд. Волас нывка, видзѳдан да, тѳлысь-мѳд бѳрти и усйысьѳма. Бара нин больница доктортѳг кольѳма. Но нештатнѳй докторыс ѳд, Евстоль-сиделка, эз некытчѳ вош. Сійѳ и матайтчѳминад мездѳ сиктсаясѳ. Доймѳминтѳ ѳдалас и бинтуйтас, челядь синсѳ чуткѳмаѳсь — капля лѳдзас. А гѳг вѳрзѳмтѳ либѳ чегѳм коктѳ и любѳй докторысь на бурджыка справитас. Кага вайысьтѳ бабитас и. Тайѳ пѳ менам бабѳ-гѳгѳньсянь на вуджлѳма, шуліс ачыс «нештатнѳй докторыс».

Сэсея ёд тōлысьнас ёгчуд кōть да районса докторяс мыччысьлісны жō, ёна пикō воысьтō еропланōн нулісны дай. Тадзи и оліс ылі сиктыд, некодōс эз шензьōдлы ни повзьōдлы диплома доктор абутōмыс. Некодōс торъя эз радлōдлы и выль докторлōн воом юōрыс, Евстоля-сиделкаысь кындзи, дерт.

Кывлōма Евстолия Степановна выль докторлысь воомтō, ку пиас оз тōр радысла: но-о, ме пō тай бара на служащōй лоа да грōш-кōпейка понда нажōвитны. Серавлō тай пыр:

— Воас кодкō бокōвōй, дипломированной, сідзкō, функционируйтō Парчаса медпункт, а сэтчō положено штат санитарка. Не функционирует кō — шабаш! Тэд, Евстолия, платить не положено. Ыжъяс видз, яй и вурун сетōны. Чулки-кепысь кы да вузав... Ме быттō найō велōдтōг и ыжсō видзны ог куж. Дас витōн бōрысь шаръялōны, дэбыд ныас виччысьōны!..

Выль доктор Аркадий Иванович ылі туй бōрад да збылысь мудзōма, узис сараяс вонйын, чōскыд вōтъяс на вōталіс, а Евстоля-сиделкалōн ставыс дзим-дзурк чышкōма-мыськōма. Медпункт ичōт жыръяс, кōни примитōны висьсыясōс, пызан вылас стеклō дозйын катшасинысь букет красуйтчō, мōд жыръяс, ыджыджыкас, куим векни крōвать — тайō куйлōмōн висьсыяслы — еджыд прōстынясысла синтō ёрō, джоджыс сōстōмысла югвидзō жō.

Садъмис Аркаша посводзас юргысь нывбаба гōлōсысь да Демид дедлōн кызōктышталōмысь. Звирк петіс вонсьыд: «Ой, гашкō, лун шōрнин! Гашкō, висьсыяс нин приём вылō воисны да?» Яналас дзикōдз. Рытнас пōрччысьліс керкаас, трусик-майка кежсьыс сōмын. Йōжгылясьыштіс, тапикасьыштіс сарай джодж кузя, а сэтчō нōшта садь быртōдзыс повзьōдіс гораа котсьысь чипан. Мыччысис друг сарай пельōсас турун чукōр вылын тēпвидзысь жуг дозйысь да шелзьōдіс-лэбис, дзик Аркаша дорō да пуксис.

Мездіс дедыс. Посводзас сарайō нуōдан тшупōдсō кайигōн броткыштіс:

— Эге, йōй курōг, висьтав-висьтав ставыслы, кольк вайин! Кыш татысь! Зонкасō садъмōдан.— Сійō, буракō, сарай рōмыдас эз и казав гōстьсō.

— Да ог узь ме, дед,— шыасис Аркаша.— Йōрми. Дōрбм-гач керкаад тōрыт коли.

— Кхе, абу ыджыд беда, час вая. Али лок ачуд пыр да пасьтась. Евстоля Степановна ошинь улō нин петіс. Пырта пō нōшта на тиян пызан вылō тшōтш катшасинъяс. Пырал, видзōдлы асьыд апартаменттō да синтō мед оз ёр сōстōмлуныс. Евстолия-матушка старайтчис да старайтчис тэныд.

Тадзи дасьтысисны, тадзи виччысисны, пыралас пō, гашкō, кодкō. Луныс коли, а больничаō морт лов эз мыччысьлы.

— Сійō и бур, эз кō,— шуō Евстоля-сиделка.— Больничаяд абу совхоз кантора. Оні, турун пуктїгад да вотōсла котралїгад, некор висьнысō. Вот кōдздōдас, шлякышавны мōдас — сэки воасны. Коді несйивлō, коді сойбордсō и кокчōръяссō малалō. Лоō на уджыд, эн пов, Аркадий Ивановичō! — такōдō выль доктор-зонкаōс Евстоля да бара петō кильчō пос вылас, заводитō кыны мича кепысь да сьылō:

— Ви-нова-та ли я дай,  
Винова-та ли я...

Демид дед жыдач утка моз кракнитыштō да синмыштō патерант зонмыслы:

— Меным кō эськō тадзсō голькйис-а... Лешакыд, сьлōн ме кодь дзорыс эм нин...— И дедыс тшōтш зільō думсьыс такōдны патерантсō, мед оз гажтōмлы сетчы.

Лун-мōд нин сідз коли, некод оз мыччысьлы больничаō, кōть и ичōт сиктад быдōн нин тōдō доктор воомтō. Евстолия Степановна, тōдōмысь, прōст эз ов, сарапана поштанас разōдіс юōрсō. Мысьыштны-купайтчыштны тай котōртліс ва дорō Аркаша да быд паныдасьысь копырт-

чыштлёмён чолёмасьоны-а. Зонпосни весиг чолёмасясны да синнысо лапнитлытөг дыр коллёдасны-видзёдасны бёрсыс.

Коймёд луннас Демид дед пондїс шуны:

— Дыр-ө поэю пукавны да ошинё дзоргыны. Ог-ө ми тэкөд мыськовтлөй эгатчө матыник вöрас? Вöрыд сійö медпервой лекарство гаж-тёмсыд. Лэч туй петкөдла, рыжикаин и ельдöгаин видзөдлам, нюрö кежалам, уна-ө таво турипувйыс. А, нучок?

— Оз позь меным, дед. Друг кö кодöскö неминуча суас.

— Сійötö сїдз,— пыр и кывнылыд сетчис дедыс, малыштіс тош-сö,— дисциплина, брат, колö кутны! Прав тэ. А выходнöйнас — тэнад право, мун, кытчö кöсьян! Сэки и ветлам инö. Кывзыштам вөр шув-гöмсö. Синва долыдысла петас, пöрысь синьяс мыссясны, бөр сюсьбсь лöбны. Чайта, паныдасяс кö кодкö звер-пöткаыс, ог на бöжас, синмас на инма!

Вöрас медводдзаыс ветлёмсö некор оз вунöд Аркадий. Неыджыд зөр му вуджём бöрын и козья вөр заводитчис. И код тöдас, кöні сылөн помыс да дорыс! Шувгö, вылі шондїсылы сьылö сьыланкыв.

Дыр уялісны, волісны и ягö, и сёнö, шойччисны визув ёль дорын, пузьöдлісны чай. Пемыд горулас нин воисны гортас, жуялёмась да шудабсь, нöбавмөн вайисны и тшак-вотöс. Дарём дзор дедыс, Аркаша вöтлысис сь бёрса кывсö нюжөдöмөн. Но эз дедлөн вын-эббсыс шен-зөд Аркашаöс. Дивö вöлі зонкалы медсясö нин сійö, мый быд пу, куст, быд ёль и весиг быд турун сї вöлі быттьö важ тöдса тайö дзор дедыс-лы. Ставныс индылісны сылы, кытчö колö мунны да не ылавны. Аркашала вöрыс: но — пуяс, но — шувгöны, шуйгавыв мун кöть веськыд-ыв — ставныс öткодьöсь. А дедыдлы — ой-ой-ой! Чегöм ув вож — ад-дзö нин, лöсас пу бокин — бара жö юөр вайысьö. Маткаыд дедлы оз ков вöрад. И сытөг оз вош. А пельясыс кутшём сюсьбсь! Быд шытор кылö да бара жö мыйкö колантор дедлы шыясыс висьталöны. Кылас сук вöрас вöсньыдик чипсём, дедлөн нин гöна пельясыс чошкысьöма-öсь, небыдика нумьөвтас: Сьöла поз тани.

А эстөн кодкö помсяыв тотш да тотш керö. Дзорьялö Аркаша, кöні, мый тотшöдчö. А дедлөн нин воча кыв дась:

— Вöрса докторыс тай пуяссö лечитö.

— Аддза, аддза! Сизы! Кутшём мича гөрд шапка юрас!

А то немвиччысытөг взорвитчас быттьö кок улад, шпор-шпор пыш-йö кодкö: тар тайö.

Тöдö дедö вöрсьыд и быд турун сї да шуö:

— Си туруныс кындзи став туруныс лечитö. Яй пупышалёмсыд да лудёмсыд ок и дельнö вөр турун пышттыс пасьтөг бовьялыштны, лысванас мыссыны. А этайö вөр гормög, гөрдöсь нин тусьясыс, колö нин вотны. А со и марьямоль! Абу на кöйдысыс воöма.

— Марьямоль? Ой, тайö жö зэв бур аллерген и успокоительнöй,— уськөдчö быдмög дорö зонка да дась нин и песовтны вожсö.— Сійö шу-да, мый тöдö тшöтш тайö быдмög йывсьыс — училищеас велöдлісны.— Вужсö талыс колö кодйыны, корьясыс и заыс лечебнöй!

— Тöдöны мян бабаяс, да сійөн и пола: аддзас кутшёмкö тöлктём баба дай водзьсыс-водз перьяс. А колö, мед кöйдысыс водзвыв киссяс...

Визув ёль дорын шойччиг-пукаліг дедыс друг мыйлакö юалис:

— Карсьыд да мамсьыд ёна гажтöмтчан? А, колöкö, и барушня на коли? Он пышйы на дорö?

— Мыйла пышья? — гөрдöдїс ставнас зонка.

Дед аддзис, лапкис кисö зонмыслы пельпомас:

— Ладнö, эн дöзмы. Нывка тэ водзын першелалис, во джынсö эз ов, пышйис! Гажтём пö. Дерт, тани абу карад, гөгөрвоа, велавтөгды гаж-тём и эм. Но гажтём вермас лоны и карад, уна йöз пöвстас, ас пыш-кад кö олём дорас интересыс абу. Меным и то, пöрысьлы, гортыс пегавтөг кö лун-мöd ола, потö нин сьөлөмöй. Кыскö ывлаö, вөрö. Оз, оз вотöсла ни прöмысла. Аддзывны, видзөдны, кывзыны окота. И тöдан, быдпöрийö мыйкö на выльтор син улам усьö. Этаті ёль пöлöныс мылькьясас яг вöвлі, мича пожöма ягьяс, а öні куш плеш кодьöсь. Сиктсьян

матын да ставсѡ петкѡдсны сюсь зонъяс выль стрѡйба тѣчны. Аддзы-  
лн, пѡди, сійѡ уличасѡ? Но вед тыртѡмѡсь керкаяс, олысьыс абу.  
А овмѡдчыліс кодн, гажтѡмысла юсис либѡ пышійс. Менсьым пѡрысь  
сьѡлѡмѡс кыктор майшѡдлѡ: соча понднс кывны челядь серам шы. Вай-  
нысѡ некодлы челядьсѡ. Зон эм, да нылыс абу. Чусаммѡ, кулѡ сикт,  
снзсн и тѡд, энѡвтасы пѡль-пѡчлысь видз-пашнясѡ, тырас леторосѡн.  
А пышійоныс вѡд оз на тѡлысь вылѡ. Матѡ татчѡ, леспромхозѡ. Ылѡ-  
джык кѡ эчань вѡрас мунап, кылѡ ннн пнла эргѡм шы и трактор мур-  
гѡмыс. Татысь энѡдасны дай сѣнн кутасны мннн зонъяс вѡрсѡ кушты-  
ны, жуглыны да талаявны. Не дай бог, юрсннд сувтѡ! Куш ѡд лоѡ пар-  
майс. А меным эськѡ мед челядь дзолъзсны да шувгис пармайс. Сѣс-  
ся ннѡм оз ков, сѣсся сѣ во кѡта ола.

Дед пѡрчнс картусѡ, чышкыштнс сійѡн чужѡмсѡ, пель бокъяссѡ,  
чатѡртнс тошсѡ вывлань, понднс дзоргыны ылі небесасѡ да вѡрыслысь  
пу туганъяссѡ. И кывзысис быттѡ. Пу туганъяс костѡдыс муртса ты-  
далсны лѡз энѣжыс да нѡжнѡ руныгысь кымѡр чнръяс. Ымѡстыштнс,  
ышловзис дед, бѡр тнпкнс юрас картусѡ, нюжгыснс-воднс, первой га-  
тшѡн, сѣсся кымыняснс, тшукѡднс чужѡмсѡ муас, быттѡ и нсшштны  
кѡсннс тшѡтш му дукъяссѡ. Недыр мысьт лѣптнс юрсѡ, бара видзѡдлнс  
энѣжас, шыаснс:

— Ар ѡд локтѡ. Со нѡ и внжѡдѡм коръяс ннн эмѡсь эснѡ кыддзыс-  
лѡн.

Збыль, кымынкѡ кор внжѡдѡма ннн. Аркаша оз аддзы, а дедыс  
аддзис. Тешкодъ...

— Аркаша, тѣ нѡ кыдзсн, абу на прнзвннк? Регыд пондасны чук-  
савны армннѡ тн коддѡмъястѡ,— друг юалнс дед. Со тнн мыйла ар йвн-  
сьыс панѡма сѣрннсѡ.

— Воѡ и меным кад, ог тѡд босътасны оз,— внрснннштнс нырнас  
Аркаднѡ дзнк нчѡт зонка моз.

— Мыйла нѡ оз этатшѡм молѡдечсѡ?

— Мамѡ тнн гнжѡма пнсьмѡас: ѡтка мамъясслысь пѡ ѡтка пнннсѡ  
вермасны н не босътны. Туйзысьны пѡ кута...

— Но... Но... Со мый. Мамыд ннѡ прѡтнв? Гмы-ы! Снн, дерт, тнн  
делѡ, но этнѡтѡ... Армнннѡд ветлытѡм зонмыд, ме ногысь, абу и мужнк.  
М-да-а... Ѳтар боксннъ кѡ, быттѡ и бур, а мѡдарсннъ.

Эз помав дедѡ, юрнас сѡмын дулк-долккернс. Юр весьтаннс легнс-  
ны пѡжѡм туганъяс, шушкнсны быттѡ: мѡдарсннъ — дур... дур...

Армннѡ служнтны Полнтов Аркаднѡ веськалнс зѣв ылѡ, Кыргыз му  
вылѡ. Салдатскѡй служба снѡ салдатскѡй н эм, но норасыны оз пѡзы,  
медпунктѡ жѡ нндсны да эз вѡв мукѡдлы моз вывтн сѡкыд. Не кѡ  
лыддыны сѣтчѡс жарсѡ. Вѡнвылад чужысь-олысьыдлысь шонднс быт-  
тѡ нѣннлѡ внн-ѣбѡстѡ да юр вентѡ кѡ ннн тшѡтш-а. Гѡгѡрбок куш гѡ-  
раяс, калнтѡм нзъяс. Со кодыр ассъыд вѡн мутѡ, веж парматѡ бур  
кывнад казытыштан. Тѡд вывсьыс эз н вунлы Парчннн Демнд дед до-  
рас олѡмыс. Но медсн тшѡкыда казытыліс да веснг вѡтавлнс вѡрѡ ѡтн  
петалѡм. Дедыслы коскас лыйыштѡма да ружтнс-куйлнс, смелмѡдчнс да  
мѡднс вѡрѡ ѡтнас.

Компассѡ да ружнѡсѡ сетнгомоз дедыс сѣысь ѡлѡднс:

— Смѡтри, зраыс эн пуляйт!

Евстѡль-снделка сѣн жѡ, дедлысь куш мышкусѡ малалѡ-чабралѡ,  
думсьыс кок йылас дедѡс сувтѡдѡ, шмыннвнздѡ да шмоннтѡ:

— Пѡлюк, эн тѡждысь, ваяс рытнас нѡп тыр ян мнннны. Васѡ чу-  
гунѡ дасътн ннн ме.

И со ннн Аркаша оз вѡсьлав, а лѣбѡ вѡрлань. Лолыс сьылѡ! Мед-  
первѡннъс ѡтнас мунѡ кнйсъыны! Мыш саяс бронѡдчысь ружнѡс сѣ-  
тѡ н внн, н збѡйлун, н надея, кыя жѡ пѡ ѡд мыйкѡ, ѡтн лов кѡты!

Ытшкѡм зѡр му помаснс, козъя вѡрѡ пырнс, а трѡпка водѡ нуѡдѡ.  
Друг пѡшти дзнк кок увсьыс сѣтшѡм шумѡн кодкѡ чеччнс, шпача-шпа-  
чакылѡ сѡмын. Тннкѡ н нем внччысьтѡмысла оз гатшѡн усъ ѡкотнкыд:  
«Тар кѡ-а? А, колѡкѡ, н дозмѡр на?»

Пока ас садяс воис да мышкусьыс ружйёсё лэдзис, пёткайд уди-  
тис пышйыны. «Лешакё, колё тай ружйётё нагётове и видзны, эз, бура-  
кё, ылёдз лэбззы».

Копыртчыштёма, ружйё водзлань метитёма; кыйсьысь кань моз  
кыйксьёдё.

Друг кыльк-серёктём да гажа ныв гёлёс кылис:

Менё кётъ эн пульнит, кыйсьысь!

Тайкё бара оз гатшась Аркаша, сырмунис ставнас тушаыс, но выв-  
ти нин эз вёв окота петкёдлыны полёмсё. Гашкё, та вёсна и скёракодъ  
артмис сылён:

— Код лешакёс тані новлёдлө?!

Лешакыд вёлёма пув вотысь нывка. Еджыд чутось чышъяна да  
пельясёдзыс паськалём вома. Вомас еджыд пиньяс сярвидзёны, синмас  
лөз би киньяс ыпъялөны. Киас көрзина гөрд пувйён тыр.

— Гут кулан тшак, мый жерйөдлан пиньястё?— шыасьё нывка до-  
рө Аркаша. Мёдыс эз бара-й зептас пыр воча кывйыдла, хихихайтиг  
шняпкис: Тэён любуйтча! Мися, мем кө татшөм жөнник, татшөм кый-  
ысь-виысь!

Югыд шондён ыпмунлис вёрыс, пемыд эшкынөн тупыйсьлис зонлөн  
син водзис: сералё кө ме вылын-а? Но нинөм шуны эз вермы, сулалё  
киас ружйөбн, баргё ныв вылө. Ныв дёзмыштитис:— Мый нё видзөдан?  
Мун, эн мөмлайт, пышъяс кыйдөсыд.

— Ылө оз мун,— веськодя өвтыштё зон, көсийö, буракё, петкөдлы-  
ны асьё бур кыйсьысьбөн. Содтөд на чирк-сьөвзёк кок улас.

— Он кө тэрмась, гашкё, юктөдан менё. Горш зэв ёна косьмё. Нов-  
лёдлан он нопъяд термоссё?— Нывлөн гёлёсыс небзьыштё, розөвөй  
кыв йылыс котөртлө вом доръястис.

«Мусаёсь жё вом доръясыс. Вот йөйыд, юантё эг босьт, эськө...»  
А мый лои «эськө кө»? Отнас енмыс төдö. А өни быть пөперега кыв шу.  
И шуö, кётъ зэв абу окота:

— Вот мый абу, сийö абу! Ме и шорсьыс на верма юны. А пажын  
эм, көсьян кө, нурийöда.

— Оз ков,— шуö ныв.— Горш косьмё.

— Дак ветлам, шор корсьлам!

— А-а, мөдысь коркё!— ярскөба сетö воча кыв нылыд да босьтö  
кок увсьыс ыджыд көрзинасö. Кылан, менö воштёмаёсь нин, чукса-  
лөны...

Көнкө эсчаньын вёрас и збыль кылис аукайтём шы, и ныв зэв өдийö  
веськөдчис чуксасьём шылань.

— Аддзысьлытөдз, сюсь окотник! Леспромхозсаясыдлы привет  
висьтав!— пуяс сайö бердигмоз нин бөръя шы сетис нывка.

Аркадий синнас сийöс колльөданмоз сулыштитис на, кывзис ылын  
укайтём шыяс да думайтитис: мыйла шуис — леспромхозсалы пö привет  
висьтав? Чайтитис менö сэтчөсөн? Тешкодъ, сиктын быттьөкө менö ста-  
вөн нин төдöны, а тайö... Ме, йөйыд, эг жö и юав, кызд сийöс шуöны.  
Да, нинөм, төдмала на. Жаль, эг удитөй дырджык сёрнитны. А мича,  
сөтана...

Тайö вёрса аддзысьлём бөрас том докторёс быттьө вежисны. То  
век пукалö медпунктас, виччысьö чыралысьёс, а то друг быд лун пон-  
дис петгны сиктö. Шуас Евстоль-сиделкалы:

— Столөвөй колö прөверитны дай ясли.

И петас да час-мөд оз лок. Аскинас бара:

— Вый вöчан заводдз ветла.

А то школаö, пекарняö, бокуса посни грездъясö. Кытчö сөмын эз  
волы да кытысь сөмын эз корсь вёрса нывкасö, сидзи и эз аддзыв не-  
кысь. Рытнас клубö эз жö явитчыв ни. «Вёрсаыслөн кө нылыс збыль  
вёлёма-а». Юавны, гашкё, Евстолья Стенановналыс. Сийö ушлөй баба,  
быдтор төдö, мый керсь-вөчсь-сиктад, и кодö олö-вылө, и кодö мунö-  
локтö. Но кызди юалан? Шуан: гут кулан тшак кодъ чутось гөрд чышъ-  
яна да гажа ссрама. А сийö: нимыс кызди? А нимсö ме ог төд! Йöз се-  
рам!

Зато районной газетын петома неыджыд заметка, Парча сиктысь пö фельдшерыс Политов Аркадий Иванович, том арлыд вылö видзöд-тöг, зев сюся босьтчис аслас радейтана уджö. Оз коль лун, медым сийö эз кежавлы яслиö поснияс дорö либö столövöйö. Волö и скöт картаясö, мудзлытöг нуöдö санитарной удж.

Аслас Аркашалöн серамыс петö та вылö, а Евстоля Степановна да Демид дедыс нимкодясьöны газетнас да öтторъя лыддöны выльысь и выльысь.

— Со öд, со öд, тайö газетсö оз ков воштыны,— шешъялö вомыс Евстолялöн.

Армияö пöвестка ыркöдыштіс радлунсö дедыслысь да Евстоля Степановналысь, а Аркадийлысь ныв йылысь думъяссö. Но старикъясыд нарошно на быттьökö вöйпсьöмаöсь да невеста йылысь гаралöны.

— Гашкö, оз жö босьтны Аркашаöс, колясны,— кайтö Евстоля, пöвесткасö гуг и бан видзöдiгмоз.

— Мыйла оз босьтны, кривой ли кöсöй миян зонмыс,— стрöгакодь кызöктышталö дед.— Мед ветлас. Локтас öд бөр.

Тöдчö, дедлы зев жаль янсöдчынысö, но кутчысьö. А Евстоля ымöстö:

— А кызди инö ми кутам овны асланым питортöг?

— Да сiдз жö. Пока сийö ветлас, тэ кольччылан докторавныс.

— Ой, Демидушко, шуан жö!— серöктö нывбаба, но сёрнинас век нбылыд сетчö.— Кольчча, мый огыс? Нештатной кö нин ме. Кольчча да невеста понда бөрйыны Аркашалы локтiгкежлас. Чайтанныд, ог аддзы? Школаын öнi став учительсыс пöрысь. Петасны пензия вылö, на местаö выляяс, томъяс локтасны, стöч Аркашаöс лэдзигкежлö! Вот аддзылан-ныд, оз кö сiдз ло!.. Сяркнитасны дас том ныв, школаö велöдысьяс во-асны, бөрйы любöйöс! Сё майбыр олöм дай том олöм! Менам бара-й кытчö кольöма-а? Аркадийлöн ставыс водзын, мед сöмын службаыс лючки прöйдитас, войнаястöг да зычитöмъястö!

Евстоля Степановналöн кывъясыс енмыслы пеляс воöмаöсь. Аркаша кöть и матö веськаліс служитнысö Афганской границаянь, слава богу, пуляяс улö эз сюрлы. Дерт, роч войска кöть вöлі петкөдöма нин Афганистансыс, кöнсюрö граница вылын зычитöмъясыс эз на другöн помасыны, но кывсыыліс, бара на пö тыш пансыылöма.

Кор службаыс Аркадийлöн ичöt көшас пондiс воны, сийöс эз и ёна мучит юалöм: кытчö воштысяс татысь петöм бөрын? Дерт жö, Демид дедыс дорö, Парчаö. Евстоля Степановна тай гижö Парчасяныыс, бөр пö лок миянö, виччысьö дедыд, весиг понпи тэныд вöравнытö быдтö. Нöшта на содтöма: миянын пö тани олöмыс напрöч вежсыны кутiс. Совхоз киссис, колхоз лон. Унаöн и аскежся олöм вылö петöны. Пер-мерьяс шусьöны. Леспромхозсö жö миянлысь дзикöдз бырдöны. Лоас пö тайö местаясас заповедник. А местаыд тэнад öнi эськö занят на, но регыд прöстмас, тэнад воигкежлö тшук прöст лöö! Леспромхозсыыс öти ань верöсыскöд торксьöма вöлі, олiс тани, уджалiс миян больничаян, а öнi нöбасьö, бөр бурасыöмабсь. Мöдöны эсчаньö, ас чужанинас, Мол-давияс.

«Збыль öд, бурсö корсьны бур аддзöм бöрас нинöмла нин»,— мöв-палö Аркадий. Кажитчö сылы Парчаас, мый нöшта колö? Гöститас ве-жон карын, мамыс дорын, дай ать-два Демид дед дорö! Встречай слу-живого, дед!

Гортас, Сыктывкарын, Аркадийлöн мамыскöд бара на зык-вен лыб-ліс. Мамыс бөрдiс, эз лэдз писö дiнсьыс, ов пö гортын, невестапу ме тэныд аддзи нин, удж тожö, патера оз ков корсьны. Но Аркадий эз кöсйы мамыслы сетчыны, быд ногыс эскöдiс мамсö, муна кö пö, сэни бурджык лöö, и местаяс сэн лöсьыдöсь, и йöзыс сэн бурöсь.

— Чайтi, тэ тайö кык вонас верстыаммин нин, а тэ век на йöй зон-ка,— шуис медбöрын мамыс да бласлöвитiс жö.

Минздравö ветліс, сёрнитiс телепон пыр районыскöд — дзик сьöдас эз жö пет. И мунис карысь бара сиктö.

Локтiс Парчаö эз нин Аркаша-зонка, а лöсьыдiник да крепьдик

зон, настоящій Аркадий Иванович. Доктор. Парчаыс жё тайё кык во-  
нас ньоти абу вежсьома, век важ кодыс. Сэтшөм жё сьодасьом гырысь  
керка короминаяс, паныдасигьясөн лабутнөя копрасьысь-чолөмасьысь  
нывбабаяс. А вот мужикуловыс быттьокө унджык лоёма да и клубын  
кино видзөдысьыс содөма. Висьталісны: колхозыд пө выль скөт карта  
заводитіс стрөитны, леспромхозысь кодсюрё бөр вуджисны сиктө.

Медпунктын өні Аркадий Иванович эз нин весь лукав. Пыравліс-  
ны нёрпалысьяс, кодсюрёлы весиг больнишнөй на кырымавын ковмы-  
ліс. Ноябрьрэд өд численник серти сөмын ар, а Парчаын важөн нин төв.  
Нывбабаяс син дорөдзыс чышьянөн гартчасны, верөсьясныс гынкөма-  
ось да ыжку пасяось. Но кодкө да кодкө век нин кынмыштөма да несъ-  
ялө либө лысьом висьомысь норасьё. Ёнджыкасө, дерт, челядь да пө-  
рысьяс жё пациентъясыс вөліны.

— Пөдтө, пиук, лов тырөма, пороши, дашкө, кутшөмөскө сетан,—  
водз асывьян и локтас кутшөмкө пөчө. А то и пөль пырө, тотшөдө  
бедьнас:

— Синмөй дзик пемдаммө, капля водзті лэдзлісны, кокньөдлыштис.  
Со, бара локта.

А Демид дедыс таво төв дзыкөдз водіс. Көть кор оз пыр гортас  
Аркадий, век вольпасын дедыс.

— Дедук, тэ нө мый? Понйыд то вөрө нуөдчө.

— Аркаша, милөй! Лыө и куө, буракө, пырөма тайё ревматизмыс,  
быд зеллянас нин лечитан, да век оз лэдз, проклятөй. Но чөвлы на,  
нөрөвитлы! Оні йисө кутіс нин, должен личөдыштны! Петалам на вө-  
рад!

Но кызд көть эз крепитчы дед дай кызд көть эз лечит доктор, выль  
во кезлө лэдзис ловсө коньөр дедыс. Аркадийлөн весиг чужөмыс сьөд  
лои шогысла.

Евстоля Сидоровна такөдіс сійөс:

— Чөл, пиук, жуглясьынтө, некод абу кувтөм. Пөрысь нин Демид  
вөлі, мый сэсся. Бур на ещө, эз дыр мучитчы... Да шуда на кулі. Ёна  
вед тэно вичысис, коньөрүшкоанөй. А пиыс... Эз и вермы дзобнысө  
волыны. Плаванньөын пө, телеграмма кучкөмаось. Со өд сійө военнөй  
службаыд! Да кытчө сөмын мянлысь зоньясөс'оз разөд судьбаыс!

— Сідз, ставыс сідз, Евстоля Степановна,— ымөстө Аркадий.—  
Но кызди мем дедыстөг овны өні? Гашкө, збыль карө, мамө дорө  
мунны?

— Ой, мый тэ, пиө, сёрнитан? Эн тэрмась муннытө. Гажтөм кө өт-  
надлы, гашкө, ми ордө вуджан овнытө? Ми стариккөд кыкөнөсь жө, не-  
код оз понды тэд дөзмөдчыны.

— Ог,— дзөрөдыштис юрнас Аркадий.— Пока тан олышта, пескыс  
төв чөжыс тырмас, а сэсся сэні тыдовтчас...

Мый татчө шуан да он шу. Ышловзис сөмын Евстоляыд. Ачыс бы-  
дөн аслыс олөмсө тэчө.

Кутшөм бур, мый тайё здукас посводзсө тыртис кага бөрдөм шы.  
Кыкнанныс өтпырйө звирк чеччисны:

— Ой, кагаыскөд мыйкө лоёма!

Вөлөмкө, суседъяслөн нель арөса Мишукыс коксө вөрзьөдөма, ичө-  
тик кок лапаыс пыктөма. Но чирзө, вөлөм, не сы мында дойысь, мыйта  
еджыд халата дядьысь полөмысла. Евстоля преник сетіс да дзик пыр  
лөнис Мишук, дзоргис сөмын доктор выль кыздкө букуышөн.

— Ме и видла, малалышта,— мыжакодь гөлөсөн и вөзйис асьө  
Евстоля-сиделка. Мед жө эськө не өбидитны докторсө, но татшөминъ-  
ясад Евстоляыд академикджык на том пельшер дорсьыд. Мөдыс эз и  
пыксы, дзик пыр сөгласитчис:

— Да, да, тэ мян — спец! Видзөдлы, а сэсся ме бөрас...

— Бурдас, абу өпаснө,— недыр мысти и кывкөрталіс Евстоля.—  
Сөныс нюжалөма. Вот видлы ачыд, Аркадий Иванович!

Аркадий тшөтш жө малалыштис, видлалыштис да кыв шутөг пондіс  
бинтуйтны. А бөрас мамыслы шуис:

— Лун-мөд мед оз котрав дай. Аски бара на пыралөй. Зэв нин гора

гӧлӧса да мусаник зонкаыс, оз кӧ пырав, и гажтӧмтчыны на кутам.— Еджыд юрсӧ зонкалысь малыштӧ да нӧшта преник сетӧс. Мишук зэв лӧсьыдика кекӧньнас шылькнитӧс ассыс юрсӧ раз-мӧдысь. Мамыс висьталӧс, тадзи пӧ сийӧ аттьбалӧ, сёрнитнысӧ оз куж да. Ставӧн серӧктӧсны, а Мишук чушкӧдӧс парсӧ да шушкыля кывйӧн зэв гора равӧстӧс: «Куда нин!»

Рытнас ичӧт пач ломтӧгӧн век на серамыс докторлӧн петӧс. Вунӧдлӧс весиг ассыс скӧралӧмсӧ. Меным пӧ, небось, прениксӧ некод оз сет, тшыг кӧйн кодь да. Столӧвӧйӧ эз нин удит, ковмас пач ломтыны да пачкаа шыд кӧть пуны.

Дженъыдик серамыс сылӧн здук кежлӧ ловзьӧдлӧс ыджыд керка пытшкӧссӧ да бара сук чӧв-лӧнь пуксис, пачыс сӧмын ургис да ӧшинь саяс омлялӧс тӧв, вой кежлас бушков на, буракӧ, доддясӧ. Бара рытыс кузь да мустӧм лӧб. Дед кулӧм бӧрас клубӧ на эз петав. Лыддысьны бара поэӧ вой шӧрӧдз. А сэнӧ и унмовсяс.

Унмовсян тай, кильчӧас со кодкӧ йигӧдчӧ да, помсявыв чорыда грымгӧ. Аркадий эновтӧ шыд чугунсӧ, уськӧдчӧ посводзас:

— Пета, пета, восьта! Кодӧ сэн?

Ырс-пырис ӧдзӧс восьтӧм бӧрын посводзас нывбаба, керкаӧ веськавтӧдз и заводитӧс кодӧскӧ пинявны да ас вывсьыс лымсӧ пыркӧдны:

— Ӗкаяннӧйыс менам... Луннас нин ӧд пажнайтны волӧ да зылгис. Мися, докторӧс, гашкӧ, корлам, а сийӧ — оз пӧ ков. А ӧнӧ, локтӧ да...

Пеля шапкаа да лӧптӧм пась воротника нывбабаӧс доктор дзик пыр тӧдӧс, но кодӧс сийӧ талзӧс пинялӧ?

— А-а, яндзим, мися, ӧкаяннӧйлы, доктортӧ корны! А кыз кынӧмнад мамыд дорӧ воны абу яндзим? Чурка-кагасӧ вайны? Лок чожа, дона докторӧй, мунам! Неладнӧ кӧть мед нинӧм эз ло.

Аркадий шай-паймунӧма, сулалӧ пач дорас, оз аддзы пузьысь шыдсӧ. Мый керны? Сийӧ ӧд некор на эз бабитчыв. Практика дырйи, дерт, аддзылӧс нин, но сӧки бокусянъ видзӧдысь сӧмын вӧлӧ. Но-о, зон... Евстольяӧс кӧ эськӧ, но мыйла сийӧ некор эз висьтавлы, ыштӧ регыд кага вайысь лӧб.

— До-о-ктор! — нывбабалӧн бырӧма мылаыс, тракийӧ нин Аркадийӧс сойӧдыс.

— Да, да, мунам... Инструментъяс сӧмын дасья.

И со найӧ ывлаынӧсь. Тӧлыс пӧрӧдӧ кок йывсьыд, лӧбысь лымыс чапкӧ ныр-вомад. Матрӧн тьӧт мыйкӧ век висьталӧ ли пинясӧ ли, тӧлыс нӧбӧдӧ сылысь кывъяссӧ да вомсьыс петӧгкоста и пӧдтӧ. Кызсӧ Аркадий гӧгӧрвоис жӧ быттьӧ. Кага вайысьыс, буракӧ, Матреналӧн ныв, кодӧ вома кодкӧ лунӧ на дзик пыр и думыштӧма чужтыны. «Вир йӧйыс, батътӧм кага!»

Шуласны тай: юкӧм шог пӧ — джын шог. Матрен, буракӧ, койыштӧс тырӧм гырк пытшкӧссыс чукӧрмылӧмсӧ орччӧн восьлалысь докторлы дай кокняммыштӧс сьӧлӧм вылас. Асланыс кильчӧ поскӧд кайигӧн тай дзик нин мӧд вӧлӧ гӧлӧсыс-а, сёрниис мӧд и.

— А нинӧм, быдтам. Мед сӧмын, дитяӧй, лючки жӧ торъялӧс-а...

Керкаас пырӧм бӧрын сийӧ пыр и шыбитӧс вывсьыс паськӧмсӧ да уськӧдчис вежӧс саяс, кӧнӧ, кылӧ, ойгис нылыс. И доктор ӧнтаяысь на ӧна шай-паймунӧс. Сулалӧ столб моз да видзӧдӧ-баргӧ стенас ӧшалысь ыджыд фото вылӧ, кӧнӧ нюмъялысь ныв видзӧдӧс пырысьлы воча. Юрас еджыд анькытш тусьяса гӧрд чышъянтор, кок улас гӧрд пувйӧн чукъя кӧрзина. Уна рӧма фото, дзик ловъя серпас кодь! Дак тайӧ жӧ эсийӧ нылыс! Ягас паныдасьлысь лешачикаыс! Гут кулан тшакыс! Ерӧмакань...

А Матрена, кылӧ, чуксалӧ нин сийӧс вежӧс сайсянныс:

— Доктор! Кӧнӧ нӧ тэ? Пыр нин! Вайӧ нин Машук, вайӧ нин! Крестос аминь!

— Танӧ ме, танӧ. Пыра.— кыз поэӧ лӧньджыка шыясис да воськов вӧчис вежӧс порог вомӧныс. Аддзис никельӧн югъялысь крӧвать вылысь рӧдельничаӧс. Зэв блед чужӧм, куньса синъяс. «Абу сийӧ нылыс, тайӧ кодкӧ мӧд», — думыштӧс да рӧдельничасӧ такӧдыштӧс, но

кывъясыс ёнджыкасё аслыс колісны: «Нинём, нинём... Кага вайёмыд сійё естественной процесс...»

Докторлысь гёлёссё кылём бёрын рёдельнича восьтіс синъяссё да ойёстёмён бёр тупкис синсё, шёлк-тупійысис эшкыннас юр вылёдздыс: «Муж-жичёй!»

«А, буракё, ёд сійё, лешачикайд! Но менё эз тёд, слава богу». Аркадий вештыштіс шебрассё, стрёга шуис:

— Тан абу мужичёй ни нывбаба. Эмось ми — доктор да кага чужтысь! Важён-ё оройёллёмыс заводитчис?

Мёдыс эз сет воча кывсё. Козьналіс юалысьсё дик да яндысян син видзёлласён, а сэсся ымёстіс вильён воысь дойсьыс, шевкнитчис кияснас. Доктор гёгөрвоис, мый воча кывйис оз ло, бара стрёга шуис: — Терпитешт да нюмдышт, бурджык. Тэныд зэв ёна серамыс мунё. И кокниджыка чужтан. Ноко, ноко... выныштчы!

Медбёрын помёдз лёталём да шёйёвошём рёдельнича казяліс, мый воис жё. буракё, пом мучитчёмыслы. «Мыйла сэтшём лёнъ керкаас? Гашкё, ме кулі нин да? Но ёд чёв-лёньсё кыла. Сідзкё, ловъя на!»

Сьёкыда восьтіс синъяссё. И адзис докторёс. Пёсьыс сёлён аныкыш тусьяс моз кисьё чужём кузяяс. А ёти кияс кутё увлань юрёдыс лёзёдём кагасё, мёднас вачёдё сійёс.

«Мый керё сійё? Кагаёс менсым виё! Мамё!» — кёсийс горёдны да тайё здукас кагаёс шырпи моз чипёстіс, сетіс гёлёс. А сэсся и горён кавкнитіс да пондіс косявны.

Том мам кыліс на докторлысь гёлёссё:

— На, бабыс, примит внукёс!

Адзыліс мамыслысь повзёём и югзысь чужёмсё да кагалань чургёдём кияссё, а сэсся пемыд гуё быттьё вёйны кутіс. Удитіс жё тай «писё» вежёрас босьтны-а. Унмовсис, нинём эз кыв ни адзы.

Ёна майшасьёмсыс музём докторлы тшётш вёлі окота узьыштны, котъ татчё жё пласткыяс да унмовсяс, но рёдельнича да пузчужём кага вёсна тёждыс эз сет небзьёдчыны. Лов вылас сёлён вёлі лёсьыд, и весиг шудкодъёс на мыйкё кыліс ас пытшкас. Ме пё вед сямми кага чужтысьлы отсыштны да весиг ловъя олём пёльыштны вильён воысь мортлы! Мужичёй ловлы! Водзті, сиктсаяс «докторнад» ыджёдллыны кутасны да, гёрдёлтёдздыс яндзим лоліс Аркадийлы, а ёні, ставыс кё быттьё бур лоё том мамыскёд да сійё питоркёд, позяс и шуны: «Ог жё, буди, весь шлёнъяв тай сиктас-а!»

Со и заводитчисны том докторлён майшасян, и сэк жё кыпид луньяс. Вунны весиг пондіс дед вёсна шогыс. Кызни нё, виль олём кё чуксалё сійёс ас дінас! Кыкысь луннас ветлё Матренаяс керкаё. Асывнас и рытнас. Пырас, юалас:

— Но, кызни ті?

— Слава богу, быттьёкё лючки ставыс. Кагасё вердны йёлыс мамыслён эм-а. Машук чеччывлё нин и, ывлаёдз петыштлас...

Кылё и оз кыв Матреналысь сёрнисё том доктор, адзё ёд: ставыс лючки. А Матренаёс кывзыны мешайтёны думъясыс: «Верма ог эськё ёні тайё том анысё радейтны? Ёд нинём сусьыны, пыр на сатшвидзё ёсь жель моз морёсын тайё нылыс. Коркёсян нин, вёрас адзысьлёмсьянь. Но Машалён мёдсянь кага. И колё чайтны — радейтё кагаыслысь батсьё. Воссяс-ё ме дорё сёлён радейтёмыс? Ёдвакё... Бурджык ёні пока колё таитны на ассыым лов пессёмёс. Мед жё нездёгадки ортсё оз пет радейтчёмой. Гашкё, колё дугдыны на дорё ветлыны? Либёнёсь, Евстоля Степановнаёс ыстывны. Сійё и меысь на сюсь синма рёдельничаяс дорад да пузчужём кагаяс дорад». Кыкысь кымын вёзйыліс нин Евстолялы, гашкё пё тэ ветлан Матренаясас, но сэсся бёр босьтіс кывсё: «Энлы, ачым на инё талун гуляйтігмоз котёртла».

Бёръя волігас эз нин Матрена, а ачыс Машук восьтіс.

— А мамыд нё?..

— Сійё кукьяс дорас муніс, помасьёма отпускыс.

Машё абу нин рёдельнича кодъ. Дзоридзёсь халата, юрсн лёдзёма лезъ да шыркнитёма лёз лентаён. Лёз лента мозыс жё-сылён лёсталё-

ны да ворсѳдчѳны лѳз синъясыс. А вѳрасыс да гѳлѳсыс сѳтшѳм небыд, нежной. Аркадийлѳн пыр и вирдыштѳ мѳвп: «Бритва кодъ лѳчыд кывъяс да тѳрыб вѳраса сѳк вѳлі, а ѳні... Со ѳд кызди вежсѳма, мамнад лоис да. И кутшѳмкѳ чѳскыд дук сы дѳнысь петѳ, кага дукуыс, буракѳ...» Аркадийлѳн не сѳмын сѳлѳмыс, но и чунь помъясыс тѳравны пондѳсны, сѳтшѳм окота инмѳдчыштлыны том вир-яя сойясас, морѳсас, малалыштны лѳзь юрсисѳ. Да и сѳрнитыштны кѳ сѳлѳмсяныыс петан кывъясѳн, не сѳмын, шуам, кага да том мам дзоньвидзалун йылысь, но и пасыкыджыка тѳдмавны сылѳн водзѳ вылѳ планъяс йылысь, да и таѳдза олѳмсѳ нывлысь нинѳм жѳ оз тѳд. Колѳ, кызди нѳ заводитныс?

Отсалѳ стѳнас ѳшалысь мѳча фотоыс. Кызкѳ другѳн и артмис сѳсся сѳрни панасыс:

— Этайѳ фотоас тѳ ѳна жѳ эффектной!— Роч кывйѳн дѳжныштѳс, медым петкѳдлыны асыѳ синмѳ веськыда шуысѳн.— Тѳлк тѳдысь мастер, буракѳ, старайтѳма.

— А-а,— шѳновтѳс кинас Машѳ, муртса фотоланыыс дзоркнитлѳс да.— Вѳлі коркѳ ѳти... Ва-а-жѳн.

— Кык во да кык тѳлысь водзтѳ,— ѳтсыштѳс Аркадий.

— А тѳ кытысь тѳданныд?— шѳнзыштѳс Машѳ.

— Кытысь ме тѳда?— шмонь петан нюмѳн юалѳс доктор да ачыс и вѳча кывсѳ сетѳс.— Верман ѳмѳй вунѳдны вѳрын аскѳдыс, лѳшачикакѳд, аддзысьлѳм?

Машѳ клеснитѳс кыяснас да азыма дзоргыштѳс доктор вылѳ.

— Энлы, энлы... Помнѳта! Да господи, тѳ ни ѳти абу сѳйѳ зонка кодъяс да! Сѳйѳ том вѳлі и...

— Небыд кукань кодъ, кѳсйин шуны? Да, да, сѳйѳ куканыыс буретш ме и ѳм.

— Ой-я да ой-я!— вом тырѳныс петѳс том анылѳн серамыс.— А ме чайтѳ— леспромхозысь зонка вошѳма мѳян вѳръясѳ. Но и но!— Машѳ ѳнѳ сералѳс дзик коркѳямозыс. Тайѳ серамыс том докторѳ дасы кольмѳдны, но ѳнѳ сѳйѳ абу нин коркѳя куканыыд, кодѳ эз сяммы весиг юавны нывлысь нимсѳ. ѳнѳ сѳйѳ висьталас ставсѳ. Коркѳя мучитѳмсѳ и ѳнѳя мѳвпъяссѳ.

— А ме тѳнѳ сѳки быдлаысь корси! Войлалѳ став орчча грездъяссѳ. Клубѳ быд рыт пѳта, син пыр кѳтъ, мѳся, нуѳдны колѳ мѳчаник гут кулан тшакѳс. А сѳйѳ некѳн оз вуджрась, мутияс быттѳ гуѳмаѳсь.— Тайѳ висьталѳгѳн кѳтъ и ѳна пѳссис лолыс Аркадийлѳн, век жѳ асыѳ зѳлис кутны веськодъжыка. Та понда висьтасигас гажаа сералѳс. Сералѳс и Машук.

— Да, аддзин эсыкѳ тѳ менѳ сѳки орчча грездсыд! Волѳм ѳд катѳрѳн нарошнѳ пув вотны. Войсѳ узьны весиг эг кольчѳѳй, бѳр свѳснитѳм райцентрѳ. Мамѳ пѳнясыс да пѳнясыс, вой улѳ пѳ туйѳ петанныд. А мѳянлы нѳ мый войыд? Райкомын ѳд уджалѳ, удж вылѳ сѳрмыны оз позь.

— Но-о, тѳ инѳ районнѳй начальство, а ме тѳкѳд со тадзи прѳста больѳдча. Извенѳт, эг тѳд.

— Да кутшѳм сѳн начальство, комсомол райкомын ѳд. А сѳсся ѳти комсомолѳч манѳтѳс ас дѳнас леспромхозѳ. Кантораас секретарь-машинѳсткаалѳ. Со кутшѳм ыджыд начальник ме!

— Зато сѳйѳ, комсомолѳчыд, ыджыд чѳна, буракѳ. Кыскис кѳ дѳнас...

Машѳ татѳ сѳкѳрмис мыйлакѳ, бытшкан синвидзѳдласѳн козыналѳс докторѳс:

— Син пѳртысь коколѳс сѳйѳс тѳдны ѳг кѳсйы! И слава богу, весасыс леспромхозысь гортас! ѳнѳ понйѳн ѳн аддзы...

Кильчѳ вылас кылѳс лым дзуртѳм шы, сѳсся и гольсмунѳс ѳдзѳсыс, пырис Машѳлѳн мамыс, Матрен тѳѳтка.

— А-а, доктор,— чолѳмасытѳг и броткыштѳс сѳйѳ да пондѳс кульны пасыкѳмсѳ. Рис-расѳн и пѳрчысыс да пондѳс шыльѳдны юрсисѳ. Гребѳнкасѳ скѳра сатшкѳм бѳрын вѳлись докторлань нырѳн бергѳдчѳс:— Чайтан, гашкѳ, мѳнам чѳсь тѳдѳм абу? Пас-сѳбѳ, кок улѳдзыд копыр. Отсалѳн и мѳздѳн. А ѳнѳ сѳсся тѳрудысь колѳ тѳдны.

— Ма-мө! — повзёмөн горөдсис Машө нылыслөн.

Но Матрен сөмын скөрысь шеновтіс кинас.

— Мый мамө?! Ме тэныд кызь өти во нин мамө! Он төд, мый сиктын славитөны? Том доктор пө Матрен эня-нылаөс чеччөдө и водтөдө. Тайө тиянлы кызд кажитчө? И сідз нин бабаяс пожъялісны лы и ку менсьым, рушкунад воин да. Öні сэсса мөд пөлөс песня заводитчис. Пас-сибө, ог көсйы водзө кывзыны.

Эз, дерт, кажитчы докторлы татшөм восьсөн мыжалөмыс, но сійө эз дөзмы ни этшө эз вошты. Лабутнөя шуис:

— Ме сөмын ассьым обязанность выполняйта. Сьөм меным таысь мынтөны. А оз кө кажитчы пыравлөмөй, пөжалуйста, асьныд верман-ныд волены медпунктө.

— Асьным, значит? Ак, доктор, кутшөм на и вежөра совет сетан! А ме быд бөждоралы, значит, куөс гугөд, да пытшөн пыр? Машук да ме öні туй дор пу кодьөсь, коді прөйдитө, сійө и-й чернас лөсьштө... — Матренлөн дзөрны пондісны льөбьясыс. И доктор сэк смелмөдчис да крап-шуис:

— А тэ, Матрена Васильевна, эн и быдөн водзын кутө гугөд. Корасьны пө волө, шу дай.

— Кы-дзи корасьны?! — Вєсьөпөри тьөтыд да гөлөсыс быдөн сибдіс, дыр эз вермы шы сетны. Бөрти голясыс тасыс вөрзис жө. — Тэ, дона пиө, мый изан? Корасьны... Быттьө он төд: зыбкаын сылөн өти кавөдчө нин татшөм корасьөмысь. Мөд свадьба миянлы оз на ков!

Но мый син бугыльястө шарөдін? Али мамыдлысь юр вемсө катшарака кокалөмабсь? — тайө нин Матрена Машук нылыс вылө. Машө тупкис чужөмсө кияснас, лимөстіс.

Сэтшөм жаль лои нылыс Аркадийлы, сибөдчис Матрен тьөт дорө, босьтіс кидьыс:

— Матрена Васильевна, весь өд скөраланнөд, — шыасис збодера да мелі гөлөсөн. Öні сійө ньөти эз нин шөйөвош. — Дугды көритны нывтө да стөчджыка думыштлы: эз пес чурка чуж — морт, внук тэнад. Быд кагалы бать колө, а зонкайдлы и пөдавнө. А Машөтө ме радейта. Важысянь нин радейта, армияө ветлытөдз на. Öтчыд и син пыр нуөді, а сатшис сьөлөмө ёсь жель моз. Ог лөж бант, збыль тайө. Ме сөмын на тэнад пыртөдз көсий Машалы висьтавыны та йылысь да тэ локтін. Öні тэ дырйи и шуа, быттьө абу кө ме мустөм: примитөй менө кагаыс-лы бать пыдди. Дерт, Машалы тайөс решайтны дай ме ог и тэрмөдлы, но...

Матрен тьөтка паськалөм синъясөн баргис доктор вылө, кыв эз сяммы шуны, сөмын льөбйыс бара пондіс тірзыны. А нылыс өшинь занавес саяс саймовтчөмөн видзөдіс гьөра өшинь пырыс кытчөкө ывлаас да люпкөдіс нырнас.

Өшинь сайын, лөсьыда банйөм чөвпан кодь, гөгрөс төлысь койис ассьыс югөрьяссө лым толаөн тыртөм керка вевтъяс вылө, туналіс сэзь да көдзыд аския лун. Шулөны, январын кө сэзь, гожөм шөр жар лө.

Тулыснас, ю восььөм бөрын, Аркадий гижис карө мамыслы письмө:

«Мамук, корам волены миянө Парчаө гөститны. Аддзылан татчөс местаяссө, Василөк внукыдкөд төдмасын да невестка Машукидкөд, Матрен сваттягд чөскыд сур сэк кежлө пуас да свежөй чери заптас. Аддзылан менсьым отсасысьсөс да мөд мамукөс, Евстоля Степановнаөс. Сэки и ставөн ветлам Демид дед гу вылө, пөминитыштам бур мортөс. Тшук волы, аддзысьлытөдз! Окалам да сывьялам, тэнад рөднөйяс: Василөк, Маша да Аркадий!»



Александра МИШАРИНА

## Выль кывбуръяс



## Сьолөм дой

«Сьолөмдй бөрдө и сьылд...»  
Тима Вень.

Менсьым шогөс неkyдэ  
Тэн не гөгөрвоны.  
Менам местаө  
И мөвпнад он куж воны.  
Гашкө, кажитчө тэн:  
Уна меным колө.  
Төдін кө, мый  
Мустөм вөлі нин мен олөм.  
И эз сы понда,  
Мый мыйкө мед эз тырмы.  
И эз сы понда,  
Көть кыз менө эз зырны.  
Менам сьолөмдй  
Эз бөрд нин и эз доймы,

Некод дорө  
Шоныд-югыдсө эз кой нин.  
Олөм дорас  
Вөлі көдзалөма, веськодь,  
Мый и водзөсө,  
Эн дойд кө менө эськө?..  
Гашкө, кокни вөлі,  
Сьолөмс эз йир өд.  
Юрөн-кокөн пыри  
Веськодьлунлөн йирө.  
Синватөм да дойтөм олөм  
Содтис нэмөс.  
А поэтлы  
Сэтшөм олөмыс нө эм-ө?..

## Көдзыд февраль

Январыс шоныд  
вөлі пыр.  
Февраль жө  
көдзыдалө дыр.  
Көть содө лун  
и чинө вой.  
А шондй шоныд  
оз на кой.

А көдзыд дырйи-й  
мортыд джын.  
Вир быттьө сувтлө,  
ки-кок кын.  
Зверь-пөтка кынмө —  
ловья лов.  
И налы  
көдзыдыд оз ков.

Март төлысь,  
тэрыбджыка лок.  
Өд тулысылөн  
тэ нин вок.  
Мен лэбачьясыс  
сэтшөм жаль.  
Өд налөн абу  
пась ни шаль.

Жонь лэбигас со  
усис швач.  
А метө бара  
ломтй пач.  
И шоныд лоас  
чужан горт.  
Ме көдзыдлы  
ог сетчы — морт.

## Кор сьолөмьд измөма

Мем окота бөрдны,  
но син дорой кос.  
Кор колө тай синвайд,  
Оз на пет, оз...  
Му-мам весьтас сынөдыс  
Гудыр и эм.  
Көть тайө руд югөрсьыс  
Бөрддзыны мем!  
Кор сьолөмьд измөма,  
Нөшта на шог.  
И сьывны ог вермы,  
и бөрднысө ог.

## Пөрысьлун

Оз тугьяв пельсь пывсян дорын,  
И абу ни өти льөм тусь.  
И өшинь улын абу зорөд,  
А потшөс муртса нин оз усь.  
Льөм-пельсь дзоридз төлыс нуис,  
И сийөн вотбьсыс эз ло.  
И со нин едждөдөма муыс.  
А мамлы өкмысдасөд во.  
Тадз ог и төдлы, коля өтнам,  
Мый водзө лоас, ог и төд.  
Лөк думьяс юрьсь бара вөтла:  
«А шогысла көть сэсся пөд...»

\* \* \*

Войтва виялас, а войнас  
лымйыс лоө көрт кодь кын.  
Бара менам сьолөм доймө,  
эновтөны шуд и вын.

Войвыв тулыс кодьыс олөм:  
шондї шонтыштас и бөр,  
сэтшөм көдзыд меным лолө,  
сэки ырзөмөн көть бөрд.

## Миян дой

Эжва юйй, мый нө тэкөд вөчим?  
Мыйла татчө ЛПК-сө тэчим?  
Коми аньлөн сулаліс көн керка,  
Экскаватор гудйөма му веркөс.

Мөска вөлі, мыйта вөлі ыжыс.  
Өні сийө быттө ачыс мыжа.  
Дзоргө витөд судтасянь ва вылө,  
А ми сылысь дойсө огө кылөй.

\* \* \*

Ратшуні да шөри поті төвса пос.  
Лымйыс бырө, кызди пачын сылө гос.  
Өшинь улын эжа веж нин, град выв сьөд.  
Муыс-вайс менсьым шогсьөмөс оз төд.

Муыс-ваыс кынмис бара,  
Еджыд эшкына нин му.  
Эз дыр гөстит зарни арыс.  
Йи куд улө пырис ю.

Лун пыр дженьмө, өдйө чинө.  
Сы пуд нюжалө пыр вой.  
Олөм быттьө курыд вина:  
Долыдмөдлас, бара дой.

## Асъя кыа бөрся

Асъя кыа бөрся югыд шонді петө,  
Майбырөй дай тулысөй, мыйта радлун сетан!  
Шонді петан кадө сьөлөмыдлы долыд,  
Кыпалө да качө, быттьө райө волө.  
Окота сэк сывны, быттьө шогыс абу.  
Ставыс миян олөмын тыр-бура да лада.  
Бур йөзыслы окота ыджыд аттьө шуны.  
Босътны ассыд мусатө, кияс вылад нуны.  
Кагаяслы, челядылы радлыны да ворсны,  
Мича югыд томлунлы ассыс пөвсө корсьны.  
Верстьөлы да пөрысьлы дзоньвидзалун сиа.  
Медым быдөн вөліны зіль да шуда киа.  
Медым быдөн пуктісны өта-мөдсө пыдди.  
Уна-уна бурсө на сьөлөмсянь ме лыдди.  
Югыд тувсов лунъясас шуд мед ставлы сюрө.  
Мойдын моз жө олөмыс помасяс мед бурөн!



# Хорейнюр посёлокын

## В И С Ъ Т

Ошкотоодз — ненец кыв вылысь вуджодомон Ош кучик — журналист Виктор Серовос вайодисны вертолётон. Сейсмографъяс дорын кык лун олөм-сёрнитөм да налысь уджсө видзөдлөм бөрүн сылы бөр позис лэбны Ыджыд му вылө, кызди сәні шуоны. Блокнотас очерк вылас материалалыс тырмымөн, юрас зумыда нин пукаліс материалыслөн сюрөсыс. Но сейсмикъяс динө вертолётъяс волевлісны гежөда, и бур сёлөма йөз том журналистөс вездеходон, попуттьө моз быттьө, вайодисны Хорейнюр посёлокдз.

Хорейнюр — щитөвöй финскöй керкаяса неважөнъя на неыджыд посёлок. Сәні олісны көр видзысьяслөн семьяясыс да тшөтш и найö, кодъяс эз ветлыны тундраын. Ненецъясысь кындзи посёлокас нöшта олісны аэропортса начальник Черкезов, аэропортса радист Колька да геологъяслөн радистка Лерка, а став йөзсө кө артавын, куимсёсыс не-уна унджык морт. Та йылысь кузь туяс Викторлы висътавліс морт суд-та лымті тшын-бус мунысь вездеходлөн руль сайын пукалысьыс, а кор кутісны воны посёлокас, сійö юаліс: кытчөдз нуөдны?

— Колька дінас и нуөдöй, — падъявтөг вочавидзис журналист, и эз сорсы.

Колька паныдаліс сійөс важ ёртөс моз, быттьө эз аддзысьлыны нин во дас. Медводз петкөдліс ассыс олан жырсө. Сэсся — пельöсын вöснн гөлөсөн öтчыд-мөдысь гежөдика чипсыштавлысь рациясө. Восьтіс öдзөс нöшта öти жырийö да индiс крөвать, көнi Виктор вермас шойч-чыны мыйда көсъяс. Став овмөссө петкөдлөм бөрүн радиостанцияса көзяин лэптiс пызан вылас джынъявтөм на спирт доз, кузьта ног вöс-ныдыдика вөлалөм кын чери тасьті, мөд тасьтіын — вöсныдыдика жö вөлалөм кын көр яй, көр мус, нянь, кык румка, быттьө и збыльысь важөн нин виччысьöма гөстьөс. Медводдза стопкасö юөм бөрүн и төдмасисны.

— Медбөръя романтик... Николай, — вашмуніс Колька. — Канин көджен чужлі,... — овсө эз и висътав, тыдалө, эз лыдды коланаөн, но ассыс мөвпсө, кодi, позис гөгөрвоны, зонсө майшөдліс дыр нин, төдчөдіс: — Китъясөс кыян судно вылын Антарктикалан ветльвлі, ради-стөн, а сэсся спишитісны... Этаысь... — печиктіс голяас. — Мөдөдісны со татчө... Но ме тэныд веськыда шуа: судно вылө бөр мунысьөн лоа на, ветлөдлышта на Атлантикати, мукөд океан-мореті...

— Менö Виктор Серовөн шуоны, журналист. Аддзылін, гашкө, овөс газетъясысь? Канин көдзад эг вөвлы... Антарктикаын эг жö... По-мавлі МГУ и сійö кадсяныс — пыр газетъясын. Гижа уна, печатайтса тшөкыда и областнöй газетын, тшөтш и Москваын. Со и тіянөдз вон. Экзотика тані: геологъяс, көр видзысьяс, тундра... Гижны кө көр видзысьяс йывьсыс мичаа — вот лыддянторйыс... Романтика! Экзотика! — ыззис Серов.

Мөд стопка спирт юөм бөрүн зонъяслы вель кыпид лоис лов вы-лананс. Колька вильөдыштіс кын чери, качайтчыштіс улөс вылас да лыддис весиг кывбур. Викторлы сійö сёлөм вылас воис, ошкис. Но Колькалы тайö ошкөмыс оз вөлөм ков. Сійö чеччис улөс вывьсыс, кутіс котравны жыр кузясыс öшиньянь öдзөсөдз, матыстчыліс пач дінас, быттьө кисö шонтыштыны нюжөдлас:

— Тэ төдан, — быттьө джөмдалөмөн кутіс водзö висътавлыны ас йывьсыс радист. — Ме, тыдалө, инö öшйытөм морт... Менö век кытчөкө кыскө... Ог вермы öти местаас овны. Вот, чужи Канин көджен... Сикт — сикт и эм, чери кыйысьяс сәні унджыкыс, но а менö öд морөыс

кыскө-чуксалө, но оз Белөй либө Баренцево мореяс, а Атлантика, Тихой океан кыскөны... Көсий лоны капитанон, а веськалі радистө... Но мед нин: радист — этшаджык аддзө, но сы пыдди унджык кылө. Пыр зили вахта вылын наушникъясысь кывны СОС, но, гөгөрвоан өд, пикө воом йөзлысь мездана корөм кывзи, мед отсавны вөйысь либө сотчысь корабльыввса командалы. Куим воон сідзи и эз удайтчы кывлыны тайө сигналсө. Отчюд капитан аддзис, кызди ме бергөдла приёмникысь ручкасө да стрөжитис: «Нөшта отчюд аддза — спишита берег вылө!» Ме и юси... Көдлөн кутшөм юантор — ставыс менам кубрикө вайоны. Ме ордын позьö, сибөда да... Капитан тайөс казяліс да спишитис өд, мыйөн асланым портө воим... Каниноын во джын олі — гажтөм лои весиг юнысө. Муні Архангельскө. Севморпутьө эз босьтны — гражданскөй авиация управлениеө вөзйыси. Во нин тані гачөс зырта, кык суткиөн отчюд самолётъясылысь радиограммаяс примита... Гажтөмыс... Отиторйөн и лаймөдла ачымөс, — Колька видзөдліс Виктор вылө, босьтис румкасө. — Тэ вөсна...

— Тэ вөсна, — воча шуис Серов. — Сы вөсна, медым тэ регыдджык бөр веськаліи корабль вылад да петін мореө, — шуис тадзи, гунькылө нылыштіс стопкасө, весиг эз чукуртчыв, а сөмын исыштіс рудзөг нянь тор, кыкис сигарет да азыма мөдіс куритчыны.

— И көні тэ тадзсө спиртсө велавлөмыд юны? — юалис Колька.

— Ме, вокө, университетө пыртөдз грузчикын уджалі: торф, куйөд, удобрение мешөкъяс сөвті-ректі. Шабашкаыс быд лун... Отилы-мөдлы лишөдлім: гөститөдоны — эг бөрынтьлөй. Шофөрлөн бардачкас стөканыс, рудзөг нянь тор да кильки банка пыр вөлі. Бать казяліс коркө тайөс, но сөр нин вөлі... Сэсся, сийө шофөр жө, ачыс винасө радейтис.

— Сідзи инө? — быттьө юалис Колька, а сэсся думыштчыліс да содтіс: — Тэнө вот уджыд велөдөма юны, а менө — гажтөмлуныс... Корабль вылө кө веськала, гашкө и... А тані? Тані позьө дзикөдз юсыны... Тэ вот шуан тундра... Экзотика... Тулысын тундрайд и збылысь зэв мича, некутшөм Сочи оз ков... А төвнас, көть кызди эн пасьтась, век кыман... А тэ, гашкө, сэтчө и ветлыны на көсьян? А тундраын, төдан-ө, вошны позьө ёна өдийөджык гөраясын дорысь... Оз и аддзыны весиг... Со тэныд и экзотика... Ог лэдз тундраас. Гөраясын вынтөммөм вөсна юрнысө воштөны, а тундраын, кор ылалан, мывкылунуд бырө. Кодарө он видзөдлы, быдлаын өткодь серпас — сгинитан... Ненецъяс, велалө-маөсь да, көть өткөн, дыр вермасны сәні овны, а выльөн локтөм морт пыр и воштас юр вежөрсө.

— Тэ менө, Николай, эн повзбөдлы. Тундраө ме өткөн ог пет.

— А кызди жө? Тэ өд журналист, көсьян со видзөдлыны, кызди пастукъяс көръяссө видзөны, чумын кызди олөны? Öні өти роч нывбаба весиг эм... Көр видзысь сайө верөс сайө петөма да тундраын, чумын и олөны, көть МГУ жө помавлөма. Но сийө өд велалөма нин, а сэсся, төдөмысь, чумсыыс ылө оз мун өтнас.

— Оз кө нин өткөн сэтчөдз позь ветлынысө, кызкө-мыйкө мөд ног налысь удж-олөмсө төдмала, — нылыд сетчис Серов, — а гижны на йылысь окота.

Колька сулалыштіс өшинь дорас да бурпырысь шуис:

— Но, эн шөгсы, аски нуөдла бригадир дінас... Сөрнитчаньд — висьталас, мый колө, нуөдлас на, колөкө, и көръяс динөдзсыс... Лоө материалыд, лөб!

Вылө ёртъяс ректісны спирт бутылкасө, бырөдісны пызан вывсыс сөянсө, а сэсся Колька вайис гитара да уна сьыланкыв на сьыліс мича гөлөснас. А төдіс сийө уна, и Окуджаваөс, и Қлячкинөс, и Визборөс, и Городецкийөс, но медся бура артмис Есенинлөн кывбуръяс вылө ворсөм-сьылөмыс.

Асывнас Серов чеччис водзджык, мыссис ывлаын лымйөн, косөдчис ки чышкөдөн да вөлись садьмөдіс Колькаөс. Радистлөн чужөмыс эз вөв рытъяыс кодь шылыд да кыпид. Виктор тайөс пыр аддзис да юалис посөлөкса магазинсө. Мөдар помас сийө вөдөма. Пасьтасис Ви-

дзодла пё, мыйён тiян вузасьоны. Ывла вылас вёлі комын гогор градус да нёшта и лымъяліс, туробалыштiс.

Лёкмысь поводя водзвыв тёдёмон посёлокса понъяс эз увтны боквёй морт вылө, кёлачө гартыштчёмон чёла куйлісны кильчө дорьясас вёчыштөм чомъясанус.

Көть тёрыт Виктор Серов Колькакөд быдса сулея спирт юисны, но лымйөн мыссьөм да өні көдзыд вылас петөм бёрын юрыслы вёлі кыпид. Радліс татчө командировкаас локтөмысь. Геологияс йылысь материалыс блокнотас да нёшта Колькаыс көр видзысьяслөн бригадир дорас көйис нуөдлыны. А кызди оз радлы: татшөм материалтө непөштө областнөй — центральной газетьясө босьтасны радпырьсь, а гижны сийө кужб.

Стрөгкодь чужөма олёма нин вузасьысь нывбаба мыччис Серовлы кык водка доз, нель банка консерв, а сэсся магазинас нинөм сэтшөмыс, «полярнөйыс», кызд чайтліс сэтчө пыртөдзыс, эз вөв. Субөта луннад и ненецьяс, маличаанус кышасьөмөн, магазинө жб быдладорысь люзьгисны-локтисны. Кызди и бригадирныс, көр видзысьяс, дерт, унаөн локтисны гортанус пывсыны, семьяяснысө видлыны, а сідзкө уналаын талун-аски ыджыд празник кодь лөб, гажъявны кутасны. Магазин дорын бергалісны кымынкө пон — кузь гөнаөсь, көр дор лайкаяс. Найбө исалісны адззывлытөм паськөма (Виктор вёлі дженьыдик пася) да портфеля мортөс, вешйылісны бокө да тыр синмөн видзөдісны не сэтчөс өблика дядьбө вылө, быттьбө шензисны: «Кытысь и усьөма татшөмыс? Малича ни көр дук оз кыв».

Колька удитөма нин мыссьыны, бритчыны, идравны тёрытья пызан вывсө, мыскавны тасьтiяс, стөканъяс, но жугыль чужөма. Пызан вылас пыр и вайис стөканъяс, сёян. Дозсө юисны сёрниттөг.

Пыраліс аэропортса начальныкыс, Черкезов, видзөдліс пызан вылө, шуис, медым Колька дугдас зельбөнас дурнысө да петіс аслас жырьяс дежуритны. Сылы, тыдалө, вёлі веськодь и став празникьясыс, и гөстьясыс, мед көть кытысянь найбө эз вөвны воөмаөсь: төдіс сөмын ассьыс начальник уджсө.

Пызан сайын доз юөм да пукалыштөм бёрын Колька да Виктор кывзыштисны рация, а сэсся мунісны көр видзысьяслөн бригадир Рочев дінө. Адззисны сийөс туй вылысь. Ветлөма собрание вылө, зэв дөвөль чужөма гортас муно: бур уджысь пасйөмаөсь костюм вылө нөйөн да нёшта и деньгаөн.

Колька ненец ног чолөмасис ськөд, а сэсся рочөн содтiс:

— Со, вайбөда тiян дінө областнөй газетысь журналистөс. Көсйө сёрнитыштны да гижны очерк.

Рочев кузя видзөдліс Серов вылө, быттьбө донъяліс сийөс. Виктор видзөдліс жб сы вылө да ас кежас пасйис: «Синъясыс абу ненецлөн кодьбөсь, весиг көр видзысьяс вылас оз мун. Найбө, быттьбө, гөрбыльтчыштөнымоз»,— но нинөм, дерт, эз шу.

Бригадир вайбөдіс зоньясөс гортас, лэптiс пызан вылас водка доз, мыйкө шуис инпөлас ноксысь гөтырыслы, кутіс пөрччысьны да тшөктiс пөрччысьны и ськөд пырысьяслы.

Көзьяйкаыс здук кежлө мыччысьліс занавес сайсыс, чолөмасис копытчылөмөн воысьяскөд да, кылө, кутіс дасьтыны сёян. Көтшасьянныс кыліс уль көр яй, чери да пєслалөм рузум дук. Керкаыс вёлі жар, уль руа кодь да торйөн нин та вөсна, тыдалө, и кыліс Виктор ывла бөрас став тайбө дукьясөбө өтсөр.

Пыді комнатасыс ки мөдзьяснас шлапөдчөмөн да пидзөсьяснас гимгөмөн нель кок вылын бауөн петаліс гачтөм на ичөтик зонка, но басьсө төдтөм йөзкөд адззөм бёрын өдйө бергөдчис да бөр саяліс пыді жырьяс.

Регыд пызан вылын кутісны руавны көр яйысь пуөм шыд да яй тасьтiяс, чери. Көзьяин да зоньяс пуксисны сёйны. Колька пукаліс ас морт моз, но юис этша да кадысь-кадө, Рочев вылө видзөдлігьясө читкыртліс син пөвнас. Рочев сёян вылас эдджык усьлась, но юис румка бөрас румка да ненец кыв вылын мыйкө тшөктывліс гөтырыслы.

Серов видліс пырѳдчыны Рочевкѳд сѳрниѳ колхозлѳн экономика йылысь, юалис кѳръяслысь лыдсѳ, позьѳ-ѳ вурѳдны тані кѳр кысысь буркыяс, но бригадир ськѳд эз вѳв сѳрниа — сбмын юис. Тайѳс аддзѳмѳн и Виктор ѳна нюжмасьтѳг, тшѳктѳм виччысьтѳг кутіс пѳрлѳдлыны во-мас выльѳн кисьтѳм румкаяссѳ да ѳдйѳ коддзис.

— Со ме вѳлі Ошкотѳын, сейсмикъяс дінын. А мыйла нимтѳмаѳсь Ошкотѳѳн? Ошъяс сѳні эмѳсь?— гораа юалис Серов некод дінѳ торйѳн шыѳдчытѳг.

— ѳні абуѳсь, а войдѳр вѳлѳм вольтвлѳны ошъясыс. И кѳръяс унджык вѳлісны, и кыньяс, и эсійѳ... полярнѳй шыръяс... леммингъяс,— бригадир вылѳ видзѳдлѳм бѳрын вочавидзис Колька.— Водзті кынь ку позьѳ вѳлѳм водка дозйысь нѳбны, а ѳні ненецьяс сюсьмысны... Кывзы, Рочев, босьт менѳ бригадаад?— коранаа нюмѳвѳтис Колька, но тѳдчис: збыль вѳйысьѳ.

Бригадир довкйѳдлыштис юрнас.

— Но бо-о-осѳт, ме ѳд первой класса радист. Став му шар вывсьыс выльтѳръяссѳ кутан тѳдны. Ог нин шу пастукъясыд — кѳръясыд кутасны битл кывзыны, а ме ненец кывсѳ велѳда. Меным ѳні ѳткодъ мый Антарктикаѳ, мый тундраѳ... Ок, пон олѳм менам вѳссис — увта и сыла сыланкывъяс.

Бригадир стрѳга видзѳдліс Колька вылѳ да бара довкйѳдлыштис юрнас. Серовлы сідзи жѳ окота лѳи мунны тундраѳ видзны кѳръясѳс, кыйны капканѳн кыньясѳс, бѳтанѳн — чери, сѳйны кынтѳм кѳр яй, юны спирт, кѳрлысь пѳсь вир, лѳны ненецьяс кодъ жѳ идѳраѳн да сюсьѳн, медым некод эз таргайт налѳн му вылысь озырлунсѳ. И сѳки Виктор-лы юрас воис ѳнтая, татѳ локтігѳн чужѳм мѳвпыс, мый Рочев нѳѳти оз мун ненец вылѳ. Бара сюся видзѳдліс керкаса кѳзьяин вылѳ.

— Кывзы, бригадир, и мыйла тѳ менѳ бѳбйѳдлан, кутшѳм ненец тѳ? Ме жѳ аддза: ставсѳ рочнас гѳгѳрвоан и синъясыд рочлѳн кодъѳсь. Гѳгѳрвоин? Да тѳ эн пов, медым кѳть тѳ и бандеровец, лагерысь пышйѳм морт, ог жѳ ѳд кут сы йылысь гижны, некодлы ог висѳтав ни. Тані тундра — ов кызди кѳсьян.

Рочев гогнитис юрнас: «Ставсѳ, мый шуин, гѳгѳрвои»,— но та дырйи зѳв скѳрысь видзѳдліс Виктор вылѳ.

Мѳд жырьсыс петіс Рочевлѳн гѳгырыс и ненец кыв вылын найѳ дыр мый йылысь кѳ вензисны ас костаныс. Виктор весиг гѳгѳрвоис: сы вѳсна. Серовѳс мыйѳнкѳ повзьѳдис тайѳ вензьѳмыс. Сійѳ петіс посвѳдзас куритчыштны, мѳвпалыштны, кызди бѳр лѳсьѳдны сѳрнисѳ кѳть нин бурасян лад вылѳ. Кѳр видзысьяс йылысь очерк, дерт, оз артмы, но кѳть нин дзоньвидзаѳн петны тайѳ керкасысь...

Чигарка помсьыс пѳимсѳ пыркнитігмозыс Серов чѳвтліс синъяссѳ калидорас сулалысь пызан вылѳ. Сѳні куйліс ненецлѳн лы воропа ас вѳчѳм пурт. ѳдйѳ матыстчис, босьтис кнас, видліс дорышсѳ — зѳв лѳчыд. Чери керѳма сійѳн кѳзьяикаыс да кольѳма со. Виктор ѳдйѳ сюйис пуртсѳ пинджак зѳптас, сѳлалыштис ѳзйысь чигарка пом вылас да, мед некод оз удит петны сы дінѳ, ѳдйѳ бѳр пырис керкаас. Аслас местаѳ пуксьѳм бѳрын быттьѳ измис, видзѳдліс Колька вылѳ.

Рочевъяс эз нин видчыны, а Колька дивитанаа бергѳдліс сылань чужѳмсѳ да нимтѳм чуньнас гѳльѳдлыштис кѳсича дѳрас: «Йѳ-ѳй!»— позис гѳгѳрвоны.

«А ѳд збыль йѳй! Мый нѳ ме сѳйся йѳз делѳѳ!? Кутшѳм меным сѳтчѳдз мог?— мѳвпыштис Виктор.— Синъяс? Да мед кѳть кутшѳмѳсь найѳѳ! Мед Рочевыс кѳть ненец, кѳть роч, кѳть коми, кѳть манси — меным сѳтчѳдз мый?»

Водзѳ сѳйѳм-юѳм эз нин артмы. Кусі сѳрни, кѳть и таѳдзсѳ некод эз варовмыв. ѳттшѳтш и чеччисны пызан сайысь да Виктор Колькакѳд пыр и кутчысисны шапка-паськѳмъясаныс. Петіганыс зонъяс аттьѳбалісны керкаса кѳзьяваѳс, и, кѳть Рочев кольѳдѳ на вѳлі, бырѳдам нин пѳ тайѳ винаторсѳ, петісны керкасысь. Виктор Колькасысь гусьѳн пуктис пуртсѳ важ местаас да сы бѳрся петіс ывлаѳ.

Сѳстѳм сынѳд вылын Серов ыркалыштис, кутіс мѳвпавны лѳѳмтор

йывсыс: «Гижны кө көр видзсысъяс йылысь, ковмас ветлыны правлениеас, а сәни кө кывсяс тайо мисьтөм сёрниис?»

Ывлаын шондодыштөма, но җна лымъялис и төвзысьсөма — водзысь немтор оз тыдав. Та вöсна Қолька босьтис Викторöс сойбордйöдыс.

— Гортö абу окота муннысö,— шуис сийö.— Ветлам Лера ордö.

Серов тайö гудыр ывлаас эз төд, көни аэропортыс, весиг Қолькалысь эськө керкасö эз аддзы да сылы немтор эз коль, радист бөрся вöтчöмысь кындзи. Здук-мөд мысти Қолька вайöдис Викторöс сәтшөм жö керка динö, көни олис Рочев,— посёлокас стрöйбаясыс пöшти дзик öткөдöсь. Йöткиштыс öти öдзöс, мөдöс, коймөдöс.

Қомнатаын вöли лөнъ. Жыр шöрас сулалис ляпкыдик пызан. Сы вылын öйис сисьяка би. Лера пукалис пызан дорас да видзöдис би вылас. Медводдза здукас сийö кажитчис Викторлы зэв мичаөн да кутшöмакө весиг нэриникөн: векныдик чужöма, синъясыс вöйыштöмаöсь, но мелöсь, юрсиыс гөрдоват.

Зонъяслөн пырöм бöрын Лера öзтис электрическöй би. Югыз лампочка öйöм бöрын Лера кажитчис нин мыгöраджыкөн, статяджыкөн, а гашкö и сы вöсна тадзи кажитчис, мый сийö водзсö пукалис кызкö куткыртчöмөн, а öни сулалис.

— Со, журналист миянö локтис. Төдмась — Виктор Серов. Көсйö гижны геологъяс да көр видзсысъяслөн бригадирыс и лышкыд, гöститöдчö и быдсөн, но нюмсö эз петкөдлы».

— Лера,— чöла висьтасис радистка.

Виктор синъяснас кытшовтыс Лералысь ичöтик оланінсö. Тайö, дерт, эз вöв Қолькалөн жыр кодъ. Быдлаын тыр пöрадок, ставсö идралöма-меститöма. Джоджас, крöвать дорас, быттьö көсйö сывйыштны жырсыс став джоджсö, куйлис ош кучик. Виктор аддзылис вертолётнас Ошкотоö воигөн татшөм жö нима ты. Ош кучик кодъ жö дзик и эм. Гашкö, сийөн и нимтöмаöсь тысö Ошкотоөн. Стенын, öшинъ весьтас, öшалис рама пытшкын тошка-уска, но том мортлөн портретис. Сийö сәтшөм кыпыда, паськыда нюмъялис, быттьö тайö керкаас öния воысьясыслы радлис.

«Вот тайö нин бур сёлöма морт,— пасйис ас кежас Виктор.— Абу эсийö Рочевыс кодъ, көть көр видзсысъяслөн бригадирыс и лышкыд, гöститöдчö и быдсөн, но нюмсö эз петкөдлы».

Дырджык Викторлөн видзöдсис портрет вылас. Лера тайöс казялис.

— Менам верöс,— шуис сийö.

— Öти төдса вылö җна мунö,— шуис Серов.— Коді тайö?

— Вöли геологөн, но пöгибнитис тундраын.

— Прöститöй, Лера, ме, сідзкö, сорси.

Серов матыстчис пызан дорö портфельнас да, Қолькалы мигнитөм бöрын, перйис сәтысь асывсянныс кольөм водка дозсö, пуктис пызан вылö.

— Но-о, ас винананыд локтөмныдöсь, гөсткөд,— серөктис Лера.

— Видзöдлыны пырим, а эятөг нö кызди? Ковмас кө, сәсся бара котөрт татшөм поводянас,— вашмуні Қолька.— Ывлаас син ни пель, тыртас туй вылас.

Лера ваялис кухнясыс румкаяс, нянь, мукөд сёянторъяс, а Қолька сийö каднас матысталис пызан динö улöсьяс.

Медводдза стопкасö юисны, дерт, геологъяс вöсна.

— Юрысь дзик петис: гитараöс колö вöли босьтны гортö пыравны,— жальпырысь казыгыштыс Қолька.— Көр видзсысъяслөн бригадир Рочев ордö ветлим Викторкөд, а локтигөн некытчö кежавтөг татчö со воим. Дзик öд со вуні. Қолька, гитара абутөм вöснаыс-ö, мый оз вермы гажöдыштны том нывбабаöс, җна эз варовмы. Весиг быттьö гажтөмтчыны кутис.

Серов сёрнитигас видзöдлывліс и Лера вылö, и Қолька вылö, көсйис гөгөрвоны: эм-ö на костын кутшөмкө, абу кө нин радейтчөм, көть кутшөмкө йитөд. Дыр видзöдис, а сәсся аслыс пасйис: «Эм... Қолька радейтö Лераöс, и Лера та йылысь төдö, но яндысысь зонлы сывъяс ачыс оз жö уськөдчы. А вермас лоны, оз на вермы вунөдны кувсьөм

верөссө... Көсйө аддзыны сэтшөм жө шаньөс, авьяөс да, дерт, повтө-мөс, збойөс... Колькаөс, вермас лоны, зонкаөн на лыддьө, а асьсө ына верстыөн да оз көсйы кеждны сйөс аслас ордым вылө».

Тайө мөвпясыс кыпөдісны Серовлысь ловсө. Сйө удитіс нюжмась-төг юыштавны сылы кысьтөм стопкасө, сейны пызан вылө вайөмасө да варовитны. Бөрья помас весиг и сёрнисө сылы колана визьө кеждіс, кывбурьяс лыддис и командировкаясас ветлөм йылысь, уна йөзкөд аддзысьлөмьяс йылысь сёрнитіс. Кывзыны кө, Виктор быттьө медваров мортые. Лера весиг вунөдіс Колька йылысь, Викторлань ставнас бергөдчис. Серов быттьө вунөдіс жө асьсыс выль ёртсө. Сөмын нин Леракөд сёрнитө, а мыйкө кө көсйө төдчөдны — шлапнитас кисө нывбабалөн пидзөс вылө, вылөджык. Но Лера тайөс быттьө оз и казьяв, сералө сөмын.

— Геологьяслөн да мян, журналистьяслөн, уджын зэв уна өт-кодьлуныс,— водзө ошйысис Серов.— Геологьяс корсьөны зарни да мукөд дона металляс му пытшкысь, а ми, журналистьяс, йөз пөв-стысь, медбур йөз пөвстысь, очеркьяс пыр мортсө нимөдам страна пасьта.

Сёрнисө геологьяс вылө вуджөдөмыс нөшта на өзтіс Лераөс да сйө топөдчөмөн нин пуксис Виктор дінө. А Колька чеччис улөс выв-сыс, ыстысис дежурство вылас, пасьтасис да петіс жырсьыс. Кывліс сөмын өта-мөд бөрся куим өдзөслөн клопнитөмыс.

Керкаө кольччысыс костын здук кежлө варовитөмыс лөньліс. Лера-лы, тыдалө, эз ло лөсьыд Колькалөн тадзи, быттьө обидитчөмөн, му-нөмыс, а Серов эз пыр куж вежөртны, мый өні сылы колө вөчнысө, Колька бөрся жө вөтчыны либө кольччыны Лера дінө. Од өтитор — дзодзөг моз кө гөгьялан ныв водзын, сэк, кор эм орччөн коймөд, тшөтш и сы водзын позьө ошйысьыштны, петкөдлыны асьтө, а мөд делө, ко-лян кө, мед и нывбабакөд, но сөмын кыкөн, син на син. Кыдзи өд на нөшта петкөдлас асьсө керкаса көзьякаыс. Но Лера Колька мунөм бө-рын немтор эз шу. Виктор кысхталіс коляс винасө кык пельө. Юисны. Серов кутіс лыддыны Игорь Северянинлысь кывбурьяс, а Лера, быт-тьө рытбыд кыкөн сөмын и пукалісны, сюся кывзис.

Серов тайөс аслыс колана ног гөгөрвоис: Лера, дерт, оз лыдды сйөс енмөн, но пуктө пыдди: өд локтөма ылі паськыд му вылысь неки-мын сюре километр сайысь уна төдысь цивилизованной морт.

Сйө дугдө лыддыны кывбурьяс, топөдчис Лера дінө да вынсө лэ-дзыштөмөн өти кинас топөдіс том нывбабаөс морөс бердас, а мөднас кутіс малавны сылысь пидзөсьяссө, лядьвейяссө. Лера вөрзөдчывтөг да зонлөн киясысь мынтөдчыны көсйытөг паськалыштөм синьясөн ку-тіс видзөдны сы вылө, быттьө виччысис, мый жө водзө лөб.

Серов небыда босьтіс том нывбабаөс кияс вылас, топөдіс морөс бердас кагаөс моз да вуджөдіс орччөн сулалысь диван вылө. Сэні сйө кутш моз сывйыштіс Лераөс кыкнан кинас да кутіс оковны и оковны вом дорьяссө, сьылісө, синьяссө. Лера кызкө быттьө дышпырысь, но, төдчис, вочавидзис жө вом дорас окалөм вылө, а кор окыштісны сьы-ліас, юрөс сылань жө копыртліс, мед окыштөмыс имитасджык.

Виктор удитіс нин ки пөвнас нывбабалы питшөгас пыравны, ма-лыштавны тупылыс кодь нөньяссө, чукравны юбкасө да, быттьө төд-лытөг, кутіс разявны ковта морөссьыс кизьяссө. Лампочка югорысь стен вылө усины кык вуджөр. Отыс нюдз, тэрыб вөраса — зонлөн, а мөдыс нөбжмыд, сетчыс — Лералөн.

Серовлөн бөрья здукьясас юрас чужис мөвп: «Колө кусөдны бисө, бисө колө кусөдны», — но сэк жө и поліс көть недыр кежлө лэдзыны сывсыс Лераөс, мед оз көдзав винаөн, окалөмөн да пөсь киясөн шон-төм нин том нывбаба. Од воштас кө здук, коді төдас, мый на вермас лоны? А бөр кө скөрысь тшөктас өзтыны бисө? Сэки Виктор өд ворс-яс...

Кор Лера коліс нин пөшти пасьтөм, вынтөг нин куйліс диван вы-лас да виччысис нин, мый лоны лоанасө, Серов шыбитіс пинджаксө улөс вылө, трайкөмөн моз кутіс нетшкыны-разявны асьсыс дөрөм кизь-

яссө, сылөн синъясыс төдлытөг паныдасисны стенин өшалысь портрет-вывса синъяскөд. Сийө аддзис тошка мортлысь, Лералөн верөсыслысь паськыда нюмъялысь чужөмсө, да киясыс кызкө асьныс усины морөс вывсьыс. Виктор өдийө видзөдліс куйлысь Лера вылө, а сөсся бара портрет вылас. Тайө вөлі тырмымөн, медым том нывбаба паляліс ышмылөмсыс.

— Мун...— сөмын и шуыштіс Лера, бсргөдчис стенланьыс чужөмөн да өдийө мөдіс чөвтавны вылас ставсө, мый пөрччыліс сы вылысь Серов.

Виктор, быттө ордийсыөны, өдийө кутіс кизясыны, пасьталіс пинджаксө, пасьсө, да сідз жө, кызди и Колька, кыв шутөг петіс керкасыс, ас бөрсяыс куим өдзөс клопнитөмөн.

Ывлаын дурис тундраса турөб. Сөмын на зон лөччис кильчө вывсьыс, а синъясыс да пельясыс тырисны нин лымйөн. Лымйыс пырис питшөгас, личыда көрталөм шарф коластыс воис гожгөгөрөдзис, быттө киссис паськыдов гөленя көмас. Серов нинөм кывтөг-аддзытөг вөчис воськов кызь да воши лым гудырас. Сийө, дерт, өн турөбьяс йылысь лыддыліс и аддзыліс, но татшөм адас веськаліс медводдзаыс на. Видзөдліс бөрвыв — Лера жырийн эськө биыс эз нин тыдав, көть татшөм регыдөн, пызан вывсө идравтөг, сийө, дерт, эз вод, но весиг и керкаыс эз тыдав. Некөн эз тыдав некутшөм керка ни би югөр.

Серов видіс асьсө йөйталөмысь. Төдіс кө, кодарланьын өдзөсыс Лералөн, сийө эськө көть бауөн, а кыссис сэтчөдз, корис том нывбабалысь прөща, лөньөдіс сийөс, ачыс лөнис да асылөдзис узис шоньд керкаын, мед нин көть джоджас. Но воштіс со туй визьсө. Весиг кок туйясыс молясьөмаөсь, джуджыд тола увсьыс оз сюр кокъяс улас и туй южыс.

Серов гөгөрвоис: татшөм поводдя дырийыс өні сылы мунны дзик некытчө оз позь, тыртас лымйөн, сгинитас да шойсө сөмын тулыснас аддзасны, кежяс кө ылөджык бокө.

«Тундра километрьясөн оз муртавны»,— воис юрас сейсмографьяслөн партиясыс начальниклөн кывъясыс, кор журналист юаліс, ылынө Ошкотосьян Хорейнюрөдз.

Виктор пыдөджык суйис юрсө пась воротник пытшкас, бергөдчис төв нылыд да сідзи и куткыртчис лым вылас. Сийө өні завидьтіс асывнас аддзылөм понъяслы, кодъяс куйлөны асланыс пөв чомъясын көлачө крукыльтчөмөн, нырнысө шоньд гөн пиас дзөбөмөн да вөталөны асьыныс пон вөтсө. Өні эськө немтор эз жалит, веськаліс кө татшөм пон гостиницаас. Өд кадяс куритчандырысь унджык эз на и коль, а лысьөмыс со дубавны нин кутіс. Дзикөдз кымыны полөмыс уджөдіс юр вемсө, көть велавтөм мортыд немтор вөчны оз вермы. «Тундраын медся ыджыд неминуचाыс — сибдан кө шорө,— казтыштис вездеходса механик-водительлөн висьталөмыс.— Водзад быттө шылыд лым, а бузнитчан ваө. Лым улас йиыс тундра шорьясын абу. Сылөма».

«Оз тай со шор ков, лымйыс пыдөстөм жө,— скөраліс кельылөз кыньяса му вылө Виктор.— И коді менө татшөм адас мөдөдіс? Редактор? Эз... Ачым вөйяыс, экзотика ковмис... Тьпу! Но, сгинита, а мый кольө? Менам очеркьяс? Колөны найө кодлыкө... Меысьсө мый кольө? А Колькаыс, а Лераыс коркө мый кольө? Но, йөздасны некролог, а вежон мысти и нимтө вунөдасны... А төдласны кө, мый посөлок шөрын кынми? Йөз серам өд, оз на и эскыны либө зөв пө код вөлі, тыдалө, шуасны...»

Мөвпавсис Викторлы ставыс мыйлакө кольөм кадын нин, көть юр вежөрыс и бура на уджаліс, көть лымнас мышсяныыс тыртіс да төкөтьө шоньдджык лои. Но өд асылөдзис, тундраса войыд вывті кузьда, быт турдас.

«Өні менө татысян, көть горза, некод оз кыв, оз аддзы ни, а асывнас и аддзасны... Кынмөм мортөс мойдын сөмын ловзьөдөны...»

Виктор вөтын моз кыліс, кызди кодкө вөрзьөдыштіс сийөс пельпомөдыс, кутіс чуксавны, а сөсся и лөптис, сувтөдіс кынмөм вөснаыс куснясьтөм, кывзысьтөм кокъяс вылас. Сы вылысь пыркөдыштісны лымсө

да небыд шоньд кепысьон кутісны ниртны бан бокъяссө, кымөссө, чу-  
жөмсө. Виктор садьмис, восьтіс синъяссө да аддзис Колькаос. Колька  
көшөляліс сійөс да дыр кытчөкө кыскис. Шоньд жырйө воом бөрын  
Виктор пөшти пыр жө бөр унмовсис да узис асылөдзыс.

— Но, садьмин, тундраса байдөг?— радлунсө дзебтөг вашьяліс  
Колька.— Дыркодь ковмис водкаөн ниртны, кытчөдз яйыд эз шонав.  
Бур, мый коркө гажә юрөн кольсьылөма өти сулея дзевасө, а войнас  
нө эськө кытысь корсян? Коляссө, гашкө, юыштан?

— Талун син водзө оз ков,— пыркнитіс юрнас Виктор.

— Но, сідзкө, ме юышта выльысь чужан лун кузяыд,— нюмъяліс  
Колька.

— Кор нө эськө самолётыс лөб?— юаліс Серов.— Мичаммөма со...

— А мыйла тэныд сійө колб? Тэ өд...

— Муна...

— Но, сідзкө, регыд... Пөсь чай со юышт, и воас...

Чай юыштөм бөрын Виктор Серов сюяліс портфеляс блокнотьяссө,  
ки чышкөдсө, электробритвасө и дась нин лоис петны туйө.


АН-2 самолётын, коді лэбис Нарьян-Марөдз сөмын, вөлісны куим  
пассажир. Хорейнюрө йөзыс волывлісны гежөда, этшаөн да этшаөн жө  
и бөрсө мунльвлісны, самолётыс пөшти тыртөг лэбаліс.

Сынөдө качөдчөм бөрын Виктор видзөдліс самолёт өшиньөд ув-  
лань, но помтөм-дортөм лымъя эрд кындзи немтор эз тыдав.

«Тундра»,— сөмын аслыс кывмөн шуис Виктор Серов да нөрөвтчис  
пүклөс вылас.

*Комиөдіс А. Одинцов.*





Скөр КӨСЬТА

## Шонді бөрся

### Төв

Асывводзнас юрсө мыччас шонді,  
Мед көть кыммөм мусө шонтны пондіс.  
Да өд полө кыммалөмысь ачыс:  
Зэв тай өдийө вошө-дзесбсьө енэж мачыс.

Мед жө шонді рөдтөмөн и рөдтө,  
Удитас на челядьулов пөттөдз  
Исласьнытө лызьөн либө даддьөн:  
Кызди сөмын коньөр горулыс оз гадлясь?!

...Төлыс пөчлы бушковьяс куш вайө,  
Дай бать-мамлы дөзмытөдзис найө.  
Челядь радлө бушковлы и лымлы:  
Купайтчыны кө тай позис — эз көть сывлы!

### Тулыс

Сыланкыв паніс томиник тулыс,  
Збоймыштөм шонді чошкөдіс пель.  
Тэрмасьысь шорьясөн ропмуні туйыс.  
Лысьтіс кыт воськовтны мелі апрель.

Лунысь-лун гора тулыслөн сылан.  
Гораджык бөрдө вынтөммөм төв.  
Кытчө и вошөма эбөсыс сылөн?  
Войтваөн визувтіс — бытьтө эз вөв.

Кылө нин, кылө быд шыын гожөм —  
Челядьлөн вөгьясын гөститлысь кад.  
Сөдз синва чышкалө веж тошка пожөм:  
Төв понда шөгсьө, и шоныдлы рад.

### Гожөм

Мазыс дзоридзлы шөпкөдө: гож-ж-жөм!  
Бытьтөкө дзоридз оз төд,  
Ачыс со чужөмсө вежон нин пөжө,  
Сотчөмысь оз тай пов рөд.

Зонпосни ва дорын лунтырөн жөдзө,  
Гильзьёмыс — енежув тыр.  
Оз повны кульпиян номйысь ни лөддзысь,  
Пемдытөдз уличын пыр.

Челядьлы гажысла вашъялө шонді,  
Уджавны шойччитөг дась.  
Төдө өд: арыс мый жарлунсө кондас,  
Ковмас мый ар бөрад пась.

## Ар

Пипу коръяссө кыаын мыськаліс,  
Арся кыаыс пув ваысь гөрд.  
Кыз пу ас гөгөр зарниөн киськаліс,  
Гожся шонділы вештысь бөр.

Юыс челядьлөн гильзьёмысь мездысис,  
Шойччас, кытчөдз тан йиыс оз сувт.  
Челядь серамыс ягъясө поздысис:  
Тшакыд — вөр тырыс! Воёма пув.

Лун-лун дженьдаммө шонділөн ордымыс,  
Лун-лун содө тай Вой пөльлөн вын.  
Регыд дзикөдз нин көдзыдыс бордьяммас,  
Сылөн кабырысь дыр зэв он мын...

## Эн вай быдмы, пианөй

*(Вероника Долина серти)*

Тэ эн быдмы, пианөй, Ен мед видзас.  
Удитан на талявны чорыд идзас.  
...Жугалис пө чачаөй, бөрдан нора,  
Шогтө мамыд пальөдас морөс дорас.

Дыр-ө тэнө лелькуйтны, пиуканөй?  
Быдман — сэки бөрдас на тэнад мамыд...  
Оз и удит вошлысьны чөскыд унмөн,  
Здукөн лоан, пиукөй, верстыө зонмөн.

Порог вомөн воськовтан мича нылөн...  
Кыззи-й бөрас казтыштчас, кутшөм кылөн?  
...Ставсө тайөс төда ме, оз ков нөдны.  
Енмөн кевма: пианөй, эн вай быдмы.



# Эз прөстит

## ВИСЬТ

Ме суйи пукалан места улö ассым чемоданöс, тупки сийöс пасыкыд да кузь вевтнас да кокньöдчöмөн лолышти. Поездöдз воöдчöмыс, мыйöн мем вöли колö мунны Москваöдз, а сесся нöшта водзö, шоньд лунвылöдз, эз вöв кокньыд. Некымын час ковмис мунны татчöдз, Железнодорожной посёлокöдз, автобусөн. Йöзсы сэнн вöли зэв уна, ёна тракöдiс уналатi жугалöм туй кузя мунигөн. А кор вои посёлокöдз, öдва удайтчис судзöдны поездö билетсö. Сэкса кадö Сыктывкарöдз көрт туйыс эз на вöв. Республика сайö мунысыяслы колö вöли мунны матö сё ветымын километр автобусөн либö таксиөн көрт туй станцияöдз, поездöдз. Дерт, верми петны туйö и пароходөн. Но сэки эськö ковмис кык лун кывтны Котласöдз. Көнi пуксыны бара жö поездö, кодi мунiс нин вёськыда Москваö. Но тайö вöли ньöжмьд туй. А ме көсья вöли регыд-джик вёськавны Чёрнöй море дорö, Туапсеö: шойччан керкаö, кытчö сетiсны путёвка.

Тайö вöли апрель помын, войнабöрса медводдза воясысь öтиын.

...Вагон öшинь пыр тыдалiсны на лымайөн тырöм стрöйбаяс, а ме көсьи, кыдзи и воддза воясö, нюжöдны ассым гождöм, пöтмөн чöсмасыны Туапсеса базар вылысь ньббöм лунывь вотöсөн, купайтчыны петшöрөн моз сотысь дас вит градуса Чёрнöй морейн, прамöя гождöдчыны да, дерт жö, солтыны кило-мöд вылö ассым сьöктаöс. Войнабöрса медводдза воясö быд шойччысь либö бурдöдчысь, кодi мунiс кытчöкö путёвкабн, лыддис асьö бура шойччöмаөн сöмын сэки, кор тöдчымөн солтылiс ассыс сьöктасö — сiдзкö, ёнмис да лои збодержыкөн. Тадзи мөвпалi и ме война кадся тшыгъялана вояс бöрын. Öд сьöктаыс менам сэки вöли, öнiя научнöй нормаясөн индöм сретнi, пуд джын вылö ичöт-джык.

Поезд вöрзис. Неуна шойччыштöм бöрын ме прамöйджыка видзöдлi гөгöрбок. Кодьяс, мися, мекöд мунöны? Орччөн да воча пукалiсны нывбабаяс, а öшинь водзас ар кызь вита том морт. Заводитi сёрни, кутшöмöс панлывлöны ас костаныс поездөн ветлысь-мунысыяс. Нывбабаяс окотапырьсё висьталiсны, мый мунöны войвыс карьясысь сiдзжö шойччыны, сiдзжö көсьöны нюжöдны гождöмсö, көть и отпускыс налөн вель ыджыд — куйм вося уджалöмысь пö сетiсны шойччыны во джын да вермасны не мунны кодзыд войвылö тöлöдз. Нывбабаяскöд сёрнитгмоз пыр видзöддывлi ме и том морт вылö, мыйсюрö öтчыд-мöдысь юалi сылысь. Но том морт явö эз көсьи сёрнитны. Менам юалöмьяс вылö дженьыда и вочавидзлiс: «абу», «ог тöд», «эг вöв».

Корсюрö ме петалi куритчыны вагон помас, тамбурö. Öтчыд сэтчö петигөн корн петавны и жугыль том мортöс. Сийö докнитiс юрнас — петала пö. Куритчигмоз ме висьталi неуна ас йылысь, кытысянь вои да кытчö муна. Висьталi öти серамбана ичöтик висьт. Том морт неуна быттö ловзьыштiс да лои варовджыкөн. Висьтасис Васяөн.

Куритчыны быд петалöм бöрын сёрни мян костын лои, позьö кө сiдзи шуны, гажаджыкөн. Сьöлöм вылас мыйöккö ме вои, тыдалö, Васялы. Öтчыд висьтасис сийö и аслас олöм-вылöм йылысь.

— Со муна... — и Вася висьталiс мян войвывса карьяс пиысь öтилысь ним. — Муна ёрт дорö, служитим öтлаын Германияын. Сэнн ёртасим. Кор кутiсны мөдöдны мянöс ставнымöс гортö, корис ас ордас. Көтэ дзикöдз пö лок, шубö. Удж пö сюрас. Да и невестатö пö корсям, ковмас кө. Со и муна сы дорö. Дерт, ог невеста вöсна. Вöли менам гө-тыр да видзны сийöс, тыдалö, эг кууж.

— Мый нö лои? — юалi ме.

## Александр Константинович ЛАРЕВ



А. К. Ларев чужліс 1930 вося январь 7 лунö Усть-Вымскöй районас От сиктын. Уджысь орöдчывтöг помавліс шöр школа. 1957 воын Ленинградса театральной институт помалöм бöрын куим во артисталис Коми драмтеатрын. Сылön медводдза пьесаыс — «Льöм пу дорын аддзысьлöмъяс» — паськыда муніс мян республикаын, Москваын, странаса мукöд карьясын. Ставсö гижöма дас öти пьеса. На лыдын: «Пиян», «Гöтрасян кад», «Гажтöм вальс», «Аддзы ассьыд кодзувтö», радио да телевизионной пьесаяс. А. К. Ларев пöшти 30 во чöж уджаліс радиоын да телевидениеын, öні — пенсия вылын.



## Александр Михайлович ЛУЖИКОВ



Чужис 1964 вося март 19 лунö. Помалис Москва М. Горький нима Литературной институт. Уджалис коми радиоын, а öнi — «Би кинь» журналса главной редактор. Кывбурьясыс йöздсьывлисны «Литературной газетын», «Литературной Россияын», «Север» журналын. Коми книжной издательствоын петис кык небöг — «Ме тэнö радейта» да «Енэжшöрса ордым».



— Да кузя висьтавны ковмас. Сэсся, колөкө, бокөвөй мортлы тайо и нинөмла. Но инө. Гашкө, аслым сьблөм вылын кокниджык лоо висьталөм ббрас.

...Армияын служитөм бөрын локти чужан карө,— заводитис висьтасьбөмсө Василий да нимтис меным бура төдса войвывса кар. Война дыр-йи тайо карыс Ленинградө да странаса уна мукөд местасясө мөдөдис уна из шом, лои нималанабн став страна пасьта. Вөліны сэни эз сөмын из шом перьян предприятияяс. Вөчисны и машинаяс, дзоньталісны техника. И том йөзөс велөдісны ФЗО-ясын. Пыри ме заводө токарөн,— висьталіс водзө Василий,— көні уджалі армияө ветлытөдз ФЗО школа помалөм бөрын. Бать-мам эз вөвны: кулісны война кадө. Олі ме общежитиесы. Смена уджала и — өдйөджык гортө, общежитиеө. Мый колө, ставыс общежитиесын вөлі: гөрд пельөс, миллиардөн ворсан зал. Коді көйсис, и шахматөн вермис ворсны. Мукөдыс удж бөрын танцы вылө заводса клубө шыбелитчөны, кино вылө котөртөны, а ме — некытчө ог мун. Та вылө вөліны помкаяс. Төдмасы ме призывайтчытөдз нывкакөд, Катяөн сійөс шуисны. Мича, статя, сёрниа. Кино вылө корсюрө ветлывлім. Медводдзаясь ськөд окаси. Армияө мунігөн көсйысис виччысьны, гижны письмөяс, некод вылө пө ог кут видзөдны,— шуис сійө колльөдігас,— радейта пө тэнө өна.

Воддзаджык кадсө и збыль салдагьяслы письмөяс жырйын быд вежон вөлі Катясянь меным письмө. Но төлысь-мөд мысти юөрьяс кутісны воны пыр шочджыка и шочджыка. Во джын мысти сэсся дзыкөдз дугдісны. А во мысти менам өртьяс юөртісны, мый Катя верөс сайө муніс. Кутшөмкө начальник сайө пө. Татшөм юөр бөрас быттьө менам юрө нөшкөн кучкисны. Некодөс вөлі аддзыны ог көсйы. И кор армия-ысь ас карө локтөм бөрын өртьяс зілісны төдмөдны менө кутшөмкө нывкакөд, ме весиг кывзыны та йылысь эг вермы.

Коркө өтчид паныдаси Катякөд. Аддзис менө да чужөм вылас вежсис. Висьталіс, мый олөмыс сьлөн эз артмы, торйөдчис верөсыскөд, а тэнө пө важ моз өна радейта да муна көть пө кытчө. Ме эг эскы, эг вермы вунөдны лоөмторсө, көть Катя и эскөдіс: вөвлөм верөсөй пө пөрйөдліс менө — ылөдліс аслас мелі кывьяснас да мича паськөмьяснас. Сьбөмсө сы вылө эз жалит.

Кор ме татшөм сёрни вылас эг сетчы, скөрпырысь шуис: «Оз артмы и тэнад олөмыд некодкөд! Ме ог сет овнытө». Ме сөмын шпыньмуні, пыдди эг пукты сылысь кывьяссө. А колөма.

Өтчид менам бур өртөй, Николай, нуөдіс кино вылө. Кор ми матыстчим кинотеатр дорө, сэни миянөс виччысисны кык ныв. Николай накөд водзыв сёрнитчөма, кызди сійө висьталіс бөрынджык. Өти йывсьыс, Зина йылысь, Николай шпыннөлөмөн шуис: «Тайө менам сьбөлөмшөр». Мөд нылыс, лөз синьяса, гөгрөс чужөма, шуис: «А менө Надяөн шубны».

Ме висьталі ассьым нимөс.

Ми пырим кинотеатрө сеанс заводитчытөдз өна водзджык. Неуна сёрнитыштім. Мый йылысь? Дерт, медводз поводдя йылысь, книгаяс йылысь, коді кутшөмө: лыддис. Сералыштім. Көд төдас, кутшөм помка вөсна, серавсис и помкатөг. И сьблөм вылын вөлі долыд!

Кино помассьбөм бөрын Николай шуис: «Вайө кар кузя ветлөдлыштамөй, медкузь уличаяс кузя. Одвакө кодкө коркө мян пиысь тадзи ветлывліс. Пыр удж вылө тэрмасям, пыр некор тадзи тэрмасьтөг кар вылас видзөдлыны».

Кор колим Надякөд кыкөн, менам став кывьяс кытчөкө быттьө вошисны. Чөв олі. Дум вылө усис и сьбөлөмын дой, кодөс меным вөчис Катя. Сёрни заводитис Надя:

— Көсьян, ме висьтала ас йылысь?— шуис сійө да содтіс:— Дерт, көсьян кө мыйкө ме йылысь төдмавны.

Тайө кывьяс бөрас меным лои кызкө зэв кокныд да долыд.

— Дерт, көсья!

Надя висьтасис, мый важөм воштис бать-мамсө. «Кызди и ме»,— мөвпышті. Помалі пө ФЗО школа, уджала вурсьысьбөн горпромкомби-

натын. Удж кажитчѳ, кѳть и ѳна мудзлывліс смена помын. Рытъяссѳ коллялѳ ѳтлаын олысь тѳѳтыскѳд. Тѳѳтыслѳн аслас пу керка кар помас. Кыдзи кадсѳ коллялѳ? Кыѳ мыйсюрѳ, лыддысьсѳ. Киноѳ ветлѳ шоча — ылын кар шѳрѳдзыс ветлыны. Со сѳмын талун пѳдругаыс ышѳдіс кино вылѳ. И оз каитчы, мый ветліс. «Веселые ребята» кинотѳ позѳѳ кѳть дасысь дорыв видзѳдны.

Ме колльѳді Надяѳс гортѳдзыс да сѳрнитчи выльысь аддзысьлѳм йылысь: мыйѳнкѳ меным Надя сѳлѳм вылѳ воис.

Мѳдысь ми Надякѳд бара ветлім кино вылѳ. Сѳки сѳмын кыкѳн. Сѳсся аддзысьлыны кутім пыр тшѳкыджыка. Ми кутім ветлыны тшѳтш и танцы вылѳ. ѳтчыд весиг театрѳ нубдлі. Сѳки Надя мичаа пасгасис. Сы ылын вѳлі турунвиж рѳма ковта, сѳѳд юбка, кокъясас — джуджыд бѳра туфли. Шуны кѳ веськыда, Надя вѳлі акань кодь мича да шань. Висьталіс, мый ковтасѳ да юбкасѳ вурис мамыслѳн важ паськѳмъясысь ачыс, туфлисѳ ковмис удждыны пѳдругаыслысь.

Корсюрѳ ме виччыси удж вывсьыс Надялысь петѳмсѳ. Ылісянь на аддза да тѳда сійѳс уна нывбаба костысь, кодъяс чукѳрѳн петѳны горпромкомбинатысь. Ог сѳмын лѳз берет да арын новлан турунвиж пальто серти, кодѳс Надя вурѳма сідзжѳ ачыс мамыслѳн новлѳм нин пальтоысь. Мый йылысь сѳмын ми эгѳ сѳрнитѳй Надякѳд гортас мунигмоз. И удж ылын вильторъяс йылысь, и локтан шойччан лунѳ лоан поводдя йылысь, и лыддѳм книга йылысь. Унатор йылысь вермасны сѳрнитны ас костаныс том йѳз, кор налы долыд сѳлѳм вылас.

Надя меным кутіс лоны пыр мусаджыкѳн да мусаджыкѳн. Аслас восьса морттуйнас, веськыдлуннас. Татшѳмъяс йывсьыс шуѳны: сылѳн сѳлѳмыс дзик восьса.

Воис лун, и кори ме Надяѳс петны ме сайѳ верѳс сайѳ. Кыдзи и вѳчѳны бур йѳзыс, ворсім свадьба. Надя тѳѳт ордын, кѳть и зѳв нин важ, но кыпыд на да ыджыд керкаын. Локтісны сѳтчѳ менам куним ѳрт, Надялѳн кык пѳдруга. И пызан эз вѳв куш. Вѳлі укрупѳн пуѳм зѳв чѳс-кыд картупель, тшыналѳм чери, жаритѳм порсь яй — сідз шусяна американскѳй тушѳнка, кодѳс шулісны второй фронтѳн война дырйи. Дыр на вузалісны тушѳнкасѳ. Со и миянлы вичмис. Вѳліны пызан ылын и блинъяс. А бѳрыннас юим какао. Кодсюрѳ — нѳмнас медводдзаысь. Заграница сайысь вайѳмтор. Менам ѳрт Николай козьналіс сѳки квайт алюминивѳй румка. Ачыс станок ылын найѳс и тѳчитѳма. Пуктіс пызан вылѳ квайтнан румкасѳ да гѳгѳр быттѳѳ югыдджык лои. Сѳтшѳма дзирдалісны румкаыс.

— Нѳм чѳж винатѳ позяс гозъялы да гѳстыяслы юыштавны, — шмонитыштіс Николай. — Оз жугавны, майбыр.

— Нѳм чѳж бура и овны кутам ми Надякѳд, — вывті ыджыдѳн кажитчис козиныс меным да кѳсийси Николайлы став свадьбуйтысьяс водзын.

Заводса дирекция да профком сетісны миянлы Надякѳд общежитиеысь торъя комната. И кутім ми Надякѳд, кыдз шуѳны, овны-вывны да эмбур најѳвитны. Некор оз вун, кыдзи нѳби ме базар вылысь Надялы руч ку воротника тѳвся пальто да лакируйтѳм туфли. И сѳтшѳм ѳд стѳча лѳсяліс сійѳ Надялѳн ичѳтик кокѳ. 1800 шайт, мый ме видзи нѳѳбасѳѳм вылѳ, уси бать-мамлѳн кольѳм облигация вылѳ. Надя мѳрайтны кѳмавліс меѳн вайѳмторъяссѳ, кутіс ме гѳгѳр бергавны да йѳктыны. Некор на сылы абу удайтчылѳма новлыны татшѳм донаторъяссѳ. Вывті ыджыд радлунысла и йѳктіс. Ме радлі Надякѳд тшѳтш. ѳд сылѳн радлуныс — и менам радлун.

Сѳсся диван нѳѳбим. Дерт, эз нин выль сійѳ вѳв, да и кысь война бѳрын выльсѳ босьтан? Сѳсся пасьтавны Надялы мыйсюрѳ нѳѳбим. ѳд локтіс общежитиеѳ Надя ичѳтик нопйѳн. Сѳні и вѳлі сылѳн став эмбурис.

И Надя менам тѳждлун вылѳ мынтысис ме дорѳ мелілунѳн, сѳян-юан чѳскыда лѳсьѳдѳмѳн. Кор капустаысь пуѳм кѳр яа шыдѳн чѳсмѳд-лас (код тѳдас, кытысь капустасѳ нѳѳбас), кор жаритѳм яйысь мыйкѳ

чөскыда лөсьодас. А яйыс сэки ёнасө эз жө вөв весиг базар вылын. «Кыськө өд со судзөдөма», — мөвпыштла вөлі.

И сьөлөмъяснымөн өта-мөд дорө ми лоим матынөсьджык. Откодя-ліс миянөс дыр кад батьтөг-мамтөг, уна сьөкыдлуна олөм.

Рытьяснас некытчө петавтөг пукалім гортын. Ме радиотехникаөн нокси: ичөтсынь сійө делөыс кыкис, а Надя лыддысис, кысис либө дасьтис сёян-юан.

Но регыд миян кост муслунлы воис пом.

Куті казавны: Надя быттьө лои шог руа, кутіс воыны гортө сөрөнджык.

— Настя тьöt висьмис, — шуис сійө медводдзаысьсө. — Ветлі сы ордө идрасыны да сёян лөсьөдны.

Мөдысь сөрмөдчөмлы помкаөн лои тьöt ордас пясласьөм, коймөдысь — джодж мыськалөм.

Ме и вөйдөр казавлі Надялысь йөз йылысь төждлунсө, а тьöt йывсьыс и сөрнитны нинөм. Сійөс Надя радейтис мамсө моз, да Надялысь удж вывсьыс сөрмөдчөмьяссө пыдди эг пукты.

Отчыд удж вылысь локтігөн письмөяс пуктан кудйын, коді өшаліс вахтөр мыш сайын, аддзи письмө, кодөс кодкө мөдөдөма меным. Сэні вөлі гижөма «сөмын меным». Тайө менө неуна чуймөдіс. Некод на эз гижлы татшөм письмөяссө. Нөшта ёнджыка чуйми, кор восьті конвертсө. Ичөтик бумага лист вылын вөлі гижөма — өнөдз кывйысь кывйө верма висьтавны:

«Пыдди пуктана пөрьялөм верөс! Көсьян кө төдмавны, кодөс тэ местаө корсюрө вежлывлө муса Надяыд, лок июль 22-өд луно сизим час рытын карса парк пыранінө. Тэныд став бурсө сыысь». Лыдди ме письмөсө: ме вылө быттьө пөсь ва койыштисны. Со вөлөм кызди отсасьө тьötыслы рытьяснас Надяйө! А ме эска сылы, кызди аслым. Письмөын вөлі индөма лунсө, кор меным колө мунны парк өдзөс дінас. И кадыс тырмис на, медым котөрөн вөдчыны паркөдз. И ме котөрті. Эг котөрт, а позьө шуны, лэби. Эг на көсйы эскыны кырымавтөм письмөыслы, но збыльтор и вөлөма. Аддзи гөтырөс. Сійө ветлөдліс кутшөмкө мужичөйкөд. Кор ме матыстчи Надя дорө, сійө неуна вешйис бокө, быттьө найө абу и төдсаёты.

— Ок тэ! — горөді ме, кор матыстчи Надя дорө да швачки сылы веськыд киөн бан бокас.

Надя видзөдліс ме вылө паськалөм синьяснас и кыв шутөг уськөдчис котөртны улича кузя. Неуна кайышти сы бөрся да сувті. Мыйла сүднысө? И сідзи ставыс гөгөрвоана.

Общежитиеө Надя узыны эз лок. Эз мычысьылы и мөд да коймөд луннас. Ме эг төд, кытчө ачимөс воштыны. Гашкө, Надя нинөмөн абу и мыжа? Өд видзөдласас эз вөв некутшөм полөмлун, сійө кө вөлі мыжа, тадзи видзөднысө эськө эз вермы. Өд вөйдөр весиг ичөтик нелючкиысь вежсьывліс Надялөн чужөмыс. И радлун, и шог — Надялөн чужөмыс зэв стөча петкөдліс. А ми сэсся өтлаын радлім-шогалім.

Некымын лун мысти ме муні Надялөн Анастасия Ильинична тьöt дорө (либө Иллинишна — кызди ме сійөс шуи). Өдзөссө восьтөм бөрын сійө коскас кутчысьөмөн пырис жырьяс да пырысь-пыр и водіс крөватяс.

— Тэ, Василей, эн менө дивит. Өдва ветлөдла жырйөдыс, ывлаө важөн нин эг петав. Коскө кучкис да веськөдчыны прамбя ог вермы. Не кө Надяйө, матө вои эськө. А сійө өд и сёянтө лөсьодас, и идрасыспясася.

Ме гөгөрвои, мый Надя эз пөрьясь, кор висьталіс, мый ветліс тьötыслы отсасыны.

Чөв олыштөм бөрын Иллинишна юаліс:

— Мый нө тиян костын лои? Сэтшөм бура олід да друг косясьыны заводитін. Надяөс нэмнас некод весиг чуьнас эз вөрзөдлы, а тэ пель бокас швачөдан.

— Да өд йөз мужичөйкөд аддзысьлө.

— Йөй тэ, Василей. Надя висьталіс, мый муніс парк дорас, медым

сёрнитчыны тэныд пальто ньоббём йылысь. Фуфайканад пыр он ветлы. Ачюд тóдан, магазинсьыд öнi нинöм он ньоб. Важөн-ö войнаыс помасис.

— А кызди веськаліс стадион дорас?— юалі ме.

— Кутшöмкö ылыс тóдса, Катяөн шуöны, сэтчö нуöдöма. Висьталöма, мый öти бур морт пö вузалö пальто. Аслыс выльöс ньоббöма да вузавны кöсйö донтöг. Со и ышмис Надя да муніс стадион дорас Катяыскöд. Катя тöдмöдöма Надясö вузасысьыскöд да ачыс котöрөн кытчöкö мунöма: тэрмасы пö ёна. Со и кольöмаöсь найö кыкөн — Надя да мужичöйыс. Збыль, вöлöмкö, мортыс пальтосö вузалö. Öдва удитöмаöсь сёрнитчыны, сйö здукас и тэ воöмыд.

А мый лои водзö, висьталі нин. А пальтосö Надя кöсйöма, кызди висьталіс Иллинишна, козьнавны меным нимлун кежлö. Мый кöсйö ньоббны меным пальтосö, промкомбинатас ставөн, вöлöмкö, тöдöны.

Бöрынджык ме тöдмалі, мый Надялөн «тöдсаыс» вöлöма менам важ пöдруга Катя. Сйö тöдмасыöма Надякöд, медым суйсыны мяня олöмö, а удайтчас кö, торкны сйöс. Кор Катя тöдмаліс, мый сылы неуна тöдса морт кöсйö вузавны пальто, сылөн чужис план, кызди мяняс Надякöд торйöдны. Медводз Катя юасыöма Надялысь да мужичöйыслысь, кор найö прöстджыкöсь, кутшöм лунö, кутшöм кадö да кöні вермасны аддзысьлыны. Сэсса босьтчöма котыртны тайö аддзысьлöмсö. Кор ставсö кутöма тöдны, гижöма меным письмö. Ме, йöйыд, эски ставыслы, мый письмöас вöлі гижöма. Öд помкаыс сы вылö, быттöккö, и вöлі: дум вылö уси, мый Надя уна лун нин сёрөн воліс гортö, эз вöв варов, быттö лöгаліс.

Век жö ме аддзыси Надякöд. Кызди кужи, каитчи аслам мыжысь, кори, медым прöститас менö.

— Некор сэтшöмторйыс оз ло, чуньөн ог вөрзöд!— сьölöмсянь шуи ме Надялы.

— Öнi нинöм нин он веж. Сы бöрын ме лои быттö мöд мортөн. И муслунöй тэ дорö быттö сылі, кызди тулысын лым. Эн вермы менö гөгөрвоны, кöть олім öтлаын эг этша... Дугдін эскыны меным. А öд ме тэ вöсна лолöс дась вöлі сетны.

— Письмö ставсö торкис,— дорйыси ме.

— Кызди тэ вермин эскыны кутшöмкö гижöдлы? Эскин гижöдлы, а меным эн эскы.

Сёрни, менам пöсь сёрни эз отсав Надякöд бурасыны.

— Ог вермы!..— зумыда шуис Надя.

Нöшта на öтчыдысь ме аддзысьлі гöтыркöд. Сйö кывсö ассыс эз веж. Ме омöльтчи, лёка куті узьны. Тöдсаяс весиг эз кутны менö тöдны — сэтшöма вежси. Некутшöм надея, мый Надя менö прöститас, эз коль. Со ме и мöдöдчи йöз муö. Гашкö, сэні сьölöм дойöй бурдас.

— Эн-ö тэрмасы мунöмнад?— юалі ме да кызд верми зіли неуна кöть збодермöдны Василийöс.— Гашкö, позьö на кызкö небзьöдны Надяыдлысь сьölöмсö?

— Нинöмөн нин ог вермы восьтыны, небзьöдны сылысь сьölöмсö.

Час мысти Василийкöд ми янсöдчим. Сйö чеччис поездысь ыджыд посёлөкбердса станцияын.



## Кык туй

Тэ локтан кӧ, эн мун,  
Тэ мунап кӧ, эн лок.  
Ӧд тӕкӧд вен быд лун,  
А тэтӧг — помся шог.

Он курав киссьӧм ва,  
Он кардъяв чегӧмин:

Мый киссис — киссьӧма,  
Мый чегис — чегис нин.

Оз артмы коймӧд ног,  
И тӧд жӧ, мед оз вун:  
Тэ мунап кӧ — эн лок,  
Но локтан кӧ — эн мун.

## Вын

Кор пыжысь уси арся чизыр ваӧ  
Да шӧйӧвоши, бытӧь кычипи,  
Ме эг и кужлы весиг чайтны таӧдз,  
Мый сэтшӧм крепыд пӧрысь батӧльӧн ки.

Дзик кычипиӧс моз жӧ юрси пратӧьд  
Бӧр лӧптис пыжӧ: «Ноко, шонтысь — сын!»  
...Ме ачым нин сӕк вӧли кыкысь батӧьн,  
И ӧна шензи, вои кор ас садӧь,  
Кыз сӧмын айлӧн кабырысь эг мын.

## Кӧдзыд асыв

Весиг ноддядьд асьядор ваймӧ —  
Кольӧ пӧим да ымралысь шом.  
Кӧть и пессӧ эг этшаник вай ме —  
Сӧмын туплясьӧ кык сӧрапом.

Гегдӧм княстӧ тшыныс оз шонты,  
Выльысь пестыны бипурсӧ сӧр.  
Ок и бура жӧ сотчӧ кос конда,  
Но со бырис тай лӧдсалантор.

## Воштӧмтор

Йӧрапи кӧ чолькнитас — и туас,  
Сэтшӧм тайӧ вӧрса тӧрыб юыс.  
Ӧтилаын пыжыд ӧдва тӧрас,  
Мӧдлаын жӧ лунтыр петан шӧрас.

Парма чурксянь видзӧда и шензя,  
Мый нӧ татчӧ сьӧлӧм кыскӧ менсьым,  
Изъя коськас мый нӧ эськӧ коли,  
Мый нӧ вӧйти сӧм гӧрд ваа ӧляс?

Шензя, шензя и ог гӧгӧрволы,  
Мый морла и та ылнаас вола.  
Да ӧд юыс, вӧрса тӧрыб юыс  
Пыжӧс Эжва вылӧ коркӧ нуис.

## Ёкыша вадса көзяин

Сыктыв берегын гажая трачкөдчис бипур. Сы дорын пукалысь кумим мужичёй окотапырысь панялісны юква. Отыыс, латшкөс тушаа, сёйигмозыс варовитіс:

— Чудеса тиянылы висьтала. Ёкыша вадын мути овмөдчөма. Таво тулыс, кор ваыс сөмын на туйс, кайлі сэтчө кулөмасьны. Мися, лун нель ола. Но вой узьём бөрын ковмис пышйыны. Сё мокасьт, мутиыс войбыд тешитчис. Би дорын пипу кор моз тірзи...

Медтомыс наяна серөктіс:

— Ильич, тешитчан. Көнкө, ёкыш-сирсө пуд-мөд-коймөд солалін да вад дорсыыс мяняөс отвадитан. Эн горшась, быдөнлы тырмас.

Пасья: тайө вөлі во дас сайын. Сэки ты-юын тырмымөн вөлі на чериыс. И вугырөн, и кулөмөн ёна майшасьтөг позис кыйыштны чөскыд юква вылө.

Ольөш тайө сёрнисө, дерт жө, регыдөн вунөдіс. Сылы муртса на комын арөс тыри. Эскас-ө том морт васалы либө мутилы? Арнас, көнкө сентябрь помын, сійө буретш вөраліс. Ольөшлөн вөлі томиник гончөй. Утка кыйигмоз пө том понкөд брөдитышта тыбокса вөръясті. Гашкө, мыйкө и удайтчас.

Збылысь, рытладорыс, кор вөралысь мөвпыштіс нин сетчыны гортланьыс, Альма лэптис едждөдны заводитөм көчөс. Кузь пель вөчис кытш бөрас кытш. Но быд пөрийө кытшовтіс выль местаті: то сійө мунас медсук козьянті, то пыралас тыбокса эжөрө... Ольөш нинөм вөчны эз вермы. Лэптөм бөрас том морт көчсө синнас ни отчыдысь эз аддзыв. Час гөгөр нин понлөн мыла гөлөсыс гажөдіс Ёкыша вадорса вөр-васө. А сэсся друг ори. Ольөш виччысьыштіс. Вель дыр куритчөм бөрын шутөвтис, некымынысь горөдіс. Пон эз лок.

Арся луныд абу кузь. Одьё, син лапнитігкості рөмдө. Заводитіс войтасыны. Дугдөм пыдди зэр отарө ёнмис. Но кызд нө понтө колян? Көть эськө сійө, төдөмысь, өтнасөн вермис воны гортөдз. Абу нин первойысь.

«А, лешак, войколала. Пемыдын да ещө и зэр улын абу кокни тапиктыны, голяөдзыд көтасян. Узя»,— мөвпыштіс Ольөш. Нөшта отчыд шутөвтис. Төдіс — Ёкыша помланьын быдмис кык сыв кызта да сись кодь, джуджыдысьыс джуджыд коз. Буретш сы улө позис узьмөдчыны. И чом вөчны оз ков.

Шуөма — вөчөма. Час джын мысти нин ыпьяліс бипур. Дась вөлі и узянін. Пу улө зэвтис целлофантор. Кераліс ныв пу лыс. И шоныд, и кос, и небыд.

Пон воис пажнайтігөн. Сійөс тшөтш вердіс. Юис пув корйысь чөскыд чай. Куритчис. Кад водны да шойччыштны. Ольөш пөрччис важник курткасө, водіс да сійөн и шебрасис. Эз удит синсө куньны, кызди метр ветымын сайын, ягладорсяныыс, кыліс шы:

— Уф-уф! Уф-уф! Ш-ш-ш!

Минут нель мысти, төкөтё матынджык нин, бара кыліс:

— Ха-ха-ха! Ой-ой-ой! Ха-ха-ха!

Сё мокасьт! Кутшөм тані узьём. Ольөшөс бытё нетшыштісны ныв пу вольпасысь. Кыясыс асьныс кватитісны пищальсө. Видзөдліс пон вылө. Альма тшөтсө лэптөма, эргөмсорөн уськөдчис пемыдө. Тіралысь кияснас Ольөш дрөба патронсө вежис пуля вылө. Ставыс лөнис. Би дорө локтіс пон, бөр водіс лыс вылө, кунис синьяссө. Том морт эз на удит ойбыртны, кызди арся пемыд войсө бара поткөдісны шыяс:

— Уф-уф! Ш-ш! Ха-ха-ха!

Кор лөнъліс, бура кыліс, кызди кодкө гыжъяліс-чашйис кос пу. Ок и шуштөм вөлі. Том мортлы друг төд вылө усисны Ильичлөн кывьясыс. Збылгысь, вөлөмкө, абу пөръясьома. Пуксис лыс вылө, мышна-нас топөдчис коз пу дінө, октіс куроқьясьо, виччысис, мый водзө лөб. Юрас бергаліс: тайө мутиыд сылысь понсө ылөдліс, медым көзяиныд узымөдчас. А бөрас сэсся и...

Медводдза повзбөмыс муртса прөйдитыштис. Век жө, кор төдтөм шы поткөдіс сынөдсө, босьтлывліс йирмөг. Адөй-адөй, кызди повзбөдчис! Медбөрын том морт скөрмис да горөдіс пемыдө:

— Дыр-ө нө мөдан тешитчыны! Лок петкөдчы! Да лыйис кыкнан стволсыс сэтчө, кытысь локтісны шыясыс. Здук-мөд кежлө ывлаыс лөнъліс, а сэсся бара:

— Ха-ха-ха! Уф-уф!

Өльөш орччөн пуксьөдіс Альмаөс. Мудзөм пон бөр водіс. Тайө медьёна шензбөдіс. Сідзкө, мутиысь Альма оз пов. А, гашкө, мортлы тшөтш оз ков повны?!

Войис вөлі зэв кузь. Бур ещө, пессө уна заптіс. Сідзи югдытөдзис и пукаліс. Пищальсө кисьыс эз лэдзлы. Пемыдыс быттьө сирассьома. А кутшөм окога котөртны гортлань. Петны туйө. Но сө чудеса! Мыйөн югдыштис, ставис лөнис. Тыдалө, мутиыдлөн кадыс петіс. Төдлытөг Ольбш чөвтис пернапас. Думсьыс виччысис, медым нөшта на югдас.

Со и мыччысисны шонді югөръяс. Тэрмасьөмөн чукөртис ноп. Кутшөм нин чай юөм! Өдйөджык колө татысь весасыны. Нопъясис, пишальсө киас босьтіс. Кызди и Екыша дорысь петны? Веськыда вөртіыс, али петны визир вылө? Сөмын өд сійө заводитчө повзбөдчан месга дорьянь.

Өльөш решитчис. Зумыд воськовьясөн веськөдчис визирлань. Воськов ветымын мысти казяліс, мый понийис сулаліс чардбиөн шөрипельө чөгөм коз пу дорын да юрсө чатөртөмөн видзөдіс чөгөминө. Сэні пукаліс ыджыд сюзь. Мортөс аддзөм бөрын сійө куньліс каньлөн кодь синьясьсө да кызд тай горөдас:

— Уф-уф! Ха-ха-ха!

Том морт ставсө гөгөрвоис. Весиг кок улас съблыштис. Час рөштшө-тайтчам! Октіс куроқсө да тэрыба лэптіс пишальсө. Сэсся мыйлакө бөр лэдзис да вөр тырнас гөрөктис-серөктис:

— Ха-ха-ха! Ладнө, мути, ов. Тэ өд абу мыжа. Екыша вадлөн, вөлөмкө, аслас көзяин.

Во куим тайө сюзьыс көзяитис. Төдысь йөз, дерт жө, смела кулө-масьлісны, кыйлісны утка. Қодсюрө весиг сійө коз пу дорө чери лов либө ещө мыйкө вөлі кольө, медым Екышаса көзяинөс чөскыдторйөн номсөдлыштны.

Тулыснас, ытва дырйиыс, Екышаө локтісны төдтөм йөз. Джуджыд нөрысө зэвтисны гөрд палатка, вөйталісны кулөм-ботан. Сэсся заводитисны «шойччыны». Дерт жө, румка-мөд пөрөдісны. Гажмыштөм бөрын заводитисны пишальысь лыйлыны тыртөм сулеяясө. Буретш тайө кадө вад весьтын кывтіс-лэбис ыджыд лэбач. Сійөс пыр и казялісны. Өти дядьө тэрмасьтөг лэптіс пишальсө да помся кыкысь лыйис. Сюзь изйөн уси.

Кадыд, майбыр, мунө. Көдзыд төв бөрся локтө гажа тулыс, сы бөрын гожөм... Бөрө колины вояс. Өні гажтөм Екыша вад дорын. Мыйкө быттьө оз тырмы. Войколалігөн төдысь войтыр казьтывлөны татчөс көзяинөс. Кытчө пө сійө и вошис?

А Екыша вадыс ёнасө эз вежсыс. Сөмын тай чериыс ёнакодь чиніс. Воддза моз матігөгөрсө вөрысь оз кыпөдчы съөла, визир вомөн оз котөрт көч.

## Медбөръя төвся лун

Сынөдыс вөлі көра чөскыд. Гашкө, сы вөсна, мый сөстөмсьыс-сөстөм. Карса мортыд тайөс пыр и гөгөрвоө. Окога вөлі сійөс помся апары. Но сулавны некор. Колө водзө мунны.

Вөлі нин лун югьд. Бара, сэтшөм-татшөмьд, сёрмышті. Эк-ма, бара эг аддзыв асыя кыасө. А сійсө вежон чөж вөталі... Енэжтасыс вочасөн ломзис. Сэссия друг ыпнитіс. Вөр сайысь, быттьө гуся зептысь, мычысыс шонділөн медводдза югөр. Син лапнитігкості օзйис мөд, коймөд...

Ляampa муртса шаракылө. Мунны кокни. Восьсаиннын лым прамөя нин пуксьөма. Чарөм сяма артмөма. Со весиг пон кокниа восьлалө. Сійө тшөтш радлө. Мудзөма, коньорьд, карса олөмысь. Важөн вөлі жалпырысь никсө. Вай пө, көзяин, ветлам вөрө. Лысьөмөс веськөдам, рунымөс пальөдам.

Оти ты прөйдитім, мөдөс. Оні найө шойчөны, узыөны йна-лымья шебрас улын. Весиг ель визула Барабан шор оз кыв ни оз тыдав. Лэчыд төв да лым өтвылысь өна старайтчөмаөсь. Муртса сөмын визь моз төдчыштө.

Көнкө час джын мысти кымын сувті Сыктыв берегө. Бур асыв, чериөн-ййөн вердысь-чөсмөдлысь!

Сыктыв абу эськө сэтшөм ыджыд ю. Но зэв асныра. Сійө абу сетчөма ни көдзыдлы, ни бушковлы. Со тай гоз-мөдлаті руалө. Тайө юыс лолалө. Көсйө эськө ылькнитны вөля вылө, сөмын вын-эбөсыс оз тырма. Нөйтчө, пессө. Йирө чорзьөм йи коркасө... Мукөддырйи, кор муртса-муртса шондөдыштлө, век жө йөрданыс прамөя ыджыдлө. Сэки, быттьө том ныв рөмпөштан водзын моз, пөттөдзыс видзөдө пьдөстөм лөз енэжө, любуйтчө шондікөд, а войнас — төлыськөд, либө лыддьө-арталө лыдтөм-тшөттөм кодзув. Көдзыд пөль, дерт жө, өдйө казялө татшөм асныралөмсө. Көдзыд, чизыр төв босьтчө уджө. Йөрданъяс өна чинөны. Но и ю, төдөмысь, оз сетчы...

Сыктыв мөдлапөлын лөнь. Здук-мөд сулышті. Бадь пөвстті вуджигөн аддзи ляampa туй. Оз тай узьсыс кодлыкө, оз пукавсыс гортас. Тшөтш понъя. Көчөс туялөны. Тані, увтасинын, лымйыс небыд. Понйыс морт бөрся уйөма. Но медъя. Быдөн ассыс вөчө.

Важысянь ю мөдарын уна видз. Но өта-мөдсыс найөс юкөны курья, ыджыд да ичөт тыяс, ёльяс, гөпьяс, вөр дияс... Дзик на неважөн, көнкө во кызь-комын сайын, тані тарыс сьд кымөр мында лөбалөма. Сиктын пө воробейыс этшаджык вөлі. Кор пөткарыс пуксьывлөма видздорса кыддзө, пуыслөн пө вожьясыс нюкыльтчывлісны.

Эк-ма, талун татшөм сөрни-басниыд дзик мойд кодь. Гашкө, вит верст восьлалі, а гоз-мөд сьдбөж, өти руч кок туй и аддзылі. Дерт, көнсюрө, посни бадь пөвстын, байдөгьяс жыруйтөмаөсь.

Чуйми неыджыд нөрыс дорын, көні быдмисны сыв кызта да сись кодь веськыд пожөмьяс, пашкыр козьяс. Өвтыштіс чөскыд сир көрөн. Но содтөд вөлі кутшөмкө выль көр, быттьөкө вывті төдса. Вөлисти шай-паймуні. Тайө өд кылө тулыслөн лов шыыс. Пожөм-коз вылын абу весиг лым чир. Лыс рөмыс сукмыштөма нин. Пуясыс быдсөн ловзыштөмаөсь. Со и кыздыас быттьө нюмъялөны, паськыдджыка шевкнитөмаөсь ассыныс ки-вожсө. Судзөдчи да киө босьті өти лыс. Сійө небыд, кокниа нюкыльтчө, өд татчө оз инмы войвывса яр төв; тайө пельөссө медсясө шонтө шонді. Со и кылө тулыслөн көрыс. Эг, эг сорассы. Бара казьтышті Сыктыв ю. Өд сылөн лунвывса берегыс сьдөдөма нин. Сэссия лөнь сынөдсө поткөдіс тр-тр-тр-тр-тр шы. Метр сө ылнаын дзик жө сэтшөм шы. И ещө водзын. Тайө, вөлөмкө, сизьяс чуксалөны тулыссө. Шондыс вылөкодь удитөма кавшасыны. Ывлаыс шондөдыштіс. Со и лөбачьяс венласьөны, коді гораджык.

Чукыль весьтын, тадзи нимтөны Сыктыв дор, ме на бура помнита, вөлі кузьсыс-кузь да векни ты. Сы гөгөрө быдмис вөр. Кодлыкө юрас воьма «сюсь» мөвп: вөчныс татчө видз. Вайисны вына техника, кералісны пуяссө, пөрөдөминсө кызди-мый вермисны шыльөдісны. А коз-пожөмсө, кызд-пипусө тракторөн йөткалісны-дзебисны орчча неыджыд тыө. Но вөр-ватө он ылөдлы. Быдмас, сөвмас өмөй турун кос сөй вылын! Увтасинас жө муыс вывті небыд. Гожся страдалөн меда жар луно трактор сибдө. Ставсө урсалісны, пузувтисны, а төлкыс сідзи и эз ло. Оні тані коктө позьө чегны: көні морбөсөдзыд вөвлөм көлея, көні джу-

джыд мыльк. Лёкинын, төдөмысь, ыджыдалоны бадь, пипу, ловпу, сә-  
төр да нинөмысь повтөм лежнөг.

Тані бара аддзи төдса лямпа визь, кодос сарпалөма, лямөдөма пон  
кок туй. Көчтө век на туялөны. Вөралысь, буракө, первойысь босьтчө-  
ма: кытсюрө веськыда көч туй вывтi восьлалө. Бара жө медся сукин-  
тыс ош моз пискөдчө. Тадзинад лыйөм ылнаөдз он матыстчы. Ена  
бурджык вөлі, муніс кө таладортис. Өд татсө нөрыс...

Бөрсө локті мөдлаті. Окота вөлі унджык кытшовтны. Дерт, пон  
мудзыштис. Но нинөм, абу первойысь. Некумынысь паныдалі көч кок  
туй. Но эг босьтчы туявны. Сьөд вөрын абу кокни тайос вөчны.

Бдждыд чукля ты дорысь көчлысь визьсө ылісянь на аддзи. Весь-  
кыда мунөма, сэк жө абу тэрмасьөма. Буракө, веськөдчөма шойччыны.  
Сідзи и эм. Бөр локтөма ас кок туйтыс, сәсся ыло бокө чеччыштөма.  
Отарө-мөдарө ризьялөма, бара чеччыштөма. Тыдалө, кытчөкө татчө,  
леторос кодь песни баддя-кыдзайнас, меститчөма. Но сувтовкерны,  
весиг здук кежлө, оз позь. Кузь пельыд пыр жө лыйыштас-пышьяс. Ме-  
ста вылын жөдза, а сэк костө синмөн матігөгөрсө тывьяла. Сідзи и эм,  
куткырвидзө лымйөн нюкыльтөм кызд улын. Сөмын сувті, көчыд петіс  
дзесьянінысь. Лыйөм шысө йөлөгә дженъыдика нерыштис.

Прөмысөн век жө кокныдджык гортад локны. Бытьтө и мудзыд  
этшаджык өкмө. Со весиг пон гажаджыка видзөдө.

Сыктыв вуджөм бөрын бергөдчи вөра енэжтаслань. Жальпырысь  
нора сылань видзөді. Мыйла? Регыдөн ачым эг куж висьтавны. Сәсся  
век жө гөгөрвон: өд талун медбөрья төвся лун.

## Бипур дорын

Бара нин лымьялө. Чизыр төв скөра чеплялө чужөм, пискөдчө  
паськөм пыр вир-яйөдз. Эк-ма, помасис шоныдыс. Блі Войвыв саридз-  
сянь локтө вына Вөйпөль.

Тайө лымйыс, гашкө, и сылас на. Но сийө вөчис нин ассъыс — вевт-  
тис-шебраліс му да аскөдыс вайис унзиль. Со тай узьөны-шойччөны  
кызд да пипу. А важөн-ө шпоракыліс налөн турунвиж дөрөмыс? Унмов-  
сьөмаөсь, тыдалө, и пожөм-коз. Бытьтөкө кодлөнкө (а, гашкө, и збыль-  
ысь Ен?) индөмөн лэдзөны войвыв муыслы, татчөс вөр-ваыслы шойч-  
чыштны, веськөдны мудзөм лысьөмсө.

Лымьялө и лымьялө...

Сирөда мыр гажәа трачкөдчө. Видзөдлан да, пескыс бытьтө абу:  
пожөм мыр да гоз-мөд кос потш пом. Но яра ломтысьсө. Во вит-ө-квайт  
сайын тані керасьлөмаөсь. И, буракө, төвнас. Мукөддырйныс пөшти  
коскөдз, косбсь. А сирөд пес век бура нярьялө. Лөсыштін сирөда по-  
жөм, чегьялыштін кос ув, өзтін — и бипур дась.

Шоныдыс онялө. Ковмис бөрынтычыштны. Мыш сайын быдмысь  
пашкыр коз да туяпу бытьтө чом: төлысь, лымйысь сайөд.

Кокни лолавсьө пармаын. Сынөдыс чөскыд. Вөрө пырөм бөрын  
первойсө кольмылан. Бытьтө мыйкө оз тырмы. Мый? Да карса мортыд  
велалөма нин машина ломтас дукө...

Пузис чай. Заваркаө содті некумын пув роз. Аттө, көрыс куштөм!

Би дорын лөсыд. Сы ыло видзөдігөн кызкө төдлытөг дум-көс-  
йөмыд ылөдз нин лэбөмаөсь.

Друг орча кыздзө кыськө жбыркнитіс-пуксис жонь котыр. Мича  
тайө лэбачыс! Да быдөн, дерт, сийөс, гөрд морөсаөс, төдө. Арся зу-  
мыштчөм вөрыс бытьтө югзыштис, ловзыштис. А найө нинөм эз казья-  
ны. Өти лэбач пыр жө мөдіс гартөвтчөм сямөдын мыйкө лукйысьны-  
корсьысьны. Мөдыс тшапа пуксис да, бытьтө том ичмонь рөмпөштан  
водзын, кутіс мичмөдчыны: со эсийө гөнсө лөсьөдыштас бордсьыс, весиг  
өтиөс нетшыштис. Мисьтөмөн, буракө, кажитчөма...

Талун тайө медводдза ловьяс, кодьясөс аддзылі вөрын. Асывсья-  
ныс, гашкө, сизим гөгөр верст шлөпсьөді нин, но ни сьбла эз кыпөд-

чыв, ни кӧч эз котӧрт. Таво ар парма гӧль. Вотӧсыс эськӧ уна вӧлі, а зверь-пӧтка абу рӧдмӧма. Гончӧйӧй эз на матыстчыв би дорӧ. «Уджалӧ». Ӧтчыв кок дорӧдз воліс да нырнас тувкис. Мыжа моз синмӧ видзӧдліс: абу пӧ кузь пеляяс.

Мый сэсся вӧчан? Вежсис коми парма. Водзті сійӧ миян бать-пӧльяслы вӧлі меддонаӧн, вердіс-юкталіс, пасьтӧдіс-кӧмӧдіс. Талун жӧ ми пармаӧс доньялам кубометрӧн куш...

А ӧні кодкӧ тӧдӧ-ӧ важ йӧзлысь гижтӧм законъяссӧ, код серти быд морт вӧлі кӧзьяинӧн ас муас, тшӧтш и вӧрын? Талун ыджыдалӧ выль закон, код серти коми вӧр-ваӧс видзысьыс лыдтӧм-тшӧттӧм: лесхоз, уна инспекция да нӧшта кодсюрӧ. Сӧмын тай пӧрадокыс абу. Коньӧр мортлы быдласянь дольӧны: сійӧс эн вӧч, тайӧ абу тэнад, а государство-лӧн...

Трач-луйис ыджыдкодь ӧгыр. Дыр нин, вӧлӧмкӧ, пукала бипур дорын. Эг и тӧдлы, кодакості кадыс лӧбӧма. Мӧтыр вылӧ ӧшӧді пӧрт. Регыд ваис пузис. Тэрмасьӧмӧн юи биа пӧсь чай. Чукӧрті ноп. Ньюж-масьны водзӧ оз позь. Арся лун югыдыс кӧч бӧж кодь дженывд.

## «Лявда»

...Ошпи вӧсна чилӧстіс, дзик быттьӧ ичӧт кага бӧрддзис. А сэсся рудов-гӧрд тупыльӧн тэрыба гӧгыльтчис-тюрис чашйӧм кодзувкоткар дорыс. Еджыда-сьӧда, статья пон мӧдыс эрыштіс да смела уськӧдчис пышйыс бӧрся. Но друг сувтіс: тшӧттыс пыр и ляпкаліс, кытчӧкӧ воши збойлуныс. Здук мысти повзьӧм кутюӧн чепӧсйис кӧзьяин кок костӧ.

Энь ошлӧн синьясыс югьялісны, быттьӧ би киньяс сявкйисны. Сійӧ мисьтӧма равӧстіс да сӧлыштіс. Морт кынмис места вылас. Пельпомас ӧшалыс кык ствола пицаль йылыс, тыдалӧ, дзикадз вунӧдіс. Ошлӧн виж синьясыс — ломалыс ӧгыръяс — сэтшӧма повзьӧдісны: кокӧн ни кийӧн морт эз вермы вӧрзӧдны. Пон никсігырйи тіраліс.

И тайӧ здукас кыскӧ друг босьчис нейджыд лайка, коді потшис туйсӧ ярмӧм зверлы. Сылӧн лэчыд гӧлӧсыс шызьӧдіс парма-вӧрсӧ. Дыр думайттӧг уськӧдчис ошлы паныд, гоз-мӧдыс бергӧдчис сы кок гӧгӧр да шашаритчис ошлӧн «гачӧ». Чепӧсйыліс бокӧ да выльыс сатшкыис зверлы бӧр кокас.

Ош зіліс кутны дӧзмӧдчыс понйӧс. Но медбӧръя здукас винӧв лайка пескыльтчыліс ӧсь гыжъясыс. Ыджыдсыс-ыджыд энь ош нинӧм эз вермы вӧчны ичӧтик понкӧд. Вермис кӧ, шӧрипӧв эськӧ косяліс ӧтайӧ дӧзмӧдчысӧ. А сійӧ, гашкӧ, дасыс нин, кыті вермыліс, курччис. Медъена ошлӧн доймис задыс да бӧръя кокъясыс, вирис войталіс нин нитш вылӧ. Сэсся ош неуна бӧрынтычис да эбӧссӧ жалиттӧг лыйыштіс-чепӧсйис пуяс сайӧ.

Час мысти на Митрей Ӧльӧшлӧн дзӧрисны киясыс. Некодз эз вермы перйыны кӧрӧбыс истӧг тувсӧ: чунысыс сэтшӧма тіралісны. Чигаркасӧ ӧзтіс бипурыс сӧрапомӧн. Сы син водзын пыр на вӧлі ярмӧм ош, сылӧн ломалыс синьясыс.

Сайкалыштӧм бӧрын пузьӧдіс чай. Пӧртіӧ шыбитыштіс китыр пув кор, медым чай кӧраджык вӧлі. Но вомас нинӧм эз пыр, помяс сӧмын шпуткис-куритіс. Сэсся юрас быттьӧ кучкис: «Кытыс босьчис Альмаыс? Ӧд кольӧм лун на сійӧс домавліс выль чепӧн».

...Альма, кызди и мукӧд чой-вокыс, чужис арся пемыд войӧ. Куим вежон мысти кӧзьяин вайӧдіс тошка мортӧс. Быд кычӧс сійӧ гӧгӧрбок видлаліс-бергӧдліс, быдӧнлыс восьтыліс вомсӧ... Медбӧрын босьтіс Альмаӧс паськыд ки пыдӧс вылӧ, небыдика малыштіс: «Тайӧс! Вежон мысти, кызди сӧрнитчылім, босьта».

Но коли лун-мӧд. Ӧтчыв потшӧс дорӧ сувтіс машина. Кӧзьяин, тыдалӧ, водзвыв нин виччысис воысьӧс. Ки на ки здоравайтчисны, кыкнанныс матыстчисны сарай дорӧ. Пон котыр видзӧдігӧн локтыс весиг кӧсӧ зӧпсыс эз перйы. Сійӧ сапӧг нырнас индіс рудов гӧна ай кычипи

да... Альма вылө. «То этайё кык лядвасё босьта. Рёмыс дзык өткөдө. Добра, унты гоз артмас», — радпырысь шуыштис.

Кöзьяин видлис пыксыны. Митиперкөд пö эта кузя сёрнитчим нин. Но локтысь пуктис пельпом вылас зумыд кисö, а мöднас зептысь пер-йис сулея. «Тайё сёрнитчөм пон дорö содтöд. А сэсся ачюд мөвпышт: бара на öд ме дорö копыра юрөн локтан. Курыдтортö сөмын менсьым позьö ньöбны, — быттьö öлöдис понпянылысь көзьяинсö. — А кутюйд вер-мис и кувны, либö висьтав: гусялисны...»

Тадзи Альма вокыскöд веськалисны Пипуныров, сиктса ногөн, Митрей Öльöш ордö.

Альма да Катшыс вочасөн быдмисны. Чöскыда да пötöса эз сөй-лыны. Сы пыдди тшöкыда сюрлис көзьяинсянь: то чужьяс, то зыр воропөн «гöститöдас». Налён олöмыс нöшта на омöльтчис, кор Кировса питомникысь Öльöш вайис еджыд-сьöд рöма ай кычанöс. Тайö пö Кучум, тар-дозмөрлы, йöра-ошлы грöз. Быд гөстылы Пипуныров петкөд-лис ассьыс быдтассö, ныр улöдзыс мыччöдлис понлысь «паспортеö».

— Да тэ видзöдлы! Тани öд пон рöдыслысь быд көленасö пасйöма. Ставныс медаляöсь. Абу, небось, этайö ляддаяс кодъыс. Найö сөмын шапка-унты вылө и туйöны... Энлы, быдмылас менам Кучум. Сэки ми петкөдлам зверь-пötкалы пуж!

Коли төв. Тöдлытöг помассис шоньд гөжөм. Поводдя серти тöдчис: кывтөм воськовьясөн локтö зарни ар. Пуяслөн турунвиж рöма сарапаныс пыр ёнджыка вижöдис. Рыт-асыв ыджыд чукөрьясөн лэбалисны скворечьяс да дроздьяс. Сэсся и войясыс лоины ыркыдджыкöсь. Весиг öтчюд омöлиника пужьялис.

Тайö төв Митрей Öльöш дзык эськö новлис выль рудов рöма шоньд унты. Но... Август помын карса помасьлытөм араваөн куштисны матигөгöрса вөрьясысь пув. Öти рытö, кор Катшыс куйлис краситөм потшöе дорын, сы дорö сувтис машина. Восьса öшиньöд сылань лэбис калбас тор, мöд... Бөжнас легöдөмөн пон матыстчис машина öдзöс дорö да синнас ещö на қорис чöскыдторсö. Коймөд калбас торсö босьтис кысь. Нельöдсö сийö нылыштис нин кабинаын...

Öльöш дыр сöткис-матькис. Со тэныд пö и көмкот. Самöкур дозйöй пö воши и. Сийö жö рытнас кватитис Альмаöс шошаöдыс, кыскис сарайö да домалис. Скөрлунсö песис прамöя: сьöлөм бурмытöдзыс чужья-ялис-нöшалис понйöс...

Пипуныров петис отпускö. Вильлунö нин мөвпыштис ветлыны вöравны. Рытсыныс дасьтис нолсö да пишальсö. Весиг Кучумсö йöрö лэдзлис котравны. Ужнайтөм бöрын Öльöш пыр и водис. Кыдзкө-мыйкө тай унмовсис жö. Войбыд мучитисны вötьяс: со чукчи ачыс пуксис лыйöм улö; тарыс кызду пуын — сьöд пукалö... Асывлаторыс садьмис. Пöсьыс вывсьыс киссьöмөн киссис.

Рöмыднас на петис туйö. Кучумöс медводз гөститöдис сакарөн, да вöлисти лэдзис. Альма заводитлис жö эськö никсыны, босьт пö менö тшötш. Но Пипуныров скöра видзöдлис сы вылө, мисьтöма ёрччыштис.

Альмалы вöли зэв завидь, мый Кучум мунис вöравны. Эк, босьтис кө көзьяинсы... Сийö эськö мыйөн вермис, тшötш отсалис Кучумлы корсьны да увтны дозмөрöс либö урöс. Пон нора куйлис. Шонди петтöдзыс куньöм синьясөн лöня куткырвидзис. Ещö недыр олыштис чöv-лöня. Но сэсся терпенньöйс «поті». Водзö сийö куйлыны эз вермы. Чеччис, öтарö-мöдарö неуна ветлöдлыштис. Сьöлөмыс вöйысис вöля вылө. И пон заводитис нетшкысьны, чепсö көсийс ордны. Весиг скöрысла йирис көртсö. Но нинöм эз артмы. Нетшкысьöм костьясын йирис сарай пельöсысь пöвьяссö. Чашйысьöм-пессьöмысла доймис горшыс, пöраясөн нин киргис. Дыр на тадзи эськö мучитчис, но öтчюд, кор чепыс вöли зэлалöма, сийö мый вынсьыс заводитис петитчыны. И юрыс вильснитис сьыли дом пырыс. Здук-мөд сулалис шйöвошöмөн, а сэсся увтыштөм сорөн Альма усыкөдчис туявны-вötöдны көзьяинсö...

Райцентрын лөмтор пыр и паськалис. Вежон чöж магазиннын та йылысь сөмын сёрнитисны. Сиктсаяс, дерт жö, быд ногыс ошкисны Альмаöс, сылысь смеллунсö, вöралан сямсö.

Колис ещѣ гоз-мѣд лун. Поводдяыс вѣлі мича, шондіа. Сынѣдын вѣлі кутшѣмкѣ, быттьѣ вель тѣдса, чѣскыд кѣр. Кильчѣ вылын сулалысь Пипуныров некымынысь морѣс тырнас апаліс сынѣдсѣ, сѣсся мѣдѣдчис сарайлань. Чукѣстѣм бѣрын Альма мыйлакѣ эз пет. Кѣзяиныс ѣна чуй-мис, кор аддзис сѣмын чепсѣ. Ссылі домыс жѣ мыйлакѣ вѣлі разьтѣм. Здук мысти нин Пипуныров веськыда пузис:

— Гусялісны! Кутшѣм ад горш тайѣс лысытис вѣчны? Тѣдмала кѣ, ѣна и велѣда...

Рѣмдігѣн, кор Митрей Ѡльѣш пукаліс телевизор дорын да юис пѣсь чай, йѣрын, дзик ѣшиньыслы паныда, увтыштис пон. Зѣв нин тѣдсаѣн вѣлі тайѣ гѣлѣсыс. Куш кынѣмнас мужичѣй уськѣдчис ывлаѣ. Дерт жѣ, тайѣ вѣлі Альма. Сы кок дорын куйліс сѣд дозмѣр. Пон пыр жѣ чечыштис кѣзяинлы морѣсас, весиг чужѣмсѣ удитис нюлыштны.

Арся поводдяыд, майбыр, здукѣн и вежсѣ. Лун мысти керка вевть-яс весьтын ѣшалісны рудовсѣд кымѣрьяс. Асылыс вѣлі букыд, гажтѣм. Митрей Ѡльѣш зумыш чужѣмѣн петис ывлаѣ. Киас вѣлі тыртѣм ведра гоз. Альма бара эз тыдав. Пыр жѣ веськѣдчис сарай пельѣслань. Пон эз вѣв. Чептыс да разьтѣм сылі домйыс муын.

— Бара вѣрѣ пышйѣма. Но и пон! Кыдзи сійѣ сяммѣ мынтѣдчыны?— нумьялігтыр аскѣдыс вомгорулас варовитис Митрей Ѡльѣш.— Оз овсы со парматѣгыс, ѣтнас мунѣма вѣравны.



Михаил ХАМЕТОВ,  
журналист, Россияса культураын  
заслуженной уджалысь

## Повтӧм сьӧлӧма морт

### МИЯН ЗЕМЛЯК, СОВЕТСКОЙ СОЮЗСА ГЕРОИ ВАСИЛИЙ КИСЛЯКОВ ЙЫЛЫСЬ ОЧЕРК

...Вӧлі вой шӧр кад нин, а старшой сержант Василий Кисляковлӧн синмыс эз куньсы. Бӧръя кадӧ тадзисӧ ськӧд тшӧкыда овльвліс. Сьӧлӧм вылас быттьӧ из ӧшйӧма. И вӧлі мыйысь майшасьнысӧ Василийлы. Армиян служитан кадс помасис нин, а сійӧс пыр на кутісны — вежны пӧ некодӧн. Гортас мунан воас Василий Кисляков командуйтіс торъя химической ротасын взводӧн. Но некод эз вермы стӧча висьтавны, кор жӧ Василийӧс лэдзасны чужанінас, Коми муӧ, Чилимдін районса Шӧр Бугаево сиктӧ. А сәні сійӧс ӧна виччысысны. Кӧть мамыс, Дарья Матвеевна, кувсис нин, но нельнан чойыс да вокыс ӧна отсасисны батыслы, Павел Тимофеевичлы. Кор бара-й аддзыяс накӧд Василий, кор воас чужан сиктас? Уна дас юалӧм жуис Василийлӧн юрын. Та вӧсна и узьнысӧ эз вермы, бергаліс ӧтарӧ-мӧдарӧ, мӧвпаліс, мӧвпаліс... Сәсся со неважӧн ротаса командир, старшой лейтенант Анатолий Игнатъевич Колодницкий, виччысьтӧг юалис:

— Тэ, гашкӧ, Кисляков, и водзӧ служитны кольччан? Сверхсрочной вылӧ? Мортыс тэ писькӧс, вежӧра, зіль. Буретш военнойӧн и лоны. Вай мӧвпыштлы та йылысь...

Тайӧ сёрниыс бергаліс жӧ юрас. Мый и вӧчны? Кор нин вежасы сійӧс? А, гашкӧ, оз и вежны да. Со рытыввывсянь кутшӧм лӧк да мисьтӧм юӧръяс воӧны: Германия пӧ дасьтысьӧ миянкӧд война кежлӧ. Пырис нин Польшаӧ, Чехословакияӧ, Австрияӧ... Бӧръя кадӧ и Северной флотлӧн корабляс весьтти таргӧны-лӧбалӧны немечьяслӧн креста самолӧтьяс.

Василий, дерт, быдсяма сёрнисӧ пыдди эз пуктыв. Ӧд миян страна-са веськӧдлысьяс ставсӧ вӧчӧны, медым бура овны Германиякӧд. ТАСС на неважӧн, июнь 14-ӧд лунӧ, висьталіс: война заводитчӧм йылысь пӧ юӧръясыс оз лӧсявны оломыслы, тайӧ ставыс пӧръясьӧм. И кызди нӧ он эскы газетын йӧзӧдӧм юӧръяслы?

Но дырсӧ мӧвпавны сы гӧгӧр, кольччыны-ӧ армияӧ, сверхсрочной вылӧ, либӧ мунны гортӧ, Печора бокӧ, Василий Кисляковлы эз удайтчы. Июнь 22-ӧд лунӧ фашистской Германия нем виччысьтӧг уськӧдчис миян страна вылӧ. Пансис Великой Отечественнойной война...

Кисляковлӧн взводса зонъяс нетшкысысны тышӧ, на пиысь быдӧн кӧсйис петны вӧрӧглы паныд, дорйыны асьыс чужан мусӧ. Василий дась вӧлі и ачыс паныдавны фашистьясӧс, зурасыны накӧд морӧс на морӧс. Ӧд Кольской полуостров вылын пансисны нин немечьяскӧд вир кисьтана тышъяс.

— Эн тэрмасьӧй, — ӧлӧдліс химротаса салдатъясӧс старшой лейтенант Колодницкий. — Воас и таянлы кад. Но ӧні виччысьыштлӧй на: фашистьясыд вермасын быдтор вылӧ мунны. Та вӧсна миян подразделениелы колӧ лоны тыр дасьлунын.

Недыр мысти ротаса командир содтіс:

— А ме регыд муна. Фашистьяскӧд тышкасыны. Веськыда кӧ шуны, терпеньӧй быри киӧс кристалӧмӧн пукавны. Ӣна кори командованиеӧс да лэдзисны.

— Со кыдзи... И меным позьё?— шензьёмён юалис Қисляков.

— Лоё, лоё позянлуныс. И морякьяслы быть лоё киад: босьтны винтовка,— вочавидзис чуймём Василийлы ротаса командир.

— Ме, сідзкё, шыёдча жё,— лёня шуис Қисляков, вешийс старшой лейтенант дорысь, быттьо весиг дёзмыштіс.

— Эн шогсы, Василий. Ставыс на шылялас, лоё лючки-бур. Гашкё, ётлаын на кутам нёшавны фашистьясёс,— нюммунис Колодницкий да шлапкис чорыд кинас Қисляков пельпомё.

Недыр мысти кывсис: Северной флотын котыртоны-чукёртоны десантникьяслысь торъя отряд. Но босьтоны сэтчё сёмын добровольчьясёс, ас кёсийём серти. Та йылысь Василийлы шёпкёдіс-висьталіс флотлён штабысь тёдса старшина.

— Ме кёсья жё шыёдчыны. Гашкё, босьтасны да,— ловзис быдён Қисляков.— Кыдзи тэ думайтан?

— Тэно кё нё оз босьтны отрядас, кодёс босьтасны?— чуймис старшина.— Комсомолец, взводса командир. Тэрыб да збой. Ёдйёдзык гиж шыёдчёмтё.

Но гижны нинём эз ковмы. Аскинас Қисляков дорё матыстчис ротаса вёвлём командир, старшой лейтенант Колодницкий да нимкодпырысь висьталіс: ме пё кыв-мёд тэ йылысь шуи нин отрядлён веськёдлысьлы. Кёсийсис босьтны... И эз ёд пёръяв. Регыд мысти Василий Қисляков сулаліс нин отрядса командир водзын.

Отрядса командир Фёдор Ивановичи Хижняков (кык-куим тёлысь бёрын сійёс вежис старшой лейтенант Василий Николаевич Семененко) сёблёмсяныс примитіс Василийёс. Быттьо важ тёдсаёс. И колё жё вёлі тадзисё лоны: Қисляковёс индісны Колодницкийлён взводё, сійёс вежысьён да нёшта отделениеса командирён.

— Ме тай шулі тэныд, мися, ётлаын на, гашкё, кутам фашистьяскёд тышкасьны,— Василийлысь кисё топыда кутліс Колодницкий, кор Қисляков воис сылён взводё.

— Аттё ставсыс, старшой лейтенант ёрт. Не кё ті, ог и тёд, кытчё эськё мёдёдісны,— воча артмис Қисляковлён.

— Эн менё вай аттьёв. Бур, мый лючки ставыс артмис. Мун аслад отделениё, дасьтысьой тышьяс кежлё. Миян ставыс на водзын...

Отрядё веськалём бёрын Василий пыр и казьяліс, мый тані фашистьяскёд тышьяс кежлё дасьтысьёны бура, кёть эськё йёзыс чукёрмисны Северной флотлён быд пельёсысь. Вёліны и тёдса офицерьяс, медсяё Қисляковлён воддза частьсыс. Колодницкийысь кындзи воис старшой лейтенант Хижняков, коді командуйтліс караульной ротан; лейтенант Петров, инженерной ротаса командир, сыкёд Қисляков служитіс нин 1937-ёд восянь, мукёд.

Қисляковлён отделениеё веськалёмась збой, топыд тэчаса зоньяс. Тайё Зинченко, Занозин, Александров, Седов, Казанцев, Кухарев, Лобанов, Фокин. Дерт, найё торьялісны ёта-мёдсьыныс, но быдён нетшкысис фашистьяскёд тышё, дась вёлі сетны Рёдина вёсна асьсыс олёмсё.

— Повтёмлуныд этша на,— шулывліс аслас салдатьяслы Василий Қисляков.— Вёрогтё вермём могысь колё на сям.

И быд лун нуёдис отделениеса войтыркёд занятиёяс. Вёлдчисны кодйыны окупьяс, шыблавны гранатаяс, стёча лыйсьыны. Водз асывьянь сёр рыгёдз кистісны пёсьсё. Ёд быд здукё вермис воны приказ — радио пыр юёрьяс серти тёдчис: фашистьяс топёдёны мяняёс, нетшкысьёны Мурмансклянь. Фронт матысмис нин дзик Қольскёй залив дорёдз. Советскёй войскалы паныд сәні сулалісны Германиялён медся бур горно-егерскёй дивизияяс. Налён смеллунён тшёкыда ошйысьліс весиг Гитлер. Сәсся и война нуодан опытыс чёжсис. Кёть нин, шуам, Норвегия босьтігөн.

Война пуксытёдз Мурманск дорын вёліны сёмын 14-ёд стрелкёвёй дивизия да 23-ёд укрепрайонлён салдатьяс. Но и дивизиялён выньясыс сулалісны разі-пельын, медсяё Қольскёй полуостров войвылын. Сёмын кык полк, 95-ёд да 241-ёд, тупкисны границасё му вылын, Титовка ю

усянінын. Укрепрайонлөн кык пулемётной батальон да артиллерийской полк видзисны кык полуостров — Средной да Рыбачой. Пыдынджык сулаліс 135-өд стрелковй полк. Резервын. Сёрөнджык, война заводитчөм бөрын, 14-өд армияса командующой генерал-лейтенант В. А. Фроловлы лэдзисны вайөдны Мурмансклань 52-өд стрелковй дивизия, коді сулаліс Кировө мунап көрт туй бокин.

Заполярьеын фашистяс медся өна злісны пырөдчыны мян муө границабердса Титовка ю бокті. Буретш сөні, война пансытөдз на, советской войска босьтчисны лэптыны дорйысян рубеж. Джынвийө кыпөдісны квайт дот, но водзсө эз удитны нинөм вөчны — ыпнитіс война. 1941-өд вося июнь 21-өд лунө татчө и воисны 95-өд стрелковй полкса салдатяс, кодьясөн юрнөдіс майор С. И. Чернов. Полкы колө вөлі дорйыны 30 километр пасьта участок. Окопяс ковмис кодйыны изья муын, медсясө мылькяс йылын, кодяс сулалісны ичөтик тяс да зыбуч нюряс костын. Но серпасыс вежсис быд здукө. Июнь 29-өд лунө немецьяслөн горно-егерской частяс босьтчисны топөдны граница дорын сулалысь советской войскаөс. Пансисны чорыд тышяс. 95-өд полк өна эськө водзсасис, но вөрөг кыин вөліны самолөтяс, вына артиллерия. Медым не веськавны немецяс кытшө, полк приказ серти вешійс Западной Лица юлань. Недыр мысти, июль 12-өд лунө, фашистяс дзик нин матыстчисны ю дорас да босьтчисны сійөс вуджны. Первойсө неыджыд вынъясөн, а сэсся и мөдар берегөдзис воөдчисны мөдөд горно-егерской дивизиялөн быдса батальоняс. Налы отсасисны сьөд креста самолөтяс, шыблалісны мян салдатяс вылө бомбаяс, лыйлісны найөс пулемөтясысь. Быд лун враг муніс водзө асыввыв, топөдіс советской войскаөс. Мый вөчны? Сэки 14-өд армияөн командуйтысь генерал-лейтенант В. А. Фролов йитчис Северной флотөн веськөдлысь, контр-адмирал А. Г. Головкин да вөзйис сылы пыртны немецьяслөн тылө 14-өд дивизиясь 325-өд полк да морякьяслысь десант. Десантнас и вөлі добровольчьяслөн отряд, кытчө пырис тшөтш старшой сержант Василий Кисляков.

Июль 14-өд лунө отрядө локтісны флотөн командуйтысь А. Г. Головкин да Военной Советса член А. А. Николаев. Быдөн гөгөрвоис: эз весьшөрө найө воны морякяс дорө. «Тыдалө, регыд петам фашистяслы паныд», — мөвпыштіс Василий Кисляков. Тадзи и вөлөма. Недыр мысти юөртісны: регыд пө петам туйө. Сеталісны патроняс, сөян-юан. Морякяс водзын сөрнитісны Северной флотөн командуйтысь да Военной Советса член. Найө нинөм эз дзєбны, веськыда висьталісны: фашистяс нетшкысьөны Мурмансклань, зильөны босьтны Коляской полуостров, Северной флотлысь базаясө. Могыс өні өти — сувтөдны вөрөгьяслысь водзө мунөмсө.

Некымын час мысти петісны нин мореө. Кисляков пыр вөлі аслас отделениеса войтыр пөвстын. Мед дасьтыны морякясөс сьөкыд тышяс кєжлө, Василий Кисляков перйис зєпсыс Северной флотса Военной Советлысь морякяс дінө шыөдчөм.

— Со тані казгыштөма мян могяс йылысь, — висьталіс старшой сержант сы гөгөр сулалысь зоньяслы. — Найө абу кокниөсь, гашкө, ковмас кыстыны уна вир. Но ми өгө полөй фашистясысь, сетөм кывнымөс кутам.

— Быдөн локтіс отрядө ас көсйөм серти, — вочавидзис Кисляковлы старшой краснофлотец Василий Кухарев. — А тайө унатор йылысь висьталө.

— Дзик тадзи, тадзи, — воис аслас өртыслы өтсөг вылө орччөн пукалысь Фёдор Фокин. — Энө майшасьөй, старшой сержант өрт, ми абу полысь рөдысьөсь.

Тайө сөрні бөрын Василий Кисляковлөн шонавліс пытшкөсыс. Вокяс кодьөсь лоины морякяс. Буретш тайө кадас Коми муысь зон син водзө сувтісны паськыд ота Печора, помтөм-дортөм парма. И дерт жө, челядьдырса кадыс. Со сійө көдзыд төвса лунө исласьө конькиөн, көрым заптан кадө, гожөмын, ытшкө видз, чой-вокыскөд вотө тшак, пув, турипув...

Томсянь Василий тӧдліс съѡд уджлысь кӧрсӧ. Сэсся ачыс кутіс нин перйыны кынӧмпӧт. Дыр думайттӧг пырис уджавны пароходствоѡ. Первойсӧ вӧлі маслӧ разӧдысьѡн, сы бӧрын кочегарӧн. Армияӧдыс на кымынысь кывтліс-кагліс Печора кузя. А кор воис кад мунны служба вылӧ, вӧзйысис флотӧ, асьсӧ ѡд лыддис морякӧн. И лыддӧ, мый бур да колана воськов вӧчис.

Пукалӧ Василий Кисляков да мӧвпъяснас бергӧдчывлӧ кольѡм кадас. А мый лӧѡ водзын? Сяммасны-ѡ найӧ венны фашистъясӧс? Кадыс, дерт, этша вӧлі, но унаторйӧ удайтчис велӧдчыны. Мырсисны-зілісны, позьӧ шуны, лун и вой. Весиг тӧдмасисны немечьяслӧн автоматъясӧн, велалісны наысь лыйсыны. Но медся нин нимкодъ вӧлі старшӧй сержантлы сысысь, мый отделениеса морякъяс быд здукӧ дасьсӧс нӧйтны фашистъясӧс, олӧмнысӧ жалиттӧг дорйыны чужан му. Киныс зумыд, синныс ѡйӧ, юраныс бескозырка, кӧні гижӧма «Северный флот». Бытьӧ отрядыс абу и ыджыд, сӧмын кыксӧ ветымын морт, но тайӧ ыджыд вын. Гижысь Леонид Соболев коркӧ шуліс: ѡти моряк — тайӧ моряк, кык моряк — взвод, куйм моряк — рота, нель моряк — батальон.

Море лӧнӧма, быттӧ тӧдӧ: регыд мысти гӧгӧр гыяс, паняс чорыд косъ. А десант нӧйжӧникӧн пыскӧдчӧ водзӧ и водзӧ. Позис, гашкӧ, и ѡдйӧджык, но боевой корабляс бӧрся локтӧны тшӧтш съӧкыд мотоботъяс. Став тайӧ «эскадрасӧ» нӧдӧ флотлысь шӧр базасӧ видзысьяслӧн командир, первой ранга капитан Василий Иванович Платонов.

Десантӧ мунысьясӧс вель ёна видзӧны. Шуйгавылын тыдалӧны куйм эскадренной миноносец, веськыдвылын петкӧдчывлӧны подводной лодкаяс. Кильдін ді сайын, морякъяслӧн юр весьтти, тӧвзӧны-лӧбӧны гӧрд звезда кайт самолёт. Иван Зинченко ѡвтӧ кинас:

— Видзӧдлӧй, видзӧдлӧй, старшӧй сержант ёрт. Думайта да, тайӧ ачыс Борис Сафонов отсасьӧ мянлы.

Неважӧн на Северной флотса газетын юӧртлісны сынӧдса тыш йылысь, код дырйи эскадрильяса командир, старшӧй лейтенант Борис Феоктистович Сафонов уськӧдӧма немечьяслысь «Хе-III» бомбардировщик. Медводдзаӧн Северной флотса лётчикъяс пӧвстын!

Эз на удитны морякъяс синнаныс колльӧдны гӧрд звезда самолётъясӧс, кыліс нин боевой тревога йылысь гора юӧр. Морякъяс лӧсьӧдчисны сынӧдсянь уськӧдчылӧм кежлӧ. Но тайӧ, вӧлӧм, немечьяслӧн самолёт-разведчик. Сійӧ лӧбӧ зӧв вылын.

— Сӧ лешакыд, ѡні юӧртас да воасны бомбардировчикъяс, — ыш-лолаліг шуис Колодницкий да тшӧктіс пасьтавны каскаяс. И збыль, недыр мысти петкӧдчисны «юнкерсъяс» да «хейнкельяс». Налы паныд уськӧдчисны флотлӧн гӧрд звезда самолётъяс, кодъяс повтӧг сатшыкысисны немечьяслӧн кӧрт лӧбач чукӧрӧ. Шуд вылӧ, бомбаяс эз веськавны десант нуысь кораблясӧ, а съӧд креста кык самолёт сунгысисны морӧб. Бӧрыннас тӧдмалісны: тайӧ вӧлӧмаӧсь збылысь Борис Сафоновлӧн повтӧм лётчикъяс. Эскадрильяса командирлы война кадӧ кыкысь сетлісны Советской Союза героилысь ним.

Десант шыбитӧмсӧ немечьяс, дерт, казялісны. Лепаткин нима ді дорын локтысь корабляс кузя кутісны яра лыйлыны пушкаяс да миномётъяс. Миноносецъяс «Гремящий», «Громкий», «Сокрушительный» стӧрӧжӧвик «Гроза» да тральчикъяс восьтісны воча би.

Морякъяс чеччисны джуджыд сопкаяс костӧ. Медводдзаяс лыдын — Кисляковлӧн отделение. Ачыс старшӧй сержант чеччыштис веськыда ваӧ, ѡвтыштис кинас матросьяслы — локтой пӧ ме бӧрся. Берег вылын нин десантӧн воысыс шутьялялысь пулясысь да снаряжысысь саймовтчисны гырысь изьяс сайӧ. Но виччысьтӧг бара петкӧдчисны съӧд креста самолётъяс. Вель ёна найӧ нӧшалісны берегӧ чеччысьясӧс. Медся нин сюраліс орчӧн локтысь 325-ӧд полккы, кодӧн командуйтис майор А. А. Шикита. Ѳти бомба дзикӧдз пасьвартис-вӧйтис пушкаяс да миномётъяс тыра судно.

Мотоботъясысь ваӧ чеччалігӧн Кисляков да сылӧн ёртъясыс дзикӧдз кӧтасисны. А рытланьыс, кор тундра весьтын ыркнитис, лои вель кӧдзыд Яла вылын куйлігад морякъяс дзикӧдз турдісны.

— Котралыштны-шонтысьыштны эськӧ,— пиньнас зяткакыліг шу-ис Пётр Казанцев.

— ТерпITYштӧй, ёртъяс, терпITYштӧй,— вочавидзис Василий.— Ме думысь, тани огӧ дыр кутӧй куйлыны.

И збыль, некымын здук мысти котӧрӧн локтіс взводса командир Колодницкий да Кисляковкӧд орчӧн шнӧпкысьӧм-нюжӧдчӧм бӧрын юӧртіс сылы:

— Отрядса командир йитчыліс майор Шикитакӧд. Сёрнитісны сы йылысь, мый водзӧ вӧчны. Воисны ӧти кывйӧ: отряд да полк водзӧ пырӧдчасны тундраӧ, медым сӧсса веськавны немечьяслы тылӧ. Медся водзын мунӧ мян взвод, а взводас — тэнад отделение.

Сӧсса перйӧ карта да индалӧ, кызди кутасны мунны водзӧсӧ:

— Первой веськӧдчам Ыджыд тылань, сы бӧрын кежам лунвылӧ, то эсийӧ джуджыд мылькланьыс.

— Гӧгӧрвон,— докнитіс юрнас Кисляков да видзӧдліс зумыша куйлысь взводса командир вылӧ. Дерт, эз вӧв кокни ӧні Колодницкийлы. Отрядын унаӧн тӧдісны, мый сийӧ Белоруссияысь, мый фашистъяс виӧмаӧсь сылысь став рӧдвужсӧ.

Кисляковлӧн отделение, содтӧд граната-патрон босьтӧм бӧрын, петіс туйӧ, мӧдіс писькӧдчыны тундраті. Сы бӧрся вӧрзисны отрядлӧн и мукӧд взводъяс.

Мунісны видзчысьӧмӧн. Он ӧд тӧд, кысянь вермасны уськӧдчыны фашистъяс. Дзик отделение нырас восьлалысьяс Иван Зинченко да Василий Кухарев дасьӧсь вӧліны быд здукӧ юӧртны немечьяслӧн петкӧдчӧм йылысь. Но гӧгӧр вӧлі чӧв-лӧнь. Сӧмын кӧнкӧ бокрын, шуйгавылын, кыліс уткаяслӧн герчкӧм. «Тыис, тыдалӧ, матын»,— мӧвпыштіс Кисляков. Неуна муныштӧм бӧрын морякъяслӧн кок улын кутіс больскины-чурскины ва. Ковмис ньӧжмӧдны воськовъяс, мед мунӧм шыыс ылӧдз эз кыв. Ты дорӧ воӧм бӧрын кежисны асыввыв, фронтлань. Муніганьыс нин кыптіс-петіс сук ру. Морякъяслы ковмис пельнысӧ чошкӧдны. Ӗд быд здукӧ вермисны зурасны немечьяскӧд.

Муныштӧм бӧрын, виччысьтӧг, кыліс шорлӧн тӧльгӧм. Водзын восьлалысь Зинченко лӧптіс кисӧ да сувтіс. «Гашкӧ, егерьяс да?— чуймис-мӧвпыштіс Кисляков.— Ӗд мыльк дорӧдзис вель на ылын». И сийӧ жӧ здукӧ кыліс немечьяслысь сёрни. Ставӧн сувтісны. Но шуд вылад, гӧлӧсьясыс вочасӧн ылыстисны, найӧ быттӧ кайисны вывлань. Сідзи и вӧлӧма. Шорсӧ вуджӧм бӧрын водісны васӧд нитш пиӧ. А кор руыс кутіс разавны, отрядса морякъяс казялісны: найӧ куйлісны дзик мыльк горулын. Кисляков эз на прамӧя удит та йылысь юӧртны взводса командирлы, воис нин индӧд: «Лӧсьӧдчыны атакаӧ кежлӧ!» И со морякъяс тӧвзӧны нин немечьяслань. Василий Кисляков котӧртӧ медводдзаяс лыдын. Ӗтар и мӧдар бокас — Зинченко да Кухарев, тонӧ Казанцев. Киас ручнӧй пулемёт. Чой паньдтӧ кайны абу кокни. Лолыд тырӧ, гимнастёркатӧ кӧтӧ пыдзырт. Но мыйла чӧв олӧны фашистъяс? Гашкӧ, пышійисны да? Сӧмын на та йылысь удитіс мӧвпыштны Кисляков, кызди сярӧбтісны немечьяслӧн пулемётъяс. Кыкыс, тыдалӧ, гырысь калибръяса, камгисны-тоткисны веськыда Кисляковлӧн отделенияса морякъяс кузя. Сӧмын здук кежлӧ шӧйӧвошлісны боецъяс. Ӗти дорас уськӧдчисны Кисляков, Кухарев да Зинченко, мӧд дорас кыссисны Васин да Казанцев. Грымӧбтісны граната шыяс. Немечьяслӧн пулемётъяс ланьтісны. Дзик нин мыльк йылас сьвкйысис кӧрт шерӧн изйісь тӧчӧм дзот. Юрсӧ лӧптыны оз вермыны морякъяс. Сизьдӧ и сизьдӧ — лыйлӧ. Кисляков мӧдӧдіс Александровӧс, Занозинӧс да Кухаревӧс. Кытшовтӧй пӧ бӧрсяныс, шыбитӧй гоз-мӧд граната. Регод мысти дзот ланьтіс...

Ӗти кывйӧн кӧ, морякъяс вӧтлісны мыльк йывсьыс врагӧс, босьтісны асланыс киӧ налысь дзот-окопьясӧ. Но лолыштнысӧ эз удитны: мыльк йылӧ кутісны гылавны немечьяслӧн минаяс да снаряджяс. А сӧсса фашистъяс уськӧдчисны атакаӧ, зілісны бӧр босьтны ас кианыс морякъяслысь позициясӧ.

Кисляковлӧн боецъяс мый вынсьыныс водзасисны. Лыйлісны фа-

шистьяс кузя винтовкаясысь, шыблалісны гранатаяс. Уна немечъс чергōдісны отделениеса войтыр. Кутшōмкō кад кежлō чой вōсна тышыс лōньліс. Тыдалō, вōрōгъяс мудзисны, чукōртісны выньяс.

Василий лыйліс термасътōг, мед весьшōрō патронъяссō не видзны. А атакаяс косты, кор гōгōр лōньліс, ышōдіс боецъяссō, горōдлывліс:

— Бура кутчысям, ёртъяс. Пывсōдам фашистьяссō.

— Аддзанныд, кутшōм ойдйō пышйōны немечъяс. Кужōны тай котравнытō.

— Стōча лыйсōй. Весьшōрō патронъястō энō видзōй! Фашистлōн юрыс оти пуля дон и сулалō.

А немечъяслы, тыдалō, отсōг воис. Найō бара уськōдчōны мыльк йывлань, зильōны путкыльтны-вōтлыны морякъяссō. Пыр сьōкыдджык и сьōкыдджык кутчысыны миян салдатъяслы. То огилаын, то мōдлаын кылōны ранитчōмаяслōн ойзана гōлōсьяс. И со воис морякъяслы индōд: бōрынтчыны шор дорō, кытчō локтōны 325-ōд полклōн вынтыс. Отрядса боецъяслы, дерт, жаль вōлі кольны тайō мыльксō. Од мыйта вир лои кысътōма.

— Энō шогсōй вай,— пырис сёрниō Колодницкий.— Со кызди зыртчō немечыд, мыйта вын татчō веськōдіс. А кыс найōс босътіс? Та вылō ми, дерт, оні вочавидзны огō вермōй, но отитор ясыда тōдчō — ми ас вылō кыским-босътім врагысь вель ыджыд вын.

Бōрынджык тыдовтчис: тайō тадзи и вōлōма. Флотōн юралысьяс радиोगраммайн атгбалисны морякъяссō повтōг тышкасьōмысь, юртісны, мый немечъяслōн Мурмансклань водзō писькōдчōмыс джōмдōма. Кисляков адзис, кутшōма нимкодясисны отрядса войтыр, югыд биōн оэйисны морякъяслōн синъяссыс. Медводдза тышыс петкōдліс — миян салдатъяс оз повны фашистьяссысь, кужōны пōвсавны-нōйтны найōс.

Лун кык-куим бōрын, тышъяс лōньōм мысти, Василий Кисляков унаысь мōвпыштліс сы йылысь, кызди сылōн отделениеса боецъяс кутісны асынысō атакаō мунігōн. И ачыс быттчō эз пов, пыр вōлі медся водзын. Дерт, быдторйыс вермис лоны. Пуляыд оз юасы, том либō пōрысь тэ, эм-ō мам-батыд, челядыд. Кор гōгōр гымгō-шутьялō, кор сяргōны пулемётъяс да му бердсысыс юртō он вермы лэптыны, сьōлōмыс татшōм здукъясас Василийлōн топавліс жō. Но сійō лōньōдліс асьсō, ойдйō венліс полōмлунсō.

Од сы вылō видзōдōны томджык ёртъяссыс, од бōрынтчан кō, фашистьяслōн кучик сапōгыс талаялас чужан му...

Медводдза тышыс ышōдіс йōзōс, взводса командир медбуръяс лыдын пасійс Кисляковōс, сылысь ёртъяссō — Александровōс, Васинōс, Зинченкоōс, Лобановōс да Седовōс.

Мыльк вōсна косъ бōрын немечъяс лōнисны. Эз вōв гōгōрвоана, мый налōн юрас: гашкō, чукōртōны вын водзō писькōдчōм могысь, кōс-йōны топōдны десантникъяссō море бердō, гашкō, водзōсō мунны думныс абу, кодйысьōны муō, вōчалōны дотъяс. Десантōн воысь йōз кадсō эз жō весь коллявны, лōсьōдалісны окопъяс, весалисны пулемёт-автоматъяс. Муртса на кодйысисны-топōдчисны му бердō, Кисляковлы бара нин уджыд вичмис — сылы сетісны дас вит мортōс да тшōктісны пыравны немечъяслōн тылō, сюся видзōдлыны, мый сәні вōчсō, торйōн нин Титовка посёлкосянь Мурманскō мунан туй вылын, а жугōдны-орōдны фашистьяслысь связъ линия. Отрядса командир Симоненко веськыда шуис тылō мунысьяслы:

— Миянлы зэв ёна колō тōдны, мый кōсйōны вōчны фашистьяс. Ме эска: ті пыртанныд олōмō пунктōм могсō.

— Быд ногыс кутам зильны, старшōй лейтенант ёрт,— вочавидзис Кисляков.

Туйō петісны водз асылын. Сьōкыд нопъяс эз босътны. Оружие пивысь винтовкаяс, оги ручнōй пулемёт да гранатаяс. Бōрыннас нин ёна кайтчисны, мый вуномабсь минаяс. А натōг нō кызди кутан телепон сюръясстō пōрōдны? Но олōмыд быдторйō велōдō...

Кōтъ и немечъяс матын вōліны, Василий Кисляков сяммис ойдйō да гусьōн петкōдны десантникъяссō налōн тылō. Луннас нин воисны пась-

кыд туй дорё. Гөгөр вёлі лонь. Туй вылын некөд эз тыдав. Сөмын нора да кузя жувгисны телепон сутугаяс.

— Кадсё весьшөрö огö кутöй воштыны, орöдам проводъяссö,— тшöктис боецъяслы Кисляков.

— Вай ме кавшасъла сюръя йылас,— вöйысис Иван Зинченко.— Жугла чашкаыссö, нетшышта сутугаяссьö.

Кöть эськö и вель ён вёлі Иван, но сълөн нинöм эз артмы, зесигштык отсөгөн. Сэки көрталисны öти чукөрö некымын граната да шыбитисны сюръя улö. Сийö пöлыньтчыштис сöмын. Мый вöчны? Тайö юалöмыс йирис Василий Кисляковлысь вежöрсö. И сэки кодкö быттьö тойыштис бокас: а, гашкö, винтовкалөн пуляыс орöдас проводъяссö? Некымын боец бура метитчисны да камöбитисны сынöдö. Шунгысь сутугаяс орины, везъяс моз öшйисны мулань... Кисляков весьшөрö кадсö эз вошты, тшöктис дзесбыны аслас ёртъяслы туй бокö, а петкöдчасны кö немечьяс, виччысьтөг уськöдчыны на вылö.

— Пемдыштас мед-а, сэки кокниджык лöө топöдны немечьястö,— висъталис старшöй сержант морякъяслы.

Дыр куйлисны-виччысисны туй бокрын. Муртса на шондыс катовтчис енэжтаслань, Титовка посёлөкланыс тыдовтчисны вöла-доддяяс. Мунисны тэрмасътөг, тыдалö, эз виччысьны, мый налөн тылö вермисны пырны миян салдатъяс. Кор вöла-доддяяс воисны засадаын куйлысь морякъяс весьтöдз, Кисляков öвтыштис кинас. Грымöбитисны винтовкаяс, сяргыны-таргыны кутис ручнöй пулемёт. Додьясын пукалысь егеръяс шыйöвошлисны: öтияс шыбитчисны пышйыны, мöдъяс ляскысисны му бердö, коймöдъяс воча лыйсисны. Но виччысьтөг уськöдчöмьд ёна отсалис матросъяслы: немечьяслөн водзсасьöмыс вочасөн лönис.

Öти боксянь кö, бур, дерт, мый Кисляковлөн боецъяслы мойвиис венны фашистъясöс. Да сэтшöм öдйö! Мöд боксянь кö видзöдлыны, найö öд разведкаö петисны, колис и пленö кодöскö босьтны, чинаджык немечöс. А кор Кисляковлөн морякъяс кытшовтисны кось местасö, егеръяс пöвстысь ловъяыс эз сюр. Ставнысö клопöдöмаöсь-лыйлöмаöсь пöсь йывсыд миян боецъяс.

— Кöть нин документъяссö чукөртöй,— тшöктис шогö усьöм Кисляков.— Додьяссö сюзя видзöдлöй и.

Здук-мöд мысти сы дорö котөрөн локтис Зинченко.

— Энö шогсьöй, старшöй сержант ёрт. Öти офицерлөн сумкасыс со мый сюри,— и петкöдлис сургуча конверт. Сöмын та бöрын Василийлөн личалис сьлöмыс.

Морякъяс öдйö чукөртисны додьясысь сёян-юан, граната-патрон да мөдöдчисны бөр, асланыс отрядлань. Петисны вөрöглөн тылысь кокниа, тыш-зыктөг. Василий Кисляков пыр жö корсис отряда командир Семеновкөбö да висъталис сылы, мый найö адзлылисны, кыздис уськöдчылисны вöла-доддя немечьяс вылö, кутшöм документъяс вайисны.

— Позьö шуны, пуктылөм мөгсö тi пöртинныд олөмö,— вöськовтис Кисляковлань отрядса командир да топöдлис старшöй сержантлысь кисö.— Висъталöй мясянь бур кывъяс, ошкыштöй тылö ветлысь морякъяссö. А тэ мун вай взводад. Немечьяс, тыдалö, мыйкö дасътöны. Гашкö, уськöдчыны көсийны да.

Кор Кисляков воис аслас отделениеса боецъяс дорö, гөгөр нин грывамакылис: немечьяслөн минаяс да снаряжъяс парсалисны изъя мусö, вылöдз кыпöдлисны посни пуяслысь орийöдлөм вожъяссö, лөп-ёг. «Оз весьшөрö тадзисö нетшысьны»,— мөвпыштис ас кежсьыс старшöй сержант да чышкыштис плеш вывсьыс чепöсийм пöсьсö. Вёли буретш гожöм шөр, июль 24-öд лун..

Десантникъяслөн отряд сулалис бура джуджыд мыльк йылын. Морякъяс — дошлöй йöз. Найö кадтö весь оз воштыны, пуля-осколоксыд вель пыдö кодйысьöмаöсь изъя муö. Июль 24-öд лунö, водз асывсянь, немечьяс кутисны зыртчыны морякъяс вылö. Бура тöдчис: враг зильö вöтлыны десантөн воысьясöс налөн мыльк йылысь, удайтчас кö, топöдны море бердö да вочасөн бырöдны. Бөръя кадö разведка тöдмалöма, мый немечьяс корöмаöсь татчö содтöд вынъяс: мөдöд горно-егерскöй

дивизияысь некымын подразделение, финнъяслөн 14-ӧд полкысь батальон, резервысь некымын взвод.

Водз асывнас немецьяс быттьӧ йӧймисны — уна дас мина да снаряд швачкысис мыльк вылӧ. Некымынысь найӧ уськӧдчылісны атакаӧ, гыӧн-гыӧн кавшасисны мыльк йылӧ, но морякъяс повтӧг водзсасисны. И век жӧ немецьяс вӧліны ӛна унджыкӧнӧсь. Позис нин казавны, мый десанникъяслӧн выныс враглӧн быд уськӧдчылӧм бӧрын вочасӧн чинӧ. Стӧч тайӧ кадӧ котӧрӧн сорӧн и воис аслас отделениеса боецъяс дорӧ Василий Кисляков. Немецьяс недыр кежлӧ ланьтлісны, чукӧртисны вынъяс, медым бара уськӧдчыны сопка йылӧ. И колӧ жӧ тадзи лоны: отделениелӧн ручнӧй пулемӧт пыткас мыйкӧ торксыӧма. Василий кватитіс пулемӧтсӧ, разис, видзӧдаліс гӧгӧрбок. Сюсь синмыд пыр и казалис, мыйын делӧыс. Пулемӧтчиклы отсасысьыс, том матрос, тыш водзас тэрмасыӧмӧн чукӧртӧма ӧружисӧ. Асьсӧ жӧ, пулемӧтчиксӧ, кось пансытӧдзыс на виӧмаӧсь. Минаысь кӧрт ӛкмыль сатшкысьӧма юрас...

Кисляков гӧгӧрвоис, мый пулемӧтыс абу жугалӧма, сійӧс лӛк ногӧн тӛчӧмаӧсь-чукӧртӧмаӧсь. Регыд мысти старшӧй сержант куйліс нин аслас ӛртъяскӧд орчӧн, пулемӧтлӧн сьӧд стволыс скӧрысь дзоргис морякъяс дорӧ кавшасысь немецьяслань.

Первойсӧ найӧ матыстчисны видзчысьӧмӧн, полисны, тыдалӧ, десанникъяслӧн стӧч пуляясысь. А сӛсся ӛнасӧ эз нин кутны дзебсясны. Гашкӧ, думайтисны, мый водзсасысьыс пышійсны мыльк йывсысь, гашкӧ, мӧвпалісны, мый став морякыс юрсӧ пунктіс мина-снаряд улын да... Со немецьяс дзик нин матынӧсь. Бура тыдалӧны налӧн векыштчӧм чужӧмъяс. Сӛки Кисляков и ӧвтыштіс кинас аслас ӛртъяслы — лыйлӧй пӧ, свинеч шерӧн вӧтлӧй егерьясӧс мыльк увланыс.

Сярӧбтіс пулемӧт, шковгыны кутісны винтовкаяс. Немецьяс кок улӧ лӛзисны десанникъясӧн шыбитӧм гранатаяс. Ӑти бӧрся мӧд гылалісны муӧ егерьяс. Ловійӧн кольӧмаяс эз кутны пудъявны ассыныс олӧмнысӧ, уськӧдчисны бӧрлань, дзебсясисны изъяс костӧ. Кутшӧмкӧ кад кежлӧ лӧньлісны. Но эз дыр кежлӧ. Регыд мысти бара уськӧдчисны Кисляковлӧн морякъяс вылӧ. Ӑніяысьсӧ мудерджыка нин матыстчисны десанникъяслань. Дзебсясисны изъяс сайӧ, кыссялісны. А старшӧй сержант ышӧдіс отделениеса морякъясӧс: огӧ на пӧ сетчӧй вӧрӧг киӧ, путкыльтам и тайӧ гысӧ, кодӧ ызгӧмӧн локтӧ миянлань. Ачыс сюся видзӧдіс немецьяс бӧрся, шыблаліс гранатаяс, лыйсис воча. Егерьяс эз вермыны кайны-кавшасыны мыльк йылӧдз, морякъяслӧн пуля-гранатаяс сувтӧдісны найӧс...

Тайӧ уськӧдчылӧм бӧрын немецьяс ланьтисны. Но дыр-ӧ кежлӧ? Та йылысь некод нинӧм шуны эз вермы. Кисляков отделениеын гоз-мӧд мортӧс виисны нин, ойзісны ранитчӧмаяс.

— Патрон-гранатаным ӛтша зӛв коли,— сьӧкыда ышловзис отделениеса командирӧс вежысь Кухарев.— Кодӧскӧ колӧ отсӧгла мӧдӧдны

Старшӧй сержант, дерт, гӧгӧрвоис: немецьяс кӧ выныштчасны, шы битасны отделениелы паныд содтӧд йӧзӧс, сӛки лӛк лоӧ. Дзикӧдз тс пӧдасны. Ачыс шыӧдчис ловійӧн кольӧм морякъяс дорӧ:

— Кутам виччысьны отсӧг. Но ӧни ставыс ас саяным. Кутам дорйысьны бӧръя мортӧдз!

Ачыс Кисляков быттьӧ велаліс нин немецьяс дорӧ, эз пов наысь. Торійӧн нин на тылӧ пыралӧм бӧрын, кор морякъяс уськӧдчылісны егерьяслӧн вӧла-доддаяс вылӧ. Позьӧ, позьӧ, вӧлӧм, немецьясыдлысь водзӧс босытны, пӧвсавны-нӧйтны найӧс.

Со егерьяс бара кыпӧдісны юрнысӧ, зильӧны нырыштны ловійӧн кольӧм матросьясӧс. Налысь тайӧ уськӧдчылӧмсӧ отделениеса боецъяс сьӧкыда нин венісны. Недыр мысти Занозин, кодӧ видзӧдіс немецьяс бӧрся, горӧдіс Кисляковлы: миянӧс пӧ, тыдалӧ, дзикӧдз кытшалӧны. А взводӧ мӧдӧдӧм моряк быттьӧ му пырыс муніс. Сӛки Кисляков мӧдӧдіс отсӧгла нӧшта ӧти морякӧс. Час джын мысти — коймӧдӧс. Василийлӧн сьӧлӧм вылӧ быттьӧ из ӧшійс. «Гашкӧ, миянӧс дзикӧдз топӧдісны да? Петны кытшысь оз позь», — мӧвпаліс Кисляков. Со и ловья йӧзыс ӛтша коли, патронъяс да гранатаяс быран выйын.

— Тыдало, о́ні тэныд ковмас мунны, некод бо́рсо эз во,— шыо́дчис Кухарев до́ро старшо́й сержант.

Кухарев сяммис писько́дчыны немечьяс пыр, но асесье взводсо́ эз аддзы. Кыдзи тыдовтчис бо́рынджык, мукод отделениеясо́ немечьяс топодо́маось жо́. И вель чорыда. Сэки взводса командир, старшо́й лейтенант Симоненко, тшо́ктома взводлы вешыны мо́длао, рытывывлань. Мо́додло́маось эсько́ Кисляков ордо́ кык моряко́с, связнойясо́с, но найо́ абу вермо́маось писько́дчыны мыльк дорйысьяс до́родз, усьо́маось.

Кухарев воис бо́р да висьталіс Кисляковлы: ми по́ кытшыно́сь, го́гөр немечьяслон се́рни кылө.

— Воштыны миянлы нинө́м. Кутам водзсасыны. Кытчө́дз вынным тырмас,— шыо́дчис боеця́с до́ро старшо́й сержант.

— Ого́ жо́ сетчө́й во́рогьяслы,— горө́дис аслас око́пянь Зинченко.— Кор патроньяс помасясны, кио́ шык босьтам. Мед видласны мияно́с венны.

Бура дыр на кутчысисны мыльк йылын Кисляковлөн боеця́с. Весиг ранитчө́м морякьяс водзсасисны враглы паны́д. Но со и воис сийо́ здукыс, кор лангы́сны винтовкаяс. Ни ө́ти патрон эз коль. Со́мын некымын диск на кийн во́лі. Пулемө́т до́ро. «О́ні ставнымлы тани́ нинө́м во́чны,— думайтис Кисляков.— Мед мунасны...» Висьталіс та йылысь Кухаревлы. Сийо́ мо́дліс эсько́ пыксыны, но Кисляковлөн е́сь видзо́дласыс висьталіс: отделениеса командир во́час сідзи, кыдзи мо́впыштис. Василий кольө́дис аскө́дыс Александрово́с, Зинченкоо́с, Седово́с да Фокинө́с. А Кухаревлы тшо́ктис ловйөн кольө́м матросьяскө́д петны кытшысь, писько́дчыны ас йө́з до́ро.

Кисляков да мыльк йылө́ кольө́м боеця́с гугө́дисны зепьяснысо́, видзо́длісны быд око́п пельсо́, быд ноп лукйисны. Мыйсюро́ налы кольо́ма на. Морт выло́ воис куим-не́ль патронөн да ө́ти гранатаөн.

И сэки немечьяс бара усько́дчисны кытыр мында морякьяс выло́. Кыдзко́ да мыйко́ и тайо́ атакасо́ удайтчис венны. Та бо́рын кө́ть изьясо́н во́лі лыйсы. Со́мын Василий Кисляковлөн коли пулемө́т до́ро некымын диск. Старшо́й сержант видзо́дліс аслас е́ртьяс выло́ да шуис лө́ня:

— Мунө́й, писько́дчө́й миянланьо́. Гашкө́, верманны́д да. А ме кутышта немечьясо́с.

Фокин мо́дліс эсько́ ропкыны, во́зйысис е́на — ме по́ кольчча. Кисляков, дерт, эз кут кывзыны сийо́с.

— Менам, думайта да, бурджыка артмас,— вочавидзис сийо́ Фокинлы.— Мойвиас кө́ петны татысь, пыр жо́ бо́р локто́й отсо́г выло́.

И со Василий дзик ө́тнас. Быдсо́н шуштө́м мортыдлы. Мый во́чны, тадзи артмис да. Гашкө́, бо́рья здукьяс оло́ во́льной светас. Бара кө́ усько́дчасны немечьяс атакао́, ө́тнадлы зэв сыо́кыд лоо́ водзсасыныто́. Но сийо́, Печора вылын чужло́м-быдмо́м зон, фашистьяссы́д оз пов. Уналысь на кувто́дзыс ловсо́ босьтас.

Медводз, дерт, Василий бара кытшовтис го́гөр. Тышын усьө́м боеця́сслысь чукө́ртис винтовкаяс, аддзис на патроньяс и. Недыр мысти сы водзын куйлісны пулемө́т до́ро не́ль диск, куим винтовка, квайт граната, винтовкалы дас патрон. Сідзкө́, позяс на черго́дны гоз-мо́д фашисто́с.

Немечьяс чо́в олісны. Василий бура го́гөрвоис: дыртө́ найо́ оз кутны нюжмасыны. Аддзо́ны ө́д, мый водзсасысьясло́н вынъясыс пыр чинө́ны и чинө́ны. Сідзкө́, егерьяс шойччыштасны да бара кутасны вывлань кавшасыны.

Василий кыпо́дчис дзик мыльк йылө́дзыс, ас го́гөрыс пукталіс-разө́дис винтовкаяс, гранатаяс, киас босьтис пулемө́т. И сийо́ жо́ здуко́ кыпо́дчисны фашистьяс. Атакао́. Мудера зэв. Отпырйө́ кык боксянь. Василийны ковмис котравны ө́таро́-мо́дарө́, ур моз чечавны шутьялысь пуляяс улын, тэрыба шыблавны гранатаяс. Ылысянь кө́ видзо́дны, он и казаяв, мый мыльк йылын водзсасыө́ дзик ө́ти морт. Быттьо́ некымыно́н сэ́ни куйло́ны, яра водзсасыо́ны.

Кисляковлөн жувгис нин юрыс, сыло́мыс дась во́лі во́мо́дыс пет-

ны — сэтшөма чеччис-нөйтчис; кыис муртса кутіс доналөм пулемётсө, а немечьяс, быттө синтөм гутьяс, пыр кавшасисны и кавшасисны мылык йывлань. Василийлы кажитчис, мый найө лыдтөм-тшөттөмөсь. Кымын фашистлысь нин Қисляков ловсө босьтіс, кымынөс шырыштіс пулемөтысь, а фашистьяс нетшкысьөны водзө, мудз оз төдны. Со Қисляков бара лэптө пулемётсө, но сійө чөв оло, гөгрөс дискины ни өти патрон абу кольөма. И диски тайө бөрья. Мед бөрья кө! Но и пулемөтыс вөрөг киө оз веськав. Қисляков торйөдлө юкөнъясө да шыблалө ас гө-гөрыс. Кватитө винтовка да лыйө из сайысь чепөсйысь фашистөс. Здук мысти сьлөн автоматыс старшөй сержант кыын нин. И нөшта некымын немеч турбыльтчөны изья муө. «Тыдалө, пом воис», — төвзис лөк мөвп Василий юрын. Чышкыштіс пөсьсө плеш вывсьыс до чорыда шуалис аслыс: «Но ме ловья на, ловья. Эм на со граната, эм ёсь штык. Кытшаласны кө, чөвта кок улө гранатасө. Унаөн на мунасны мекөд мөдар югыдас».

Немечьяс лөнисны, сылань эз матыстчыны, сөсся өти из сайсян горөдісны: «Русь, сдавайс!»

Қисляков бура кыліс немечьяслысь сёрнисө, чуқыртчыліс тайө пөж горөдөмсьыс. Вирыс пузис да сувтіс кок йылас, киргана гөлөсөн воча горөдіс:

— Ме тіянлы, чужан му пузувтысьяс, ловйөн ог сетчы. Морьякьяс морьякьясөн и кулөны...

Бөрья гранатасө вылө лэптөмөн Василий Қисляков воськовтіс фашистьяслы паныд, мыйлакө горөдіс на: «Рөдина вөсна. Взвод, ме бөрся. Ура-а!» Қызкө ставыс төдлытөг артмис, здук-мөдөн. Немечьяс шөйөвошлісны. И колө жө тадзи лоны — буретш сәки, кор Василий уськөдчис бөрья гранатанас фашистьяслы, сылы отөг вылө воисны десантникьяс. Враглы быть лон бөрыньтчыны...

Сөмын врагөс вөтлөм бөрын Қисляков тырвйө гөгөрвоис, кутшөм ёна сійө мудзөма. Ки-кокыс лигышмунөма, синьясы асьныс тупкысьөны, горшыс пакталөма. Быдса сизим час сьлөн отделение водзсасис егерьяслы паныд. Отрядса командир Семенов да Колодницкий, кор кытшовтісны мылыксө, шензөмпырысь шуалисны: Қисляков пө өтнас кутөма сө егерлысь водзө мунөмсө. Отнас венөма та мында немечөс!

— Аттыө ставсьыс, старшөй сержант ёрт, — топыда кутліс Василийөс отрядса командир. — Но и герой, но и герой!

Тайө лөөмтор йывсьыс пыр жө юөртісны флотөн командуйтысьлы. Регыд кывсис: Қисляковлөн отделениеса морьякьяслы шуөма сетны орденьяс да медальяс. Дзик быд мортлы. А Василий Қисляковлы — Сөветскөй Союза Геройлысь ним. Татшөм ыджыд награданас став Севернөй флот пасья сәки некодөс на эз пасйыны. Недыр мысти, кор паськыда нин кывсис Василий Қисляковлөн подвиг йылысь, роч поэт Владимир Карпенко сиис Коми муын чужлөм мортлы вель ыджыд кывбур. Шусьө сійө «Один против ста». Сәні эмөсь со кутшөм кывьяс (сетам рөчөн, оригинал сертыс):

...По синему-белым полоски  
Лежат на матросской груди.  
По синему небу — березки  
Белеют у них позади.  
Березки в безоблачной сини,  
Речушки спокойная гладь...  
Кусочек родимой России  
Нельзя супостату отдаты!  
...Встает он один против роты,  
Встает невредим под огнем,  
Как будто морская пехота  
Вся в нем уместилась одною.  
Встает он над Западной Лицей  
(Не каждый так мог бы посметы!)

И в ужасе драпают фрицы,  
Узрев «полосатую смерть».  
Бежали, сражаться не в силах.  
Осталась у нас высота...  
Когда за тобою — Россия,  
То можешь — один против ста!

1941 вося август 13-од луныс нэм кежлас йиджтысис Кисляковлөн вежөрö. Буретш сійö лунас Москваса радио юөртис: Василий Павлович Кисляковлы сетöма Сöветскöй Союзаса Геройлысь ыджыд ним. Ёна и радлісны ёртъясыс, командиръяс. Кутлісны, окалісны, нимкодясисны. И вöлі мыйысь: Севернöй флотын чужис-петкөдчис медводдза Герой.

Август 13-од луныс кык пöвста на лои шуда. Весиг ичöтджык Николай вокыс воліс Василий дорö. Орччөн вöлөм тышкасьö немечьяскöд, Кольскöй полуостров вылын. Квайт во эз адзысьлыны, а со орччөн пукалöны, варовитöны, казтылöны бать-мамсö, чой-воксö, Коми мусö. Лэбыштлыны эськö чужанінö, көть здук кежлö, дзик здук кежлö... Но сöмын во мысти Василий волас Комиö, Печора вылö. А таöдз ёна на ковмис сылы тальявны сьöкыд да вирөн ойдөм война туйяс. Сержант-сянь быдмыны офицерöдз, бара командуйтны взводөн, сэсса ротаөн, веськөдлыны батальонса штабөн... Некумынысь ранитчывны, вöтлыны немечьясöс Войвыв Норвегиясыс. А чужанінас ветлөм бöрын Василий Кисляков водзö тышкасьö фашистъяскöд. Став вынсыс, повтөг, сьöлөмсяныс. Сійö оз зіль мукöд моз корсьны дöнь пельбис, медым ланьтöдчыны, виччысьны война помсö. Кор тышъясыс помасисны Полярнöй кытш дорын, Василий Павлович пыр жö шыöдчö Военно-Морскöй Флотөн командуйтысь Н. Г. Кузнецов дорö да корö, медым сійöс мөдöдасны немечьяскöд тышъяс мунанінö. Адмирал оз пыксы, гөгөрвоö геройöс. Василий Кисляковс вуджөдöны Дунайскöй Флотилияö. Сэни сійö бара жö веськалö морскöй пехотаö, командуйтö взводөн. Вöтлö фашистъясöс Румыниясыс, Венгриясыс, Австриясыс. Победа Василий Кисляковс суис Вена карын.

...Вöлі мича тувсов лун. Югъяліс шонді. Ставөн нимкодясисны, бөрдісны, окасисны. Василий Кисляков мукöдысь эз жö кольчы. Син водзтыс тöвзисны-мунісны война лунъяс, усьöм ёртъяс, сьöкыд тышъяс; сувтліс син водзас и сійö изъя мылькйыс, кодöс мый вынсыс дорйис фашистъясысь да ачыс муртса ловйөн колис. Быттьö ичöтик мылькйыс абу и сэтшөм колана. А со тай, тупкис морöснас сійöс Василий, эз сет вөрөг киö. Эз сет, мед көть кулі сэні, вирөн ойдіс. Од тайö синмö шыбитчытөм мыльк саяс — миян чужанін, мам-бать, миян Рөдина.

Тадзи мөвпаліс Василий Кисляков Победа лунö, Коми мусянь ылын-ылын, Вена карын. Повтөм морт, миян Коми муысь медводдза Сöветскöй Союзаса Герой.

\* \* \*

Война кусөм бöрын Василий Павлович дыр на эз янсöдчы флоткөд. Велöдіс фронтовикъяс пыдди воөм том морякъясöс, зілис, медым найö кужөмөн да повтөг, кызди и война пыр мунөм зонъяс, сяммисны дорйыны вөрöгысь чужан мунимöс. Запасö муніс Кисляков сöмын 1955-од воын, сэки сійö вöлі капитан нин.

Гөтрасьліс Победа лун бöрын, овмөдчис Москваö. Чужтісны-быдтісны Елена Ефимовнаыскöд кык пиöс да кык нылöс. Ачыс Василий Павлович некутшөм делöсысь эз пов. Первойсö стрöитіс Москваын метро станцияс, сэсса уджаліс «Красный богатырь» да «Каучук» заводъясын. Вöлі заготовщикөн, контролёрөн, вальцовщикөн, сюрліс и вöчны сьöд удж. 1985-од воын петіс пенсия вылö.

Комиöдіс А. УЛЬЯНОВ.

## Фронтовиклөн письмояс висьталöны

Сыктывкарса Печать керкаын пос кузяыс кайигөн синмас быдöн-лы шыбитчö мемориальной пöв, кытчö пасйöма Великой Отечественной война вылын усьöм журналистъясöс — 10 мортöс. На пиысь öтикöд менö тöдмöдлiсны архивса документъяс, и öнi окота лои висьталыштны тайö морт йывсьыс.

...1988-öд воын вöвлöм партийной архивö воис Пензаысь Л. Д. Рогановалiст письмö: «...Менам мам унаысь гаравлис, мый батынымöс, журналист Дмитрий Ильич Зезеговöс, репрессируйтлöмны да партиаясь вöтлöмны дзик нинöм абусьыс. Тайö мöвпъяснас мам мунис олöмсьыс вит во сайын. А ме ловъя да кöсья тöдны став правдасö. И тайö колö не сöмын меным, но и менам челядылы, став рöдвужлы...»

Архивса документъясысь тыдовтчис, мый Д. И. Зезегов чужлöма 1903 воын Кулöмдiн районса Руч сиктын шöркодя олысь крестьянинлөн семьяын. Велöдчылöма земской начальной училищеын да мыйкö дыра ветлöдлöма Дереваннойса второклассной школаö. Уджавнысö заводитöма сельсöветса делопроизводительöн, а 1920 воын сиктса скод шуöмөн сийöс мöдöдöны велöдчыны ликбезлөн курсяс вылö. Курсьясö помалöм бöрын кык во гöгöр сийö ачыс велöдö неграмотнойясö да малограмотнойясö. Сэсяя во гöгöр уджалiс вöрын, сортовка вылын, кöни сийöс (1923 воын) примитiсны комсомолö. Партияö кандидатөн нин велöдчис областной совпартшколаын. 1925 воын Дмитрий Ильич, зиль общественник, лöб коммунистической партиаяс членөн, а регыд мысти сийöс босьтiсны Красной Армияö. Армияс кык во служитöм бöрын во чöж веськöдлö Ручса партъячейкаөн, селькоралö, а 1928 воын Дмитрий Зезеговöс мöдöдiсны велöдчыны Москваö, журналистъясöс дасытан институтö, кодöс помалiс 1930 воын гöрд дипломөн. Гортас воём бöрын Дмитрий Ильич — «Коми колхозник» газетса редактор, а сэсяя «Вöрлэдзсысь» газетын видз-му овмöс отделөн веськöдлысь.

МТС-ясын политотделъяс котыртöм бöрын партиалөн обком 1934 воын мöдöдö Д. И. Зезеговöс Порубса МТС-ö политотделса начальникöс вежысьөн, а мöд вося августын сийöс бöрийсны ВЛКСМ обкомса секретарөн. Тайö каднас Дмитрий Ильич вöли пыдди пуктана, авторитетной ёртөн. Нель во чöж сийöс бöрийлысны партиалөн Сыктывкарса горкомö, 1935 вося сентябрын Дмитрий Зезегов — партиалөн обкомса член.

И сэк нем виччысьтöмтор лои: обкомö воис Дмитрий Ильичöс суклялана гижöд. Партийной комиссия, НКВД-лөн областной управление да Северной крайса госбезопасностьысь уполномоченной заводитiсны корсьны Д. И. Зезеговлысь революция да Советской власть водзын мыжъяс. Следствиесö нуöдысьяс чукортiсны 20 сайö свидетельöс да зэв ёна зiлисны пуксьöдны дзескыдинö на киö веськалöм мортöс. И кöть Дмитрий Ильичöс мыж абутöм вöсна пуксьöдны эз удайтчы, сийöс чорыда чирыштiсны: 1935 вося декабрь кызьöд луно партиалөн Сыктывкарса горкомлөн бюро шуис вöтлыны Д. И. Зезеговöс ВКП(б)-ысь. Со мый көвъялöмась Д. И. Зезеговлы: сийö быттьокö петлöма контрреволюционеръяс да кулакъяс пиысь, век на кутö йитöдъяс баты-мамыскöд, кодъяс сувтöдöны йöзсö колхозъяслы паныд, оз öтдортчы классово-враждебной рöдвужсысь...

Ми öнi тöдам, мый С. М. Кировöс виём бöрын став страна пасьта заводитiсны корсьны «врагъясöс», уна коммунистöс да беспартийнойясö нинöм абусьыс йöртлiсны дзескыдиньясö. Зэв кокниа «кулакавлисны» быд бурджыка олысь крестьянинöс — торийөн нин сийöс, кодi оз тэрмась пырны колхозö — нимтылысны «классово-враждебной элементөн».

Дмитрий Ильич тöдiс, мый партия водзын сийö нинöмөн абу мыжа,

некымынысь шыасьліс выліджык партийной органъясё, но весьшөрö. Обком, Северной крайком да ВКП(б) ЦК-лөн партийной комиссия лыддисны Сыктывкарса горкомлысь шуёмсö стöчöн, коланаөн, и сöмын 1990 вося июнын КПСС Коми обкомлөн бюро правдайтис Д. И. Зезеговс.

Партияысь вöтлöм бöрын Дмитрий Ильичöс бөр корисны уджавны «Вөрлэдзсысь» газет редакцияö. Дерт, сийö кадö вöли индöд, мый журналисты быть колö лоны коммунистөн, но Дмитрий Зезегов, областынь медводдза профессиональной журналист, чöжис нин удж вылас вель ыджыд опыт, лои бур мастерөн, и журналистыяс радпырысь примитисны сийöс асланыс семьяö. И Дмитрий Зезегов уджаліс газетас войнаöдз, вöли весиг отделса веськöдлысьöн.

Дмитрий Ильич журналисталис 14 во гөгөр да коліс ас йывсыс бур паметь. Сылөн ёртъясыс — Н. Максимов, Ф. Паршуков, Н. Пунегов, С. Попов, В. Сельков — бöрынжык бур кывъясөн казътылісны сы йылысь. Фёдор Паршуков гижліс: «Сийö ёна радейтліс асысыс делöсö. Вермис уджавны мыйта колö, век вöли принципиальнойён — татшöм сылөн öбичаыс, некор шөгö эз усылы, ёна радейтліс олöмсөн. Сийö вермис любöй кадö котыртны колана гижöд, кужліс ёна серавны да эрдöдны тырмытöмторъяс. Век вочавидзліс уджалысь йöзлөн письмöяс вылö, вермис кö, и отсавліс. Сылөн вöли уна отсасысь — сиктса да рабочöй корреспондентъяс...»

Зэв пöся казътыліс Дмитрий Зезегов йылысь и Василий Сельков: «Менö корисны уджавны «Вөрлэдзсысь» газетö литературной сотрудничкөн сийö отделса, кодөн веськöдліс Дмитрий Ильич. Сийö вöли нин сэки профессиональной журналистөн.

Дерт, том йöзлөн эз быдтор öдйö да бура артмыв, но Зезегов некор эз дözмыв на вылö, эз кыпöдлыв гөлöссö, а век зіліс отсавны... Помнита, сэкса редактор Николай Павлович Попов (Жугыль) тшöкыда шулывліс: «Велöдчöй, кызди кыпöдны газетад тематö, Дмитрий Зезеговлысь. Олöмас колö пырöдчыны, выльсö аддзыны...» Онъя ногөн кö, «наставник» кывйыд сылы ёна лöсяліс. Ставнымлы сийö вöли ыджыд ёртөн да бур веськöдлысьöн...»

Казътывліс Дмитрий Ильич йылысь и С. А. Попов, öнi Коми Республикаса народной поэт. Кодыр сийöс, том журналистöс, мöдöлісны Зезеговкöд öтлаын Емдін районса öти колхозö, Дмитрий Ильич быд ногыс зіліс отсавны том ёртыслы: «...Кыпыд вöраса, некор мудз тöдтöм, ыджыд опыта нин журналист, велöдіс менö, кызди колö чукöртны материалсö, кодкöд сёрнитны. И, кызди ме сэки казялі, сы дінö йöзыс асыныс локтісны...»

Войнаöдзсыс Дмитрий Ильич гöтырыскöд, история да география велöдыськöд, да Лия нылыськöд олісны зэв дзескыда — Интернациональной уличавывса кык судтаа пу керкаын, öти жыръя квартираын. Дзескыдлунысла Дмитрий Ильичлы рытъяснас да весиг шойччан лунъяснас ковмыліс дыр пукавны редакцияс. Сэки сийö журналисталисьыс öтдор комиöдöма роч художественной книгаяс. Лия нылыс казътылö, мый батысь вуджöдлöма коми кыв вылö В. Катаевлысь «Белеет парус одинокий», А. Дюамалысь «Три мушкетёра» книгаяс, нöшта мукöдтор. Д. И. Зезегов, дерт, эз вермы вунöдны, кутшöма дойдлісны сийöс партийной органъясөн веськöдлысьяс партиясыс вöтлöмөн, но век жö сийö и водзö зіліс сетны став вынъяссö выль олöм стрöйтöмлы, уджаліс зэв сьöлöмсянныс да честной, кольліс аслас Рöдиналөн збыльысь патриотөн. Торйөн нин тыдовтчис тайö война воясö.

Красной Армияö сийö мунис война заводитчöмсянь регыд мысти — июль 11 лунö:

Гортсаясыс зэв тöждысьöмпырысь видзöмаöсь сылысь армейской письмöяссö, а Лия нылыс сетöма найöс Коми республиканской краеведческой музейö. И тайö письмöясысьыс öнi тыдовтчö Дмитрий Ильичлөн водзö олан туйыс. Став письмöыс нелямынысь унджык, гижöма найöс уна лыда

посниторяс вундтөг некымын лист бок вылө, сөмын некымынөс тэр-масьмөн пасйыштөма открыткаяс вылө.

Фронтвиклысь письмөяссө лыддигөн быттьо кылан сылысь сёрни-сө, сэкса сьокыд кад йылысь висьтсө, и син водзад ясыда сувтöны воин-лөн кузь туйясыс, сьёлөмөдз йиджöны сьлөн мөвпьясыс, водзö вылө надеясыс да думьясыс, вөрзьөдöны сьёлөмтö.

Письмөясас сийö, дерт, медвойдөр тöждысис аслам семья йылысь, радейтана гöтыр да нывка вöснаыс, налөн тыр-бур олөм йылысь. Быд пöрийö сийö зилис мөдöдны налы ышöдана юбрьяс — мый сийö ловья да дзоньвидза; эскөдö, мый врагöс регыд лоö пасьвартöма, и сийö локтас гортас; юасис гортсаяслөн олөм йылысь: дзоньвидзаöсь-ö найö, оз-ö висьны, ёна-ö топыд сёян-юанысь, көм-паськөмысь, ас кадö-ö сетöны сьом сьлөн офицерскöй аттестат серти. Корис гижны карса став выль-торьяс йылысь, ёртьясыс да рөдвуж йывсьыс.

Медводдза письмөсö Дмитрий Ильич гижис гортсьыс петөм бöрын кык лун мысти, юөртис, мый паракодөн найö Котлассянь мунöны Архангельскö. А август заводичигөн сийö гижö гортас, мый газетьясын ухжалысь ёртьясыскөд — Паршуковкөд, Поповкөд, Муравьёвкөд, Доронинкөд, Фёдоровкөд — Вөлөгдаын прöйдитöны войскöвöй подготовка кузя дженьыдик курсьяс. Некымын лун мысти сийö юөртö: «Матысса луньясö мянөс мөдöдасны воинскöй частьясö. Кытчö, пока ог тöдöй. Но медясö көсйысьö өдийдзык веськавны фронт вылө, медым косясь-ны фашистьяскөд, кодьяс вайисны сы мында лёк сöветскöй йöзлы...» Но веськавны сылы фронт вылө вель дыр на эз удайтчы.

Регыд лейтенант Зезеговöс индिसны комсостав ротаса старшинаөн, сэсса распределительно-эвакуационнöй пункта начальникöс снабже-ние кузя вежысьөн, а ноябрын вуджөдисны Вельск карö торья тран-спортнöй ротаö взвода командирөн. Төв чöж ротаса боецьяс вöла додьясөн кыскалисны заготпунктьясысь көрт туй станциясö турун, ко-дöс сэсса мөдöдалисны торья фронтöвöй частьясö. Уджыс вöли вель сьö-кыд. Частö ковмылис вуджны местаысь местаö, быд лун ветлөдлыны водз асывсянь сёр рытöдз, сөвтны да ректыны уна тонна турун...

Та йылысь Дмитрий Ильич гижис гортас: «Выль уджас велалі нин, көть и оз зэв кажитчы сийö. Көсйи эськө уджавны аслам специальность кузя (ассянь содта — лоны фронтöвöй журналистөн. В. З.). Но öни абу специальностьсöдз. Колö бура уджавны сэни, көни индисны». И водзö содтö: «Верма шуны, мый подразделениеын ме абу омöльяс лыдын. Мөдарö, менö ошкöны бур уджысь...»

Регыд мысти транспортнöй ротасö бырөдисны да Зезеговöс мөдö-дисны Вологдаö, резервнöй частьö. Но и тайö пöрийö сийöс эз мөдöдны фронт вылө: Дмитрий Ильичöс ытисны Архангельскö комсостав-лөн курсьяс вылө. 1942 вося август помын сийö юөртис гортсаясыслы: «Ола важ моз бура. Велөдча. Көть и ёнакодь мудза, но тайö терпитан-тор. Рөдиналы колöны мян тöдöмлуньяс, медым өдийдзык вермыны врагöс».

Декабрын, курсьяссö помалөм бöрын, Дмитрий Ильичöс мөдöдисны выль воинскöй часть котыртанинö. 1943 вося январь шöрын сийö гижö гортсаясыслы: «Тайö луньясö мян вежсяс олан местаным. Велөдчим нöйтны фашистьясöс, и öни мөдöдчам сэтчö, көни решайтсьö Рөдиналөн судьбаыс. Став боецьясыс дасьöсь морöснас сувтны мян шуда Рөдина вöсна».

А некымын лун мысти сийö зэв дженьыдика пасйыштö открытка вылө: «Чолөм Ленинградскöй фронтсянь! Пока ловья да дзоньвидза. Нем жалиттөг нöйтам врагöс. Ме вöсна эн майшасьöй...»

Чорыд тышьясөн войскöвöй частьяс, көни воюйтис Дмитрий Ильич, ордис торья участок вылын враглысь блокаднöй кытшсö да карсö дор-йөм могысь пьськөдчис Ленинградö. И Дмитрий Ильич вöли зэв рад, мый сийö бара веськалис радейтана карас, көни том дырийыс прöйдитис Краснöй Армияын действителнöй службасö. Февраль 8 лунö сийö юөр-тис гортас: «Гижа Ленинградсянь. Нель лун нин ме тайö героическöй карас. Зэв рад, мый меным усис шуд дорйыны Ленинлысь кар...»

А куим лун мысти сійō бара пасійō: «Гижа Ленинградскōй фронт-лон оти участоксянь. Онї рыт. Важон нин пемдїс. Но пушкаяслōн лыйсян горыс век кылō — тайō миян славнōй артиллерия жугōдō окопьясō пырōм фашистскōй гадьясōс. Дерт жō, и найō лыйлōны миян кузя. Но миянладорсянь биыс тōдчымōн ѓнджык. И, кыв шутōг, врагьясōс лōо помōдз пасьвартōма. Ленинград регыд бōр лоас дзоридзались карōн». И водзō содтō: «Ме вōсна эн мантчōй. Мыйкō кō мекōд лоас омōльторыс, то ассым юрōс враглы весьшōрō ог сет. Ме лыйся вель меткōя и медбōрья патронōдз кута зильны бырōдны кызд позьō унджык бандитōс. А ковмас кō кувны, то ме кула Рōдиналōн честь вōсна, миян Сōветскōй власть вōсна...»

...Дыр кад чōж эз вōв тōдса Дмитрий Зезеговлōн водзō судьбаыс. Волїс сōмын дженъдык гижōд — «пропал без вести».

Сōмын 1987 воын, дыр корсьысōм бōрын, Лия нылыслы воис Оборона министерстволōн Центральнōй архивысь татшōм воча кыв: «131 стрелкōвōй дивизияса 482 стрелкōвōй полкысь ротаса командирōс вержысь Дмитрий Ильич Зезегов ранитчōма 1943 вося март 21 лунō да сійōс мōдōдōма 225 торья медико-санитарнōй батальонō».

Сійō жō кадō военно-медицинскōй документьяслōн архивысь воис юōр, мый Сōветскōй Армияса лечебнōй учреждениясын война кадō ранитчōмаяс да висысыяс лыдын Д. И. Зезегов йылысь некутшōм пасійōд абу. Позьō чайтны, мый медсанбатас нуигōн сійō пōгибнитїс бомба либō снаряд помысь, либō жō бомбежка улō сюри медсанбатыс, а документьясыс архивас эз веськавны. Но ыдьясьтōг позьō индыны, мый Дмитрий Ильич пōгибнитїс Ленинградōс врагысь дорйигōн.

«Коми Республикалōн память книга» лōсьōдысыяслы, тыдалō, абу веськавлōма киас Оборона Министерстволōн архивысь юōрыс да книгалōн первой томын вывтї дженъдыка пасійōма вōвлōм журналист йылысь: «Призывайтōма 1941 вося июль 11 лунō, лейтенант. Воши юōртōг 1943 вося мартын». И тайō ошыбкасō, дерт, колō бырōдны.

И, ме думысь, лоас зэв бур, «Фронтōвōй письмō» сборникын кō, кодōс онї дасьтōны да кōсйōны лэдзны Победа лунлы 50 во тыригкежлō, лōо йōзōдōма Д. И. Зезеговлысь кымынкō письмō, сылысь фотография да лючки-бура индōма фронтōвōй туйсō. Вōвлōм журналист да офицер йылысь югыд паметьыс век кежлō коли йōз пōвстō.



## Победалон медводдза лун



С. Л. Куликов.

Война вöли помасьö нин: Берлин босьтöма, Прага мездöма, Эльба ю дорын — миян да Америкаса салдатъяслөн пöся киясьöм, топыда кутчысьлöм.

Чехияын фашистъяслөн медбöрря гырысь чукöръяс эз кöйыны миянлы сетчыны пленö да лöмитчисны американечьяс дорö. Тöдисны, ирöдъяс, миян водзын ыджыд мыжсö. Миян батальон сулалис Брно карлөн войладор помас. Узьлим ми кык жырря эновтöм квартираын куимöн: капитан Богайчук, лейтенант Муртищев да ме, батальонса комсорг.

Май 8-öд лунся шонди асылö пети улич вылö да чуйми: став карыс шызьöма йöзöн. Чехъяслөн да миян флагьяса гырысь колоннаяс сьылгтырйи мунисны кар шöрлань. Уна судта керкаяслөн быд восьса öшиньын чехъяслөн да союзникъяслөн уна рöма флагьяс. Йöз аддзасны чешскöй салдатöс, горзöны: «Чешско-Словенско Република — назда-а-ар!» Миян салдатъяслы: «Руде Армада — назда-а-ар!» «Мый тайö, кутшöм ыджыд праздник пасйöны чехьяс?» — шензя ас кежын. Öти пöрысь чех дорö шысяи юалöмöн, да сийö висьталис:

— Тöрыт, май 7-öд лунö, Реймс карын немецьяс капитулируютöмаöсь тиян союзникъяс водзын. Со пö и войналы пом. Победа! — косиник кияснас сийö сьвйыштис менö да топыда кутлис.

Часлы, думайга, водз на миянлы празднуйтны. Рытнас нуöдим комсомольскöй собрание. Ужнайтöм бöрын менам ёртьяс регыд мысти водисны узьны, а ме пукси выль пöв гижны собраниельсь протокол. Москва волна вылö лöсьöдöм радиоприёмник шы улын пукала, гижа. Собрание вылын сёрнитисны унаöн, да мен тайö уджыс тырмис вой шöр бöрöдз. Со часи петкөдлö час вой нин, а менам гижöмöй эз на помась. И друг кыла Москвасянь чуксасян сигнал, а сөсся Юрий Левитанлысь сэтшöм тöдса гөлөссö:

— Сёрнитö Москва! Сетам зэв тöдчана юөр: талун, май 9-öд лунö, Карлхорст карын, фашистскöй Германия нимсянь кырымалöма акт Сöветскöй да союзникъяслөн командованиелы кыв шутöг сетчöм йылысь. Верховнöй Сöветлөн Президиум аслас Указöн индис май 9-öд лун шуны Победа лунöн!

Ме вешти бокö ассыым бумагаясöс да гораммöдi радио. Улыс дөрöмгач кежысь ме мышкын сулалисны нин менам ёртьяс. Мый миянкöд сэки вöли! Дерт жö, медводз, ыджыд радлун. Сьöлöмьяс чеччисны, синваяс доршасисны. Сьвьясим куимнанным да топöдлам öта-мöднымöс.

Капитан да лейтенант öдийö пасьтасисны. Телефон пыр юөртим комбатлы, но сийö кывлöма жö нин. Сийö тшöктис куимнаннымлы мунны

подразделенияеҥо да юортны та йылысь став личнӧй составлы. Комбат эв стрӧга ӧлӧдӧс: видзчысьӧм ради некутшӧм лыйсьӧм не лӧдзны, бой кежлӧ дасьлун не личӧдны — матынӧсь немецьяс.

Но карын вӧліны уна мукӧд воинскӧй частьяс. Кор ми петӧм ывлаӧ, быд боксян кылӧм пулемӧтьясысь да автоматьясысь ӧчередьяс, пистолетьясысь да ракетнициясысь дугдывтӧг лыйсьӧм. Кар весьтын енӧжыс ыпъяліс уна сӧ ракетаяслӧн мича рӧма биясысь. Замполит да парторг мунисны ротаясӧ, меным вичмис нывъяслӧн казарма. Сӧні шойчисны дежуритӧм бӧрын прӧстмӧм связисткаяс, пӧварьяс, санитаркаяс, военфельдшерьяс. Кутӧ йиркӧдчыны кильчӧ ӧдзӧсӧ, но некод оз шыась. Сӧки кутӧ таркӧдчыны ӧшинӧ, и кодкӧ, шебрасӧн гартыштчӧмӧн, матыстчис ӧшинӧ дорӧ, но восьтӧм йылысь, тыдалӧ, эз и думайт. Кыла дӧзмӧм гӧлӧсьяс. Дерт жӧ, нывьяс чайтисны, мый ме лӧмитча на пиысь кодкӧ ӧти дорӧ. Восьтӧй, мися, кутӧ нин скӧравны. Кор воськовтӧ порогсӧ, нывьяс ставӧн дзевсисны шебрасьяс улас. Пырӧмӧн тшӧтш гажаа горӧдӧ: «Нывьяс, подъям! Война помасис!»

Мый накӧд сӧки лӧис! Чилзӧны, радлӧны, бӧрдӧны. Сӧсся чепӧс-йисны ме дорӧ, быттьӧ Гогольлӧн «Майская ночьысь» вакульяс: кутлӧны, окалӧны. Коркӧ сӧсся мездми жӧ нывъяслӧн сывъясысь, тшӧктӧ асылӧдз бура узны. Сӧсся пыралӧ радистьяс дорӧ да гортӧ вои час куимын кымын. Недыр мысти локтисны и ӧртьясӧй.

Муртса на пӧрччысьтӧг нӧрыньтчыштлӧм вугралыштны, кызди неылын кутӧс кывны гырысь минаяслӧн да снаряжъяслӧн помасьлытӧм потласьӧм шы. Ми чепӧсйим штабӧ. Комбат тшӧктӧс уличаяс вомӧн кодйыны траншеяяс да лӧсьӧдчыны оборона кежлӧ. Лыйсьӧм вочасӧн чорзис и чорзис да сӧсся вуджис нин помасьлытӧм гымалӧмӧ. Дерт, миянӧдз снаряжьяс да минаяс эз воны. Аддзам, лоины уна пӧжарьяс, сотчисны, тыдалӧ, бензин тыра цистернаяс. Сӧсся друг ӧтпырӧ ставис лӧнис, и коли сӧмын пӧжарьяс весьтын енӧжын востымастьӧм. Кор миян пулемӧтьяс, автоматьяс да гранатаяс вӧліны дасьӧсь нин водзсасын траншеяяссян да виччысим атака, сӧк воис команда: «Отбой!»

Вӧлӧмкӧ, Чехословакияын сулалась немецьяслӧн командование абу пӧкӧритчӧма капитуляция йылысь приказлы, а решитӧма мунны американечьяслы воча да сетчыны налы пленӧ. Став коляс боеприпассӧ шудмаӧсь шыбитны миян наступайтны лӧсьӧдчысь частьяс ывлӧ да сӧйӧн дзугны сӧветскӧй командованиелысь планьяссӧ.

Помас содта. Фашистьяслысь медбӧрья коляссясӧ миян войскалы удайтчис бырдны Победа лунсян сӧмын нӧль лун мысти на. И вель на уна салдат усис Победалӧн медводдза лун бӧрын.

Регыд воис и асыв да унмовсылыны сӧдзи эз и удайтчы. Дас часын шуим ротаясын нудны митингьяс, и кольӧм кадыс лӧсьӧдчӧм ывлас и мунис. Карса войтырлӧн — тӧрытьясысь на ыджыд праздник. Митинг бӧрын комбат тшӧктӧм серти праздник кузя озыр ӧбед, быд мортлы сетисны боевӧй сӧ грамм. А сӧсся вӧссис салдатъяслӧн войнабӧрса медводдза гаж: кодкӧ гудӧк шы улын сылӧ, кодкӧ йӧктӧ, кодкӧ бӧрдӧ. Мукӧдыс чукӧрӧн-чукӧрӧн пукалӧны да казтылӧны сьӧкыд война туйяссӧ, косын усьӧм ӧртьяссӧ.

**Сергей КУЛИКОВ,**

войнаса да уджывса ветеран.

Шойнаты сикт.

## Юрныс воши лагерьясын

*Россиялөн шуштём кадся быдтасъяс,  
Ми вунодны ог вермой нинём дзык.*

А. Блок.

Республикаса правоохранительной органъяслөн да медводз безопасность министерстволөн уджын медся ыджыд тырмытөмторьяснас лоо сийө, мый найө онөдз на колана ногөн эз босытчывны корсьны местаяс, көнй чекистъяс, лагерьясса охрана лыйлісны-бырөдісны мыжтөм йөзөс. Тайө ыджыд мыжсө вөчысыяс пөвстысь быдөн сетлісны кырым-паса гижөд-көсйысьөм — чөв овны сы йылысь нэм чөжныс. Мыждөмысь да йөзыслөн лөглунысь полөмөн ни өти чекист, лагерьясса начальство да охрана некор эз и эрдөдлыны асьыныс вештыны позьтөм грекнысө.

Дерт, өна корсьнысө танй и нинём: безопасность министерстволөн да МВД-лөн архивьясын кутшөмкө да документъяс быть колисны, но найөс йөзөднысө и өнйя, мыжтөм нин сэтчөс уджалысьяслөн, кодъяс сөкся шуштөм кадас сөні эз на уджавны, а унаөн и свет вылас на эз чужны, киясыс оз жө лыбны. Помкаыс гөгөрвоана: өна скөрмөм вывсыс войтырыс мыжтөг мыж көвъяласны тшөтш и талунъя уджалысьяслы. Со и куйлөны архивьясын сизим томан сайын вирөсь киөн гижөм документъяс — и йөзөдны найөс полөны, и бырөдны оз позь: архив век жө. Өд комынөд-нелямынөд воясыс вомөн он чечышт, найө вөлісны, Сталин дырся сьөд вояссө лои вуджөма.

Войдөр, кор ме служитй Коми АССР-са КГБ-ын, унаысь шыасылі генерал В. Рак-Рачек динө, медым асланым уджалысьясысь котыртны комиссия, кодй эськө документъяс серти да пөрысь йөзлысь юасьөмөн корсис репрессируйтөм йөзөс лыйлан да гуалан местаяс. Тайө кадас СССР-са КГБ-ысь вөлі нин индөд — корсьны да реабилитируйтны мыжтөг судитөм да лыйлөм йөзөс. Менам кыин вөлісны жө нин коми лагерьясын бырөдөм йөз йылысь документъяслөн копияяс. Но шыөдчөм вылө весиг төлка воча кывсө эз сетны, гырысьджык чина начальство сөмын кинас өвтыштліс — абу пө на сэтчөдз. Недыр мысти генерал журналистъяслөн юалөм вылө вочавидзис, мый лагерьясын заключөннөйясөс лыйлөм йылысь КГБ-ын некутшөм документъяс абуөсь. А татшөм документъясыс, йөзөс лыйлөм бөрын гижөм актъяс, вөліны. «Век на важ кадас олам, дзебам мыжкясөс, ог дорйөй мыжтөмъясөс, — мөвпыштсис сөки менам. — Дыр-ө нө нөшта позьө тазни овнысө? Кор кутісны төдны йөзыс став збыльторсө, кор мынасны ылөдчысьяслөн шылыыд юбрьясысь, көть олөмыс адөн вөлөма?»

Менам киө веськавлөм документъясысь, НКВД-са вөвлөм уджалыськөд сөрниысь, кодлы тшөктывлөмаөсь лыйлыны заключөннөйясөс, и сийө лыйлөма, позьө вөчны кыв көртөд — йөзөс бырөдөмаөсь-виалөмаөсь мян войвывса быд лагерын. Удайтчис и виөмаяслысь ним-овсө, лыйлан местаяссө да кадсө төдмавны.

1991 во помассигөн «Заполярье», «Ухта», «Коми му» газетъясын йөзөдлісны статьяс сідз шусяна «Кашкетинской» лыйлөмъяс йылысь. Воркута дорын да Ухтаын сөмын 1938 воын виөмаөсь кык тысяча да джынйысь унджык заключөннөйяс. На пөвстысь унджыкыс вөлөмаөсь политическойяс — контрреволюцияысь да Троцкий дор муиөмысь судитөмаяс.

Сэтшөм войтырсө «корсисны», арестуйталісны пырджык войын да чукөртісны тюрьмаясө, дасьтісны лагерьясө этапъяс, а сөсся туй вылас, йөзтөм местаын, лыйлісны. Меным окота вөлі ветлыны татшөм этапъяс туйөдыс, корсьны йөзөс лыйлан гуся местаяссө. Өд сөні пөгибнитісны

зэв тѳдчана гѳрд командирьяс, учѳнойяс Владимир Косиор, Ульяновскѳй университетыс вѳвлѳм ректор Михаил Гозьман да мукѳд.

Документьясын, казтылѳмьясын паныдасьлѳны гижѳдьяс, кѳнѳ пасѳбма, мый 1937—1938 воын заключѳннойсѳс лыйлисны Ухтаса, Печораса, Воркутаса быд лагерын.

А. И. Боярчиков 1989 воын аслас мемуарьясын гижѳ, кызди Воркута дорса кирпич вѳчан заводуын лыйлѳмны быдса колонна: «Чукѳртисны Обдорскѳ (Салехардѳ) нуѳдѳм вылѳ ыджыд этап, петисны туйѳ. Тундра. Некѳн ни ѳти олысь. И друг колоннасѳ паныдалисны пулемѳтъяслѳн биѳн, грымакывны кутисны взрывьяс. Унаѳн усялисны лым вылас. Кокныда ранитчѳмьяс да доймытѳмьяс на нинѳм гѳгѳрвотѳг котѳртисны бѳрвыв, корсисны ѳсѳг охраналысь. Но дорйѳм пыдди конвоирьяс асьныс кутисны лыйлыны этапникьясѳс... Ловйѳн эз кольны ни ѳти мортѳс».

«1938 вося март 1 луно палаткаѳ пырис вохровец,— гижѳ «Печальная пристань» книгаын Михаил Бойтальский.— Охранник сувтис палатка шѳрѳ да юѳртис, мый чукѳртѳ йѳзѳс, медым мѳдѳдны этапѳн «Капитальная» шахтаѳ и кутис лыддѳдлыны мунысьяслысь ним-овьяс. Чукѳртис ветымын морт. Найѳс мѳдѳдисны, но аскѳдныс эз тшѳктыны босьтны некутшѳм кѳлуй. Сѳйѳс тшѳктисны тѳчны лым вылѳ. Кѳсйисны вайны машинаѳн. Час мысти мѳдѳдисны сы ыджа жѳ мѳд этап — «Рудникѳ», а нѳшта час мысти мунис коймѳд — Воркута-Вомѳ (Усаѳ). Колис недыр кад, и сѳки нуѳдѳмаяс местаѳ сѳйѳ «Рудниксьыс» да Усаысь воис кык этап. Кутисны заключѳннойяс юасьны, кѳнѳ паныдасисны этапьяс. Но ни «Рудникѳ», ни Усаѳ мунысьясѳс некѳдѳ абу паныдавлѳма, кѳтъ туйыс ѳти. Найѳс лыйлѳмаѳсь, бѳрынджык кывсис, тундраын, а шойяссѳ сотѳмаѳсь. Тайѳ лыйлѳмьяснас веськѳдлис Москваса НКВД-ысь мѳдѳдѳм уполномоченной Кашкетин.

Сы йылысь, мый заключѳннойсѳс збылысь нуѳдисны тундраѳ да, дерт, лыйлисны, мѳд лунонас висьтавлис судитѳм Баранов. Этапсѳ пѳ вайѳдисны коймѳд околѳтокѳ, кытысянь сѳсся туйыс вошѳ тундраѳ, некытчѳ оз нуѳд. Колоннасѳ мѳд конвойлы сдایتѳгѳн бара лыддисны йѳзѳс список серти. Барановлысь вѳлѳм дзугѳмаѳсь гижигас вичсѳ да сѳйѳс эз босьтны, и воддза конвойлы быть ковмѳма вайѳдны сѳйѳс бѳр».

Тайѳ Кашкетинѳн лыйлѳмьяс йывсьыс статьясѳ ме йѳзѳдлѳ «Заполярье» газетын, М. Бойтальскийѳс веськѳдыштѳмѳн. Март 1 луно эз сѳ ветымын мортѳс вины, а сѳ сизимдас куимѳс. На лыдын вѳлѳмаѳсь и дас кѳкьямыс нывбаба.

1938 вося март 30 луно Воркутаын лыйлисны куимсѳ ветымын ѳти заключѳннойѳс. Веськѳдлѳма тайѳ лыйлѳмьяснас сѳдз жѳ Кашкетин, ГУЛАГ-лѳн III отделса II отделениеысь начальникѳс вежысь.

Тайѳ лыдпасьяссѳ ме босьтѳ НКВД-лѳн документьясысь, весиг ксерокопиясѳ 1992 воын мѳдѳдѳ «Мемориал» Воркутаса обществоѳ. Начальство таысь менѳ аслысногѳн «ошкис». Коми АССР-са КГБ-ысь председателѳс вежысь Г. Викулинлѳн веськѳдлѳм улын нуѳдисны та кузя служебной туясьѳм, а сѳсся мыждисны — эз сетны 1991 вося уджысь премия да дас коймѳд уджѳн. Эг денга вошѳм вѳсна тайѳс танѳ пасйы, а кѳсйи висьтавны сы йылысь, мый КГБ-са веськѳдлысьяс, кѳтъ и эз вѳчны мыжсѳ асьныс, но, артмѳ, полисны «вузавны» вѳвлѳм НКВД-ѳс.

Йѳзѳс лыйлѳм йылысь уна акт веськавлис киѳ и мукѳдлаысь. Вайѳда Чибьюысь (Ухтаысь) 1938 воын Сыктывкарѳ мѳдѳдѳм документьяс, кытысь босьтѳ сѳмын куим тѳлысь. Тайѳ каднас энкѳвѳдѳшникьяс сѳнѳ бырѳдѳмаѳсь 1431 заключѳннойѳс: январь 29 луно лыйлѳмаѳсь 122 мортѳс, февраль 10 луно — 88, февраль 27 луно — 156, март 4 луно — 166, март 11 луно — 128, март 21 луно — 319, март 29 луно — 212, апрель 14 луно — 152, апрель 25 луно лыйлѳмаѳсь 88 мортѳс. Татысь ясыда тыдалѳ: абу ѳна шойчѳдлѳмаѳсь лагерьясын и морт виысьясѳс: быд вежѳн вылѳ усьѳма сѳкыд, вир кисьтана, нйѳт, преступной удж.

Документьясас эм сѳмын заключѳннойяслѳн, кымынѳс лыйлѳма-

ось, а кытчö дзебöмась шойяссö, сы йылысь кыв ни джын. Абу пасйö-ма и медся мыжа мортсылысь овсö, но колö чайтны: Кашкетин жö вöли тшöктысь-индалысьыс, сылөн командасылөн жö и киподтуйыс.

Г. Костин «В недрах ухтпечлага» книгаын гижö:

«Ухтаркаын судитöмаясö казньнитисны быд вой. Заключённöйяс луннас кодйисны гуяс, а войнас найöс сйö жö гуяс динас и лыйлисны. Шойяссö муртса тыртыштлисны муён, а мöд луннас сэтчö вайöдлисны выль йöзöс. Найö сесся помöдз нин тыртлисны гуяссö, а сы бöрын кодйисны аслыныс.

Öти войö спецуполномоченнöйяс (Кашкетин да сылөн командаыс. В. П.) игналисны заключённöйясöс лагерсянь неылын сулалысь баракö. Унаöс. Сёсысь унджык морт сәни вöли. Сэссия баракö киськалисны соляркаөн да öзтисны... Некымын заключённöйлы кызкö удайтчис петны тайö бипурсьыс, но найöс лыйлисны тайö чекистыслөн командаысь зонъяс».

Поэт Яков Косман, кодöс лыйлöмась Ухтаын 1942 воын, кувсытöдзыс гижлöма:

**В жизни не было горше отравы,  
Чем зловещие дни на Ухте:  
На костях и крови там бесправье  
Пир справляет в ночной духоте.**

Коми АССР-са НКВД трибуналлөн (тройкалөн) кольöмась 1938 вося январь 26 лунö, февраль 7 лунö да февраль 14 лунö нуöдöм заседанияевысва протокольяс. Лöкчимса ИТЛ-лөн Пезмöг посёлокса лагерысь пышйöмась 106 заключённöй. Найöс кутöмась да ставнысö лыйлöмась. Öти вöвлöм заключённöйлөн висьталöм серти, сэтысь пышъялöмны и тшыгысла. Йöзыс пö сёйöмась йöзсö.

Выль власть заключённöйясöс кутöма лыйлыны революция бöрын медводдза восясяныс нин. Сереговса гижысь И. А. Шергин «Петроградская правда» газетын 1919 воын пасйылöма, мый Емдин районса От сиктын коммунистьяс судтöг лыйлöмась некымын крестьянинöс. Менам кыин эмöсь Коми крайын 1923 вося репрессия йылысь документьяс.

Кыв кутöмö сәки кыскöма вöли 105 мортöс. На пöветысь контрреволюционнöй пропаганда нуöдöмысь арестуйтöмась 66 мортöс. 20 мортöс судитöмась, мукöдсö лэдзöмась бөр.

Официальнöй документьяс серти. 1926 воын судитöма 26 мортöс. На лыдысь öтиöс лыйлöмась.

Йöзöс ёна кутöмась бырöдны колхозьяс котыртчигөн, 1930 восянь. Сәки лыйлöма 22 кулакöс да белогвардеецöс, öти попöс, а мöд вонас лыйлöмаяслөн лыдыс содöма нин кык пöв — 51 мортöдз.

Великöй Октябрьлысь кызь вося юбилейсö Коми АССР-са НКВД пасйöма, кызди и предприятияс да организацияяс, выль, ыджыдджык обязательствоён — арестуйтöмась 1047 мортöс. На пöвстысь уголовникьяссö сöмын 64 мортöс. Мукöдыс: комияс — 657, рочьяс — 262, украинасаяс — 27, полякьяс — 20, немечьяс — 14 да мукöд нацияа йöз — ставыс политикьяс. Лагерьясö мөдöдöма 380 мортöс, лыйлöма 211 мортöс.

1938 волөн первой джыннын арестуйтöма 183 мортöс. На лыдын — 74 коми, 53 — роч, 16 финн, 9 — поляк, украинецьяс да белорусьяс — вит мортөн, мукöд нацияа йöзöс.

Суд бöрын 32 мортöс лыйлöмась. Тайö вося мöд джын йывсысь документьяс абуöсь, но, колö чайтны, энкөвöдöшникьяс няньсö весь эз жö сёйны.

Лыйлöм йöзлысь гуяссö корсьны öни зэв сьöкыд — абуöсь документьяс стöч места нимьяс йывсысь, но ылöсас и корсьтöг висьтавны позьö. Сыктывкар бердын öти татшöм места — Вылыс Чов, со эмöсь актьяс:

## А к т

1930 года, июня 17 дня, комиссия в составе секретаря Коми областного отдела ОГПУ т. Добринского В. Г., начальника III отд. того же отдела т. Проскурякова М. М. и прокурора области Коми т. Иванова в присутствии врача областной больницы т. Ветошкина, сего числа, в 23 часа, в исполнение поставленной тройки при полномочном представительстве ОГПУ по Сеекраю и отношения ППОГПУ, за № 3318/к от 30 мая с. г. произвела в местечке около Човской трудисправколонии расстрел гр. Павлова Алексея Яковлевича, (постановление от 29 апреля с. г., п. 17), Исакова Михаила Ивановича (постановление от 29 апреля с. г., п. 57), Ванеева Константина Ивановича и Петрова Фёдора Кирилловича (пост. от 28 апреля с. г., п. 28), Есева Николая Ивановича и Гуляева Ивана Васильевича (пост. от 30 апреля с. г.).

Трупы зарыты на месте расстрела, в чём и составлен настоящий акт в двух экземплярах.

Секретарь КООГПУ — Добринский

Комиссия: нач-к III отд. — Проскуряков

Прокурор области — Иванов

Присутствовал: врач областной больницы — Ветошкин

Тайо жё вося июль 6 лунё ОГПУ-са сотрудникъяс Чугаев да Казаков тройкалон постановление серти лыйлысны Човсянь нель километр сайса лагерын Андрей Фёдорович Холоповос.

Сы йылысь, мый мортсё лыйлысны тайо луннас, индём местаас, сёрниын стёчмодис НКВД-са вёвлём сотрудник Зверев (овсё вежёма), код и ачыс лыйлома жё йёзос, олё Сыктывкарын. Ме сійос телефон пыр корлі КГБ-ё. Воліс. Пукаліс ме водзын. Паськыд пельпомъяса тшөг морт. Чужём вылас тыдалё кыпыдлун — аслас вёвлём службанас коть вот ошйыяс, сёмын шырлөн кодь ичотик синъясыс котралёны отарё-модарё. Сылы сизимдас арёс нин, но весь олёмысла дзоньвидзалуныс абу тай орёма, он на шу порысьон. Сёрни пантёдз сійо пукаліс кызкё зэвтёмён, гашкё, чайтис, мый ме окта сылы кутшёмкё дзугнальк.

Юалі дзоньвидзалун йывсьыс, а сэсся пыр и колана визьёд сёрниос веськөді:

— Тшөктывлісны-ё тэныд лыйлыны йёзос? — юалі.

Соссыны сылы вёлі некыз. Менам сейфын вёлі документ — гражданин Б... вылё следственной делё. Приговорсё «олёмё портёма» (луйлома) ме водзын пукалысь энкёвөдошник — ассьыс кырымпассё акт улас весиг пунктёма. Зверев (тадзи и водзё кутам шуны) гөгөрвоис, мый соссыны оз удайтчы, да ставсё висьталіс. Война заводитчигас пё збылысь лыйлі Вылыс Чов дорын оти мортсё шойнао нуодан туй чукылыны. Сылөн кывъяс серти виём-кувсьём йёзос новлёмаос дзебнысё войн, либё сёр рытын восьса кузова машинасыон, гусё кодйылёмны водзвыв.

Мортсё лыйысьлы вёлём сетёны спирт стёкан, мед лөнёдіс нервьяссё. Ставсё тайос Зверев висьталіс лабутнёя, нёжмыд сёрнион, мыйяскё тёдчөдёмон, быттьо быдлунъя удж йылысь сёрнитіс, асьсё, сійо кадсё, начальствосё кориттөг-мыжавтөг.

— А лыйлісны-ё йёзос НКВД пөдвалъясын, тюрьмаын? — мөд юалём.

— Эз, — вочавидзис Зверев.

Кутшёмкё зывөклун кыптис менам тайо морт дінас да тшөкті сылы мунны гортас. Төді, Енмыс ыстёма тайо мортсылы наказаннысё челядь пырыс да шудсё сылы татчос югыдас не нин адзвны, а сёлёмсьыс, юр вежёрсьыс мөд мортлысь лов босьтан мыжыс кувсьытөдзыс оз вушы, оз вун.

Документъяс видлалігөн аддзи, мый Вылыс Човйын судитёмаясёс

виаломайсь дас воысь дырджык. Уна-о дырджыксö? Тайöс колö на тöд-мавны...

Човыйсь кындзи йöзöс лыйлисны и Сыктывкар бердса мукöд местаын да весиг и Сыктывкарын. Та йылысь эм жö акт.

#### А к т

1931 года марта 2 дня. Мы, нижеподписавшиеся секретарь Коми областного отделения ОГПУ Добринский, врио нач. ИИФО Колованин и сотрудник РСО Казаков согласно отношению РСО ППОГПУ по Северному краю от 19.02.31 г. за № 3910/8 привели в исполнение постановление тройки при ППОГПУ по Севкраю от 07.02.31 г. в отношении:

Черных Михаила Ивановича, Иванова Игнатия Дмитриевича, Черных Ивана Михайловича, Черных Николая Ивановича, Иванова Егора Анисимовича, Жигалова Петра Ильича, Косолапова Петра Леонтьевича, Рубцова Алексея Николаевича, Иванова Андрея Васильевича, как-овы расстреляны в лесу за слободой Кируль в 23 часа 02.03.31 г. Трупы похоронены на месте. О чём и составили акт в одном экземпляре.

Коймöд места, кöни энкөвöдöшникъяс тшöкыда лыйломайсь мыж-тöм йöзöс (пасйöма актъясын) — Дырнöс.

1931 вося май 13 лунö сэни лыйлöмны М. М. Шевчукöс, Т. Н. Диррийпанöс, И. А. Гутковöс, А. Е. Марковöс, Г. А. Ванеевöс; май 14 лунö — В. В. Вавиловöс, П. А. Қлыкөвöс, М. И. Пудовöс, И. И. Конинöс, А. М. Яруковöс, М. В. Турьевöс, Х. С. Қазариновöс, В. С. Лихачевöс, В. А. Фроловöс, З. В. Хижняковöс; май 30 лунö — М. В. Бойдаренкобöс; июнь 11 лунö — А. Н. Шулековöс, М. С. Исаковöс, А. А. Қиршинöс, С. А. Цыпановöс; июнь 17 лунö — И. Ф. Моторинöс; июль 6 лунö — А. А. Амштейн-Ефимовöс, И. П. Пимашевöс, П. П. Мезенцевöс да А. И. Андреевöс. 1932 вося ноябрын Дырнöсын жö лыйломайсь М. В. Гребенниковöс да И. И. Харитоновöс.

Сэсянь колис квайтымын сайö во. Дырнöсö тайö каднас ёна стрöитчисны, кыптисны промышленнöй предприятиеяс, олан керкаяс да та вöсна сэтчö дзёбöмаяслысь гуяссö, тöдöмысь, корсьны он нин вермы, кöть сэни лыйлöмаяслөн лыдыс и ыджыд.

И. А. Шергин «Строительство социализма» статьяын Емдін Ягсянь Ухтадз автомобильнöй туй нюзöдан пример вылын зев стöча петкöдлис, кызди уна тысяча заключённöй, тшыгöс, көмтöмөсь, пыкталöм кокаöсь, пидзöсөдзыс нюрö войласьöмөн «стрöитöмны социализм».

«Удж бöрын йöзыс узылисны му вылын ас уланяс нинöм вольсышт-тöг. Кöть вöрын номъясыс кымөр кодь чукөръяса, но эбöссыс усьтöдз мудзöм войтыр эз кывны тайöс... Но нöшта на лёк вöли тöлын. Қиссьöм көм-паськөм эз шонты, а войын ковмылис узыны розя брезент палатка-ясын. Заключённöйяс кулалисны быд лун лыдтöг да найöс туй пöтшва-ас и дзёблисны гутöг-горттöг. Тайö туй улас быд воськов вылын морт куйлö. Шүöны, туй подувсö, нюръяссö пö морт шойясөн гатьйöма».

Татшöм не морт нога уджсьыс, тшыглунсьыс да кымалöмсьыс заключённöйяс кымöм тöрöканъяс моз гылалисны кокъяс вывсьыс некор чечывтöм вылö, но таыс öтдор найöс нöшта и лыйлисны.

1931 вося июль 26 лунö Усть-Вымьлагса начальник Дикой, секретарь Шестаков, ВОХР-са начальник Князьков да уполномоченнöй Щербаков Емдін-Яг войвылын, лагпунктсаянь километр джын сайын, лыйломайсь М. И. Гречетовöс, М. Д. Чертановöс, В. Г. Елфимовöс, С. В. Дедовöс, И. А. Трошинöс, А. К. Серковöс, М. Т. Роговöс, А. П. Осокинöс, И. В. Шабунинöс, И. В. Малеговöс.

Унаөн пуляяс улын усины и Ухтижемлаглөн оперативно-чекистскöй отделса следственнöй изолятор динын. Йöзöс актируйтлисны жугалöм дозмукöс моз.

#### А к т

1941 года февраля 15 дня. Мы, нижеподписавшиеся, зам. начальника оперативно-чекистского отдела Ухтижемлага НКВД мл. лейтенант

госбезопасности Мартынов Ф. К., старший оперуполномоченный опер. чекистского отдела Ухтижемлага НКВД сержант госбезопасности Либман Н. И., оперуполномоченный опер. чекистского отдела Ухтижемлага НКВД Торжинский Н. Т., пом. оперуполномоченного опер. чекистского отдела Ухтижемлага НКВД Смирнов М. П., председатель коллегии по уголовным делам Верховсуда Коми АССР при Ухтижемлаге НКВД Омеличев Н. А., пом. прокурора Ухтижемлага НКВД Киселев Н. А. и начальник следственного изолятора опер. чекистского отдела Ухтижемлага НКВД Аристархов П. И. составили настоящий акт в том, что сего числа на основании предписания начальника оперативно-чекистского отдела Ухтижемлага НКВД лейтенанта госбезопасности тов. Решетникова от 15 февраля 1941 года за номером 191263 привели в исполнение приговор судебно-уголовной коллегии Верховсуда Коми АССР при Ухтижемлаге НКВД от 24—25 сентября 1940 года о расстреле трех нижепоименованных осужденных Ухтижемлага НКВД: Бойко Николая Степановича, 1915 г. рождения; Баракшина Василия Ивановича, он же Серебрянников Василий Матвеевич, он же Лукин Василий Иванович, он же Боровских Василий Иванович 1917 года рождения; Демина Георгия Павловича 1914 г. рождения.

Всего расстреляно три заключённых. Тела расстрелянных погребены в северо-западном направлении от следственного изолятора опер. чекистского отдела Ухтижемлага НКВД на расстоянии 250 метров.

Ухтижемлаглөн следственной изолятор дорын йёзёс эз этшайсь лыйлыны. 1941 вося октябрь 3 лунё изоляторсянь рытыв-войвывлань 220 метр сайын лыйлёмны Павел Андреевич Баландинёс, сійё жё Тараканов, сійё жё Абакумов, чужан воыс 1909—1907; Вениамин Васильевич Борисовёс, чужлёма 1910 воын; Манули Михайлович Манукьянёс, чужлёма 1909 воын; Михаил Павлович Казанцевёс, сійё жё Андрей Иванович Полюдов, чужлёма 1909 воын; Николай Владимирович Лобовёс, сійё жё Иван Николаевич Фролов, чужлёма 1913 воын; Михаил Фёдорович Лугинёс, сійё жё Анатолий Дмитриевич Евдокименко, чужлёма 1916 воын.

Энкёвёдшникъяс ассыныс жертваяссё лыйлісны кёні веськалё. 1931 вося июль 28 лунё Чибьюлөн веськыд берегын лыйлісны З. Ф. Хозяиновёс, М. А. Терентьевёс да Д. А. Каневёс, а кык лун мысти, сәні жё — Г. М. Рочевёс. Овьяс сертиыс кё — ставыс найё Изьваын чужлём-быдмылём войтыр, судитлёмаось сійё кадё быд мортлы кёвьявны лёсялана 58 статья кузя, коді выль корбсь моз чышкис йёзсё.

1931 вося июнь 14 лунё ОГПУ-лөн Гансберг Ухтаса экспедициялөн базасянь куим километр сайын, Ухта ю бокин лыйлісны 58 статья серти жё судитом заключённойясёс — Пётр Александрович, Владимир Александрович, Николай Александрович да Василий Александрович Павловъясёс (вокъяс?), Никифор Яковлевич, Иван Алексеевич, Пётр Александрович, Алексей Александрович, Алексей Михайлович Сумароковъясёс.

НКВД эз яндысь, эз жалит некодёс, кералис-бертіс войтырсё рёд-нас-вужнас, дзебис кыз му улё. Ухтпечлагын, Ухтижемлагын виисны сы мында йёзёс, мый, чайта, тайё местаяссё збыльсь позьё шуны Россиялөн Голгофаён.

Ме гижлі письмё Безопасность органьяслён Архангельскёй областыса подразделениеыс начальник Г. Бызовлы, кёні юалі: «Лыйлісны-ё Изьва районын заключённойясёс? Вёлі кё татшём лекторйыс сәні, пасйёма-ё документъясас сэтшём местаяссё?»

Воча кывйыс воліс 1991 вося апрель 26 лунё: «ППОГПУ-лөн Войвыв крайса «тройка» приговоръяс серти 1930—1931 воясё Изьва районын лыйлёма 48 мортёс. 5 номера акт серти сәні лыйлёмаось Фёдор Зиновьевич Каневёс. Кор лыйлёма да кытчё дзебёма, документас сы йылысь немтор абу пасйёма. Мукёд актъяс кузя бырёдом йёзёс гуалёмаось Изьва сиктсянь кык километр ылнаё Кучи дор нима местаё. Сәні лыйлёмаось Николай Осипович Распутинёс, Михаил Петрович,

Степан Петрович, Пётр Григорьевич Сазоновъясёс (бать да пьян?), Фёдор Гермогенович Бараковёс, Василий Прокопьевич Истоминёс, Николай Васильевич Поповёс, Александр Александрович Сумароковёс, Пётр Васильевич Истоминёс, Александр Иванович Павловёс, Лазарь Фадеевич Антоновёс да Филипп Маркович Каневёс.

П. Я. Рочевёс да Д. В. Гоголевёс лыйлёмабсь 1930 вося июль 17 луно Изъва сиктса шойна вылын.

Коми республикаын быдлаын вёліны лагерьяс. Сутшкасьысь сутугаа йёрьяс черань везьяс моз гартисны миянлысь войвыв мунымёс. И, дерт, быд лагерь дорын вёлісны шойнаяс. Оні на пёвстысь унабс събкыд аддзыны, тырисны вөрөн, эжсисны. Уна шойна выло кыптисны стрёйбаяс, а вёвлём лагерь местаяссё бура помнитысьясыс вочасён пёрысьмёны, бырёны. Сідзкё и нюждчыны корсьысьмьяснас оз ков. Дерт, вёлі эськё бур, татшём уджъяссё кё котыртисны местаясывса исполнительной комитетьяс, кызди тайёс вёчисны Воркутаын, мед заключённойясёс лыйлан-гуалан местаяссё пасйыны да водзё выло лылдыны найёс шойнаясён. Воркутаын татшём гуасян местаяссё аддзисны Октябрьской, Северной, Юр-шор, Промышленной, Мульда, Хальмер-ю, Елецкой, Мёскашор, Рудник посёлокьясысь да мукёдлаысь.

Татшём сёрнисё кыпёдом бёрын кодсюрё шуасны: «Мыйла оні сійё колё, сы мында во кольём бёрас. Од йёзсё бёр он ловзьёд?» Тайё сідз, мый лоёма, бёр он бергёд, но корсьнысё колё. Францияса поэт Поль Элюар шыёдчыліс: «Томьяс, водзё олысь йёз, тиянлы колё тёдны и тёрытья олёмсё». Му вылын абу сэтшём войтыр, коді эськё эз кёйы тёдны аслас йёзлысь важ олёмсё, коть кутшёмён сійё коркё эз вёв. И ме эськё эг жё кёйы, медым вунисны том войтырлён паметысь Воркутаса лагерь местаяс, сэтчёс нимтём шойнаяс, Ухта карса сотём барак местаяс, «пывсянъяс», Емдин-Яг — Ухта автомобиль туй, Котлас — Воркута көрт туй. Оз позь на йылысь вунёдны. Тайё уна дас сюрс мортлён олём туй помыс. Та вёсна жё, кызди верми, зили эрдёдны сталинской лагерьясын энкёвёдошникьясён вёчём ыджыд да няйт мыжсё, петкёдлі откымын кёин сяма йёзлысь некор вушйывтём грексё.



## Коми гижодлөн вужъяс

Республикаса культура, писательяс, общественность май толысьо пасйисны Коми гижодлысь лун. А кутшом нэмын но чужис миян гижода кывным?

Летописец Нестор «Повесть временных лет» книгаын 1113 воын пасйыліс, мый Европалон асыв-войвылын рочьяскөд, Литвакөд орччон олісны уна кыв вылын сёрнитысь войтыр — финн-угор котыр: весь (вису), чудь, корела, лопь, емь, мордва, меря, мари, мурома, пермь, печера, югра да мукөдъяс.

VII—XI нэмъясö став тайö котырыс пырисны Биармияö. Та йылысь висътавсьö скандинавскöй преданиеясын да Европаса историческöй хроникаясын. Биармияö пырысь уна котырлөн сэки нин вöлöма асланыс гижөд. Преданиеяссö да история документъяссö вынсьöдöны археологияслөн аддзöмторъяс да мукöд государствоясса зэв важ гижөдъяс.

Вяткаса учёнöй А. А. Спицын вылыс камавывса да чепецкса чудьяслысь V—XIII нэмъясса оланінсö туялöм бöрын кыв көрталö: «Зюздинскöй крайын (Кировскöй область войвылын) корсысыгöн медся тöдчана аддзöмторйöн лыддя чудь войтырлөн оланінысь сюрöм гижöда ичöтик плита». Чудьяс ним улын авторыс, тыдалö, кутö тöд вылас коми-пермякъяслөн Зюздинскöй районса йöзлысь вужъяссö.

Мый асыввыв Европаын зэв важ кадö овлöм финн-угор войтырлөн вöлöма нин гижөд, пасйö аслас уджъясас профессор В. И. Лыткин да ыстысьö арабскöй гижысь Ибн-Фадлан вылö, кодi 922 воын волöма Волга ю бокрын олысь булгара дінö. Булгарскöй хан висътавлöма сылы вису йöзлөн му вылын олысь великан йылысь. Вису ним улын сійö, тöдöмысь, эз вепсыясöс сöмын кут тöд вылас, а тшöтш и мукöд, орччон олысь войтырöс.

Ибн-Фадлан пасйöма булгарскöй ханлысь висъталöмсö тадзи: «Ме гижи вису йöзлы». Булгарскöй ханствосянь вепсыясöдз вöлöма куим толысь чöж мунана вöлök. «И найö гижисны меным», — помалö пасйöдсö Ибн-Фадлан.

Тайö тöдчöдö, мый «висулөн», Европа асыв-войвылын олысь йöзлөн, вöлöма нин гижöда кыв. Кутшом вöлі тайö гижöдыс? Пиктографическöй — серпасалöмөн, либö идеографическöйöн — пасъяса, көні быд пас кутö кутшöмкö вежöртас, коли тöдмавтöг. Письмöясыс миянöдз абу воёмась.

Но комияслөн сідз шусяна пасъяса гижöдъясыс кольёмабсь дозмукъяс, уджалан көлуй вылö. Сы серти позьö тöдмавны, кодлөн, кутшöм семьялөн, шуам, тайö туйсыс, пу зырыс, гөр, мукöдтор.

Коми культура тöдмалысь профессор П. И. Саввантов гижліс, мый коми войтыр татшöм пасъяссö вöчавлісны мельничаö нуан сю мешöкъяс вылö, пасйивлісны виль муяс, лэч туйяс, пу календаръяс вылö.

Этнограф Л. С. Грибова пасйыліс: «...вузасигъясö коми войтыр вундавлісны векныдик пöвторыяс вылö кутшöмкö пасъяс, а бöрыннас, көть мый дыра кадяс эз коль, вермисны сорсытöг лыддыны гижöдсö, тöдісны босьтлöм тöварлысь дон, сетöм водзöс да мукöдтор». Сэтысянь и пырис коми сёрниö лыдпас кыв (лыд, сылөн пас).

Татшöм гижöдсö, колö чайтны, водзвыв нин тöдіс Стефан Пермскöй да 1372 воын тшöтш и сійö подувы вылын (босьтіс медся тшöкыда паныдасьлысь пасъяс пыысь некымынöс) лöсьöдіс кызь нель шыпаса медводдза азбука. Нимсö сылы сетöма медводдза буква сертияс — анбур.

Перм му вылö миссонер (бöрынджык епископ) Стефан Пермскöй воис нин сöвмöдöм коми шыпасъяса, коми кыв вылö вуджöдöм молитваяса книгаясөн, кодöс сійö гижис монастырас олгөн на.

Стефан Пермскойлысь анбурсо пыдсянь видлалом борын профессор В. И. Лыткин адзис, мый вочома сийос греческой да роча-славянской алфавит подув вылын. А Финляндияса учёной Гюнтер Стипа пасйис Стефанлөн алфавит йылысь, мый некымын шыпас ёна откодъос важ грузинской да важ армянской букваяскод. Тайо вермис лоны сы вёсна, мый грузиньясос да армянаос сідз жо пыртисны христианао, а христианство воис Грециясянь. Сідзко, зев вермис лоны, мый и налөн и пермяналөн азбука выло тодчис грецияса гижод пасыс.

Стефанлөн епархияён лоис Емдин сикт. Сэтысянь сийо, зев визув, мудз тодлытом морт, босьтчис паськодны христианской верасо сиктысь-сикто. Сідзко, колисны и вичкояс. И сийо лич лэдзтөг тшөктис стрөитавны пермяналы вичкояс быд ыджыд сиктын. Ковмисны и попяяс. Стефан восьтис Емдинын школа, босьталіс сэтчө вежөраджык да пискөсджык йөзос, велөдіс. А сылөн вөвлөм велөдчысыясыс медбурьясыс сэсся асьныс нин восьталісны школаяс Яренскын, Волсяын. Тайо школаясас, дерт, велөдісны и важ славянской да важ роч кыв, грамматика.

«Коло чайтны: Стефан велөдіс тшөтш и гижны,— пасйо профессор В. И. Лыткин.— Воссялісны уна вичкояс, ковмисны и коми молитваяса книгаяс, найос гыжсыяс. Епископ Стефан ставсө тайос котыртис да некымын воён книгагысыс разалісны Перм му пасьта — коми-зыряналөн да коми-пермякъяслөн вичкоясө».

Важ роч литературалысь история туялысь Н. В. Водовозов пасйо, мый ас водзас пунктөм мог вёснаыс ёна төждысьөмөн ныртчөмысь, личөдчывтөг зільбөмысь Стефанлы паныд мунсыяс нимтісны сийос Храпён. Завидьтысь йөз эз гөгөрвоны дай эз көйыны весиг тодны Стефанлысь Перм муыввса войтыр вёсна төждысьөмсө. Сылысь став уджөсө лыддисны ковтомөн, некодлы некутшөм бур сеттөг песьсьөмөн. Татшөм йөз йывсыс Стефанлөн биограф Елифаний Премудрый гижліс: «Неци же, скудни суще умом, реша: «Почто ли сотворение суть книги пермские или что ради составлена бысть азбука пермския грамоты?.. Мала ради времени, точию за 120 лет до скончания веку?» («А откымынъяс, медся вежөртөмъясыс, шуасьоны: «Мыйла пө лөсьөдалоны тайо пермской книгагясө либө мый вёсна вөлі лөсьөдөма перм нога азбукасы?.. кадсө некытчө воштыны, быттьө сө кызь во көйө овны?..») Тайос, дерт, Перм му вывса йөз повстысь некод эз шу. Сэни вөлісны йөз, кодьяс эз көйыны эновтчыны пөлясыслөн вераысь. И сөмын. Стефанлы завидьтісны Московской Русьса удельной княжествоясын соборьясса вежөртөм, но горш епископяс.

Чужан кыв выланыс лыддян молитваяс вөліны гөгөрвоанаось пермяналы, колисны юраныс. Тайос водз гөгөрвоис Стефан да сиис аслас уджас олөмсыс ыджыд юкөн.

Стефанлөн анбурён сылөн вөвлөм велөдчысыясыс гижалісны книгагясө и Стефанлөн Перм му вылысь Москвао мунөм борын.

Кыв төдмалысь учёной Г. Г. Бараксанов «Важ коми гижөдъяс» брошюраас (петіс Сыктывкарын, 1992 воын) пасйыліс, мый мян кадөдз Стефанлөн шыпаса вичко гижөдъясыс воисны дас гөгөр да нөшта вит мукөд гижөдъяс (өбразъяс вылын да мукөдлаын). А окота тодны стөч лыдпас. Сэсся өд и мукөд нога гижөдъяс вөлісны, письмөяс и.

Сідз, 1492 воын епископ Филофей Москваса князь, став Русьса государ Иван III-лы письмөбын төдмөдіс царөс, мый сийо, Пермса епископ Филофей, видлаліс да вынсьөдіс аслас епархияын Новгородса епископ Геннадийөн көкъямысөд тысячелетие кежлө лөсьөдөм выль пасхалия (таблица, кытчө пасьялөма, кор локтан воын лоо Ыджыд лун.— В. М.)

Вичко книгагысыс кыкын эм вуджөдчысыяслөн асьяныс Стефановской шыпасьяса пасйөдъяс. Медводдза автобиографической пасйөдыс, В. И. Лыткинлөн чайтөм серти, лыддысьсө: «Мезсө (Господи) Исус Христосө, Енлөн пи, и мылышты (прөстит) менө крека (грека) мортос Васюкөс. Аминь. Қылдашев».

«Весиг татшөм ичөтик пасйөдъясыс йитчөмаось прөстөй йөзлөн

сійо кадся быд лунъя оломкөд: радлункөд, шогкөд. Найо отсалоны мянлы бурджыка гөгөрвоны зэв важ обичаяс, характерьяслысь петкөдчөмъяс, кывны торъя мортлысь көсйөмсө да сы серти нин төдманы сэкса йозыслысь историясь»,— гижліс Евангелие туялысь учёной Зенон Косидовский.

Васюк Қылдашев ассыс пасйөдсө вөчөма 1510 воын вуджөдөм «Номоканон» (греческөй ногөн: номои — императорлөн индөдъяс; канон — вичко правилөяс) ки помысь гижөм сборникын.

Мөд татшөм содтөдсө сідз жө вөчөма XI нэмын «Григорий Синаитлөн лөсьөдөмторъяс» ки помысь жө гижөм книгаын. Григорий Синаит овлөма Византияын, гижавлөма вичко книгаяс. Сійо чуксаліс войтырөс овны сьөлөм ловнас да тадзи корсьны Ен дінө туй. Гижөдыс кык юкөна. Воддзасө В. И. Лыткин лыддьөма тадзи: «Тайо книгагасө пыдди пуктысь, дякөн Гавриил муніс игумен Михаил дырйи прилук вылө (манастырө) затворникөн, медым юрбитөмөн весавны ассыс ловсө». Мөд юкөнас, А. С. Сидоров серти, коді аддзис тайо рукописьсө 1930 воын, висьтавсьө: «Бур юөр вайысь Енмөй, велөд мянөс аслад веськыд кинад».

Торъя нин ыджыд кыв кутөмөн вуджөдчысьяс вөчалісны гижөдысө «Троица» да «Енлөн йөз дінө локтөм» образъяс вылө. Вуджөдөм важ гижөдыяс төдмалысь Г. С. Лыткинлөн пасйөдъяс серти: «Стефан көть вуджөдавлөма кывъясө веськыда, стрөга, видзчысьөмөн матыстчылөма важ славянскөй кыв дінө, но тэчөма коми сёрникузяясө сідзи, мый мян и өні на колө сылысь велөдчыны».

Ачыс Стефан, а сідз жө и сы дінын велөдчывлөм йөз, гижисны и пермяналөн кыв вылын, и важ славянскөй ногөн. Сылөн киподтуя гижөдыяс кольөмаөсь кыкнан кыв вылас. Вуджөдөм уджъяс пөвстсьыс мянөдз воис «Святөй апостольяслөн бур вөчөм» книгалөн мөд юкөнысь «Енлөн йөз дінө локтөм» образ вылын неыджыд гижөд. Важ славянскөй гижөдыскөд өтлаөдөмөн казялан, кызди мортыс зільөма корсявны стөч коми кывъяс, төждысьөма сёрникузяыслөн тэчас вөсна, аддзөма сійөс мичмөдан, кыпөдан эпитетъяс, өткодьялөма стильсө, вуджөдан книгаыслөн кодөдз.

Стефанөн да сыөн велөдөм йөзлөн вуджөдөм книгагасын кө паньдасьлөны коми синтаксисысь кежавлөмъяс, найо, В. И. Лыткин серти, подулаөсь. Вичко книгагасө комиөдөма важ славянскөй кыв вылысь и дзикөдз кезны сылөн грамматикаысь эз позь: оригиналыс — важ славянскөй кывкузяыс кутшөмакө «кутіс» вуджөдчысьсө аслас тэчаснас — синтаксиснас.

XVI нэм помын зэв аслыспөлөс мичлуна гижөдөн колө лыддьыны «Енлы служба». Археограф С. А. Попов пасйыліс, мый гижлөма сійөс Стефан, Пермса епископ. Сэтчө пыртөма тшөтш неыджыд коми словарь.

Роч кыв вылын Стефан гижлөма «Поучение епископа Стефана против стригольников». Коми епископ тайо мыжалана шыөдчөмсө лыддьөма Новгородын, медым дорйыны христианскөй вичко, Христос вера шырсөм манакъясысь — отступникъясысь. Сійо кадө новгородса манакъясысь унаөн, кодъяс шырсисны причётчикъясө, кутісны омөльтны, суклявны вселенскөй собор, патриархъясөс, митрополитъясөс, епископъясөс, попъясөс — став священнөй гырысь сансө. Найөс пө эз колана ногөн бөрийыны-пуктыны.

Пермса епископ, дерт, төдіс: өта-мөдсө сійо кадө увтыртисны, суклялісны и патриархъяс, мед аслыныс босьтны тайо медвылысса вичко сансө, но шыөдчөмас сійо некодөс эз зіль уськөдны, а сөмын дорйис православной вера, көсйис өтувтны тайо эскөмас вичкояс.

И Москваын, и Новгородын, и аслас Пермса епархияс Стефан зумыда сулаліс Москваса Великөй князь, Дмитрий Иванович (Донской) дор, и кызд вермис, отсаліс сылы вынсьөдны Роч государство, өтлаөдны, паськөдны сійөс. Стефан гижліс: «...эз сы вылө Христос сет Еуангелиесө йөзыслы, медым сійөс кыв вылын, ылбөсас, пыдди пуктөмөн сэтысь жө и корсьны кодөскө көритана ним, мортөс уськөдана

кывъяс». Тайӧ «Поучениесӧ» сідз жӧ колӧ лыддыны коми йӧзлысь культура да кыв кыпӧдан гижӧдӧн. Од Стефанлӧн дедыс и мамыс, предание серти, коми войтыр пӧвстысь петавлӧмабсь.

Кужисны гижны, вуджӧдлыны книгаяс и Стефан бӧрын Перм му вылын лӧм выль епископъяс. Емдінса кафедральной соборысь епископ Иона дырйи пермскӧй (коми) грамота паськаліс став Великой Пермас. Паськӧдісны сійӧс и епископъяс Питирим да Филофей. Сідз, «Краткое описание Жития святого Алексия митрополита Московскаго» да «Канон на обретение Мощей его в 1433 году» гижӧдъяслысь авторӧн лыддыны Емдінса епископ Питиримӧс. «Житие Питирима» дженьыдик гижӧдын висьтавсьӧ: «...Пермса епископӧн нин сійӧ мукӧд иерархьяскӧд ӧтвыв гижліс Москваӧ Дмитрий Шемякалы корана, бурӧ велӧдана шыӧдчӧмъяс».

Гижльвліс Питирим и Вяткаӧ, корис, медым сэтчӧс войтырыс эз увтыртны, эз грабитны Сыктыв ю бокин олысь зырянаӧс.

Аслас кадӧ грамотной мортӧн Перм му вылын лыддылісны епископ Филофейӧс, кодӧс епархияӧн вескӧдлыны индісны 1471 воын. Сійӧ бура жӧ кужис сёрнитны комиӧн да, тыдалӧ, и гижліс.

Академик М. Н. Тихомиров гижліс: «Вологодско-Пермской летописьлӧн мӧд да коймӧд редакция подулын вӧлі летопись, кодӧс гижӧма Пермса епископлӧн кафедрायн».

Казанскӧй университетса профессор П. Д. Шестаков йӧзӧдліс сыӧн аддзӧм зэв важ гижӧд йылысь статья: «Грамота о постановлении священника Якима в чтеци и в подьяки, и в дьяконы, данная 21 февраля 1474 года шестым епископом Пермским Филофеем...»— вайӧдӧма статьяс аддзӧм важ гижӧдсӧ, а сэсся кыв кӧрталӧма — Грамота улас Филофей кырымасьӧма Пермскӧй анбурьысь шыпасъясӧн».

Тайӧ кырымпасыс висьталӧ сы йылысь, мый Филофей тӧдіс Стефанлысь азбука.

Филофей вӧлі медбӧръя епископӧн, кодӧ овліс Емдінын. Сы дырйи епископлысь кафедрасӧ вуджӧдісны Вологдаӧ.

Епископъяс Никон, Протасей, Пимен да мукӧдъяс сідз жӧ гижавлісны книгаяс, но Перм му ёна казътывтӧг, нимӧдтӧг нин. Дугдісны и комиӧн гижӧмысь!

Сӧрӧнджык, XVII нэмлӧн мӧд джынйын, Стефанлысь книгаяссӧ, анбурсӧ вежисны, сы йылысь вунӧдісны. Но гижӧдыс дзикӧдз эз вош, коли И. И. Лепехинлӧн, Н. М. Карамзинлӧн, Г. Р. Державинлӧн, И. А. Куратовлӧн, Г. С. Лыткинлӧн XVIII—XIX нэмъясся бумагаясын да документъясын.



---

*Журналын йӧзӧдтӧм гижӧдъяс  
редакция оз рецензируют и авторыслы найӧс оз мӧдӧд.*

---

Техн. редактор **В. Напалков.**

Корректор **Е. Козлов.**

Адрес редакции: **167610, г. Сыктывкар, Дом Печати, комн. 26.**  
Телефоны редакции: **2-47-52 (гл. редактор), 2-51-52 (отв. секретарь).**

---


Сдано в набор 06.04.94. Подписано к печати 04.05.94. Формат 70×108<sup>1</sup>/<sub>16</sub>. Печать высокая. Усл. печ. л. 7+0,36; усл. кр.-отт. 5,64; учетно-изд. л. 7,54+0,38. Тираж 2903. Заказ № 1561. Регистр. № 000013.

АО «Коми республиканская типография». 167610, г. Сыктывкар, ул. Первомайская, 70.

# Военкорлөн архивысь. 1941-1945 вояс.




И тадзи уськөдавлісны сөветскöй салдатъяс фашистьяслысь самолётъяс.



Со мый колісны фашистьяс бöрынтьчиганыс.

Снимокъяс Ф. Семянниковлөн.

227-15



В. П. Кисляков. 1941 во.

Василий Кисляков йлысь очерк йöзöдöма журналлöн тайö номерын.